

JO. HENRICI SVICERI,

*Philosophiæ & Linguae Græcæ antehac Professoris,  
Nunc in Patria V. D. M.*

COMPENDIUM  
PHYSICÆ

Aristotelico-Cartesianæ,

In usum Tironum

METHODO EROTEMATICA

Adornatum.

*Cui præfigitur breve & succinctum  
Philosophiæ Theoreticæ Theatrum.*

---

IMPRIMATUR.

Decemb. 29. 1686.

Rob. Midgley.

---

LONDINI,

Typis J. Leake, pro Edwardo Hall, apud  
Cantabrigienses Bibliopola. MDC LXXXVII.

1011



BREVE & SUCCINCTUM  
THEORETICÆ PHILOSOPHIÆ  
THEATRUM.

I. **P**HILOSOPHIA est habitus mentis, ex principiis per se notis, naturale intellectus lumine collectus, intellectum cognitione rerum necessariarum illustrans, voluntatem vero actione honestarum perficiens.

II. Dicitur Philosophia *Habitus*; idque ideo, quia est qualitas adjuvans intellectum in cognitione & volitione eorum ad quorum considerationem atque desiderium natura est inclinat. Estque *habitus nobis non congenitus*, verum (si quidem hæc secundum, non vero præter consuetum naturæ cursum obtineatur) *crebris & repetitis actionibus, studio & usu comparatus*, cum nullus unquam tantæ perfectionis lucem aspexerit, ut statim sine sudore atque labore omnium eorum quæ humana industria cognosci possunt, naturam intime perspicere potuerit.

III. Cum vero *Habitus acquisiti* duum sint generum, *Animi* videlicet & *Corporis*, discriminis gratia, in definitione additur, quod sit *habitus mentis*. Tametsi namque minus necessaria hæc subiecti designatio pluribus forsan videatur, cum communi multorum Philosophorum consensu, ab habituum possessione res corporeæ excludantur, eorum tamen nuda auctoritas non tantum apud me ponderis obtinet, ut contra manifestam ratione suffultam experientiam in eorum concedam sententiam.

IV. Aut annon quæso operandi facilitas potentiam naturalem adjuvans etiam in corpus cadit? sic quidem puto. Dubitas de hoc, eum qui instrumentum musicum pulsandi sibi comparavit habitum, actionesque quasdam brutorum considera, & facile ab hoc scrupulo liberaberis. A talibus itaque corporis habitibus *Habitus Philosophicus* ut distinguatur, *Habitus Mentis* esse dicitur.

V. *Subiectum* itaque Philosophiæ est *Mens*, & quidem cum hic non de *Angelica*, verum de *Humana* agamus Philosophia, *Mens humana*. Hæc enim a Philosophia in actionibus intellectus

## THEORETICÆ PHILOSOPHIÆ

& voluntatis adjuvatur: Hæc insigni hoc ornatu pristino suo nitori, per lapsum amisso, utcunque restituitur. Hæc est vas illud aureum, quod hoc *θεόπεμπτον δῶρον* Philosophiam recipit.

VI. Non vero solum hæc Philosophiam, naturalem Mentis constituentem perfectionem recipit, verum hæc ipsa etiam eam in latebris ignorantix & errorum latentem in regium Veritatis palatium educit atque producit. Tametsi namque ipse Deus O.M. qui omnis Sapientix fons, mensura atque regula est, *Semina Philosophiæ* hominum animis implantaverit, nihilominus tamen menti suas quoque in Philosophiæ inventionem reliquit partes, volendo ut naturali intellectus Lumine primitius sibi concessio ad eorum distinctiorem perveniat cognitionem, quorum semina in se ipsa delitescencia deprehendit.

VII. Sunt autem *Semina illa Principia* sive *Axiomata per se nota*, aliter *Communes notiones* dicta. Dicuntur vero hæc *Axiomata per se nota*, itemque *Notiones Communes*, non quod ita ab omnibus & singulis ipso actu semper percipiantur, ut a nemine vel ignorari vel negari possint: mens namque innumeras notiones communes nescit, quamdiu de illis nulla cogitandi datur Occasio; Cujusmodi sunt pleraque axiomata de iis quæ sensus fugiunt, nec non quam plurima Geometrarum principia; multa etiam præjudiciis, errorum atque opinionum nebulis excœcata & obtenebrata pro falsis vel incertis habet; ut non solum in Dei ac mentis nostræ, sed in rerum etiam sensibillum & corporearum notitia patet.

VIII. Verum *communes* vocantur hujusmodi *notiones*, quoniam certæ & veræ judicantur ab omnibus iis, qui sana ratione pollent. Docet hoc Aristoteles vi. Top. Cap. 4. Dicens, τὸ ἀπλῶς γινώσκον ἐστὶν τὸ πᾶσι γινώσκόν ἐστι, ἅλλὰ τὸ τοῖς διδασκαμένοις τὴν διανοίαν. Καὶ ἄπειρ ἐστὶ τὸ ἀπλῶς ὑγιγνόν τὸ τοῖς δὲ ἔχουσιν δὲ σῶμα. Quod simpliciter notum est, non id est quod notum est omnibus, sed quod notum est iis, qui ratione bene constituta præditi sunt: quemadmodum & simpliciter salubre dicitur id, quod salubre est iis, quorum Corpus bene affectum est.

IX. Et talia principia τοῖς διδασκαμένοις τὴν διανοίαν nota duum sunt generum, alia *Theoretica* contemplationi rerum fundamentum sternentia, alia vero *practica* honestatis studium promoventia. Theoretica rursus sunt vel *Generalia* nulliusque

## THEATRUM.

liusque rei singularis existentiam immediate demonstrantia, vel *Specialia* in Cognitionem mentis existentis nos deducuntia.

X. *Generalia*, sunt trita illa. Quodlibet aut est, aut non est. Impossibile est idem simul esse & non esse. Plura requiruntur ad esse, quam ad non esse. Posito Ente, ponuntur omnia, quæ ad ejus essentiam requiruntur. Essentia cujusque rei cognoscitur ex ejus proprietatibus & operationibus naturalibus. Nihil est causa sui ipsius, Nulla res, nec ulla rei perfectio actu existens, potest habere nihil, sive rem actu non existentem pro causa suæ existentiae. Quicquid est realitatis sive perfectionis in aliquo effecto, id omne est vel formaliter vel eminenter in prima & adæquata ejus causa. Totum est majus qualibet sua parte. Si æqualibus æqualia addantur, tota sunt æqualia. Si inæqualibus æqualia addantur, tota sunt inæqualia. Et similia Metaphysicorum & Mathematicorum effata.

XI. *Specialia* in Cognitionem Entis existentis nos deducuntia, viamque ad alicujus rei creatæ veram scientiam perveniendi sternentia, sunt duo illa notissima: *ego sum* & *Deus existit*. Ex binis namque hisce & scientia humana, contra pertinacissimos quosque scepticos vindicatur, & aliarum rerum firma scientia derivatur, id quod quantum quidem posterius concernit, apud omnes, quibus de meliori luto finxit præcordia Deus, est in confesso, licet de priori plures adhuc dubitent.

XII. Sed facile ex hisce dubitationum fluctibus emergent, si una mecum perpenderit, Philosophiæ initium a principio nobis notissimo & certissimo deducendum esse, ideoque cum hoc *Ego sum* tale sit, recte hoc pro Philosophiæ fundamento poni. Etenim dubitet amens aliquis scepticus de rerum omnium existentia, nunquam tamen de existentia sui ipsius dubitare poterit; eo ipso enim quod dubitet, si ad cogitationes dubitantes attendit, jam se esse, & in se esse quo dubitat deprehendet, velit, nolit, adeo ut ipsa mens dubitans, sufficiens sit, de se non dubitandi, principium. Atque hoc primum marmoreumque scientiæ humanæ fulcrum, punctumque Archimedeum, cui qui firmiter insistit, facile omnes Pyrrhonorum & Scepticorum incertitudines atque vana deliria, e sede sua dimovebit.

XIII. Alterum fulcrum est aureum illud, *Deus existit*, quod licet ordine cognitionis nostræ priori sit posterius, ratione ta-

## THEORETICÆ PHILOSOPHIÆ

men dignitatis atque præstantiæ, illud multis paraſangis ſuperat. Non enim ſatis poſſunt refutari ſceptici, neque conſolutionis ullius ἀμείδιτος. Scientia haberi poteſt, niſi antea ſciatur Deum ſumme veracem & bonum, quique ſit cauſa omnis veri & boni, exiſtere, a quo proinde accipiamus omnem intellectum, quo ſi recte utamur, & non niſi de clare & diſtincte perceptis judicemus, fallere aut falli, in veri cognitione, nequeamus. Atque hæc ſunt præcipua *principia Theoretica* tam *Generalia* quam *Specialia*.

XIV. Reſtant adhuc *Practica*, ſtudio honeſtatis promouentia. Talia ſequentia maxime ſunt. Deus, utpote ens optimum, eſt colendus, atque amandus. Parentes ſunt honorandi. Honeſte vivendum. Nemo lædendus. Suum cuique tribuendum. Quod tibi fieri non vis, alteri ne feceris, &c.

XV. Ex hiſce principiis, qua *Theoreticis*, qua *Practicis*, Intellectus Philoſophiæ habitum colligit, & ſic cognitionem veri obtinet, & actionem boni promouet.

XVI. Tum vero demum legitimo hoc facit modo, quando in veritatis investigatione nihil admittit, niſi illud & ex prioribus evidentè ſequi, & in ſe verum eſſe clare diſtincteque perceperit, nihil quoque rejicit, ni illud cum ſana ratione pugnare evidentè, cognoverit. A qua Regula aurea, ut ne latum quidem unguem in veritatis Philoſophicæ contemplatione recedamus, omnia ea nobis fugienda ſunt, quæ a recto veritatis tramite, in avia errorum nos deducere poſſunt.

XVII. In avia vero Errorum & Falſitatis nos deducunt quam maxime binæ illæ falſi nutrices; *Prejudicium*, quo aliquid verum eſſe arbitramur, antequam ſana ratio id ipſum verum eſſe nobis dictaverit; & *Servitus*, qua quis ita aliorum opinionibus addiſtus eſt, ut ab iis vel minimum recedere religioni ducat.

XVIII. Hæ Errorum illecebræ ut caveantur, Errores admiſſi animadvertendi, quod fiet ſi hæc ante maturum rationis uſum admiſſa præjudicia evertantur, triſtiſſimæque hæc ſervitus excutiat, quo ſic clara & diſtincta perceptio promoveatur, errorque judicii advertatur.

XIX. Animadvertentur autem errores, præjudiciaque evertentur, ſi Opinionum antehac temere, ſine ſufficiente examine, a nobis admiſſarum, novum inſtituamus examen, cognitæque

ſolis

## THEATRUM.

solis ascensum præbeamus, incognitisque eundem denegemus;  
atque tantisper iudicium nostrum de incertis suspendamus,  
donec ea nobis cognita explorataque fuerint. Etenim

*Judicium præceptis infanti iudicis index,*

*Omnia sunt longis discutienda moris.*

*Rerum certa fides & regula firma sciendi.*

*Scrutando nobis & dubitando venit.*

Id quod docere voluit Cyrillus Alexand. lib. II. in Joh. Cap.  
4. quando auro cedroque digna hæc protulit verba. Ἀρχὴ Μα-  
θῆσιν ἔστιν, καὶ πρῶτον ἐπιτίσιν ἀνομάτοις συνέσις, ἡ  
αὐτῶν ἐπαγγελία. Initium Eruditionis est inquisitio, &  
radix cognitionis eorum quæ ignorantur, addubitatio de illis.

XX. Sed durus hic sermo præiudiciorum somno sopitis.  
Unde jure merito cum ingeniosissimo Poeta Anglo Oweno  
exclamare licet.

*Hæu! quantum in terris dominatur Opinio? Verum*

*Me nescire putas, & dubitare vetas.*

*Qui dubitat non errat; adhuc in utrumque paratus;*

*Error opinando, non dubitando venit.*

XXI. Hæc qui rite observaverit, neutiquam aliorum in veri  
inquisitione evadet mancipium, sed auream illam magno su-  
dore partam Libertatem Philosophicam magni æstimabit, pro-  
be perpendens, cuius rebus e sua, non vero aliena percepti-  
one, iudicandum esse, cum sibi ipsi quisque scientiam quærat.  
Est ergo, ut bene quidem cecinit, *Digna viro virtus*

*Nullius additum jurare in verba Magistri,*

*Nec servum cuiquam vendere iudicium,*

*Nec male captivas in vincula tradere mentes,*

*Nec curare nimis segniter αὐτὸς ἑα*

*Illicet ascensu non credere delle supino,*

*Doctores credi quæ voluere sui:*

*Nolle Stagirei aut divini scita Platonis,*

*Ceu semper fuerint indubitata sequi,*

*Oraculumque foret Phæbi, foliumque Sybilla*

*Quicquid sive Plato vult, vel Aristoteles.*

*Suscipienda quidem sibi nomine ducere, sed non*

*Numina, divinos non tamen esse Deos.*

Id quod etiam agnovit ingeniosissimus cæteroquin Aristotelis

## THEORETICÆ PHILOSOPHIÆ

hyper-aspirantes Jacobus Zabarella, quando hæc contra nimios Aristotelici nominis buccinatores calamo digna protulit verba. Lib. iv. de Method. *Ego etsi in admiratione ingenii Aristotelis nulli mortalium secundus esse volo, tamen credo ipsum neque omnia scribere, neque omnia cognoscere potuisse, neque etiam veritatem in omnibus quæ scripsit ita esse affectum, ut nunquam errare poruerit, quippe qui fuit HOMO, NON DEUS.*

XXII. Colligi vero intellectus Philosophiæ habitum ex supra nominatis principiis gemina de causa potissimum, quarum una est, ut per eum intellectus cognitione rerum necessariarum collustretur, altera vero, ut voluntas actione honestarum perficiatur. Unde binæ Philosophiæ exsurgunt partes, quarum prior intellectum cognitione rerum necessariarum illustrat, & *Theoretica* dicitur; posterior vero voluntatem actione honestarum perficit, & *Practica* vocatur.

XXIII. Differunt itaque hæc duæ Philosophiæ alæ *Subiecto*, *Objecto* & *Fine*. *Subiecto*; Philosophiæ namque *Theoretica* subiectum informationis est simplicior illa nostræ mentis facultas, Intellectus; *Practica* vero est voluntas. *Objecto*; Philosophiæ *Theoretica* Objectum sunt res necessariae, quæ non sunt *κτὴν αὐτοῦ τοῦ ἀνθρώπου* h. e. quæ ejus sunt conditionis & naturæ, ut ab hominis industria nec sunt nec fieri possunt. *Practica* vero Objectum sunt res contingentes, quæ sunt *κτὴν τῶν ἀνθρώπων* h. e. quæ ejus sunt naturæ, ut a nobis libere per præcepta operantibus fieri possint. *Fine*; *Theoretica* Philosophiæ Finis est *θεωρεῖν* seu contemplatio rerum necessariarum: *Practica* vero *πράττειν* sive actio honestarum. Etenim res illas, quæ a nobis nec sunt nec fieri possunt, eo tantum consilio contemplamur, ut eas cognoscamus; eas vero quas Deus nostris viribus & arbitrio subjecit, consideramus, ut eas agendo honestati studeamus.

XXIV. Accurate vero hoc in loco notandum, me, quando Philosophiæ Theoreticæ finem, simplicem rerum necessariarum considerationem esse dico, neutiquam velle Theoreticam Philosophiam omni usu privare, sicque ejus cognitionem otiosam atque sterilem efficere: Umbratili enim hoc sensu, cum magno Bisterfeldio, nullas disciplinas Theoreticas agnosco, sed omnem cognitionem quodammodo practicam, ad praxin destinatam volo, audacterque pronuncio: *Quæcunque cognitio non facit*  
ad



## THEATRUM.

*ad cognoscentis summum bonum, ea est imperfecta; item, quacunque intellectio non juvat creaturam intelligentem ad visionem, adeoque fruitionem Entis primi, ea imperfecta est. Vide Bisterfeldii Phil. p. Primæ semin. Cap. xvij. p. 227. Sed hoc solum alserere nos res necessarias eo saltem fine considerare, ut eas cognoscamus, non vero ut easdem actione aliqua producamus.*

XXV. Varia vero cum sint quorum cognitione animus humanus illustratur, ipsa quoque Philosophia Theoretica suam in certas quasdam scientias divisionem, secundum Objecti sui diversitatem sortitur. Cum enim scientiæ nihil aliud sint quam vivæ rerum Objectarum in intellectu representationes, rerum divisionem, diversumque earum considerandi modum sequuntur.

XXVI. Sunt autem res humanæ contemplationi objectæ in duplici differentia; aliæ namque *Extensæ Materialesque* sunt, aliæ vero *Intellectuales Materiaque* sunt expertes: Illæ communi nomine *corpora*: Hæ vero *Mentes & Spiritus* nuncupantur.

XXVII. Has homo philosophus sub triplici potissimum; ex qua etiam vera disciplinarum Theoreticarum divisio exsurgit; considerat. 1. in generalissimis suis generibus. 2. in se ipsis. 3. in una aliqua specie junctas, adeo ut ordo ab uno generali incipiens, & per media opposita pergens, in uno aliquo speciali ente terminetur.

### METAPHYSICA.

XXVIII. Ea Philosophiæ Theoreticæ pars, quæ considerat res Intellectuales & materiales in generalissimis suis generibus, communiter METAPHYSICA rectius ab objecto suo *Ὄντολογία* vel *Ὀντολογία* vocatur. *Θεωρεῖ γὰρ τὸ ὄν καὶ τὰ τὰ τὸ ἐνυπάρχοντα καθ' αὐτὸ*, Arist. 3. Metaph. Cap. 1.

XXIX. Unde METAPHYSICA communiter definitur, Scientia Entis quatenus Ens est.

XXX. Objectum itaque Metaphysicæ est *Ens quatenus Ens est*, h. e. in quantum communem quandam naturam, vel naturæ gradum habere intelligitur rebus corporeis & incorporeis, Deo & Creaturis. Hoc ens dicitur *Ens reale*, & est illud, quod veram, positivam ac destinatam habet essentiam, quodque proinde vere, proprie ac positive in rerum natura est & existit.

XXXI. Hujus Entis considerat Metaphysica Attributa, divisiones & quasi species generalissimas, specierumque communissima attributa.

## THEORETICÆ PHILOSOPHIÆ

XXXII. Sunt autem *Attributa* Entis alia *Prima* seu *Antecedentia*, alia vero *Orta* & ex *Antecedentibus* sequentia.

XXXIII. *Prima* sunt ea, quæ a nobis considerantur tanquam principia quædam (non effectiva sed formalia) tum Entis, tum vero maxime cæterorum attributorum, quatenus illis positis hæc illico consequuntur & inferuntur, unde & *Principia* Entis appellantur. Suntque duo, *Essentia* & *Existentia*.

XXXIV. *Essentia* est primum, radicale & intimum Entis & omnium Entis proprietatum ac operationum principium, fundamentum & radix. Dicitur hæc alias *Entitas*, *Natura*, *Forma* & *Quidditas*, quatenus nimirum hæc vel ad ipsum Ens quod formaliter constituit, vel ad operationes quæ ab eo fluunt, vel ad alia a quibus differt, vel etiam ad definitionem per quam explicatur, refertur.

XXXV. *Existentia* est alterum ex attributorum primorum numero, & est id quo Ens essentiam actu in rerum natura constitutam obtinet; nihil ergo aliud est, quam *Essentia*, *actualis*, quæ cum sit singularis, ab aliis recte quoque definitur *Existentia*, quod sit principium Entis individuificum, producens singularitatem.

XXXVI. Ex binis hisce primis alia attributa inferuntur, quæ non minus omni Enti communia sunt, & *Orta* dicuntur. Suntque vel *Absoluta*, quæ Enti etiam solitario conveniunt: vel *Respectiva*, quæ rei ad aliam relatæ, non seorsim spectatæ, conveniunt.

XXXVII. *Absoluta* sunt *Unitas*, *Veritas*, *Bonitas*, *Perfectio*. *Unitas* est attributum Entis absolutum, secundum quod Ens essentiam habere intelligitur certam, unicam, non variatam, non multiplicatam non divisam aut discrepantem a seipsa. Hæc quo in Ente est major, eo ens (cæteris paribus) est excellentius, constantius & perfectius. Unde cum in Deo summa sit unitas, Deus quoque est perfectissimus, & plane immutabilis.

XXXVIII. *Veritas* est alterum attributum Entis, secundum quod Ens convenit cum sua idea, quam intellectus divinus, in quo omnium rerum ideæ semper sunt actu, de eo formavit, quodque pròinde cum sua definitione, divinam hanc ideam ut eëtypum suum archetypum imitante, amice conspirat. Itaque veritas Entis creati tota dependet a Deo, qui est prima & perfectissima veritas; unde Veritas in intellectu divino est, ut in

*Arche.*



## THEATRUM.

*Archetypo*, in Natura ut in *Etypo*, in Arte ut in *Antitypo*; Ars enim ideas operum suorum mutuatur a Natura, hæc a Deo, Deus a semetipso.

XXXIX. Quemadmodum vero Veritas Entis ab intellectu divino derivatur, sic *Bonitas* item *Transcendentalis* a nullo fonte rectius quam a voluntate divina arcessitur, ideoq; *Bonitas* hæc hac ratione a me describitur: *Bonitas* est Attributū Entis, secundū quod Ens cum voluntate divina approbante convenit. Cum enim Deus sit prima bonitas, bonum independens, archetypum, *αὐτάρκεια*, a seipso optima quæq; habens, etiam erit regula, norma atque mensura omnis boni, adeo ut extra Deum nihil sit bonum, nisi quatenus ad Deum refertur, vel referri potest.

XL. Quando jam Ens judicatur habere omnia ea, quæ ipsi ratione bonitatis & veritatis suæ debentur, dicitur hoc omnibus numeris (intellige in suo genere) absolutum sive *perfectum*, adeo ut *Perfectio* recte reliquorum attributorum confectarium, atq; colophon dicitur. Hinc *Perfectio* definitur, quod sit attributum Entis cum rei veritate & bonitate connexum, per quod Enti omnia ea adsunt, quæ necessaria sunt ad essentiam. Dicitur hæc *Perfectio Essentialis* & *Absoluta*, ut ab *Accidentali*, quæ non tam ad esse quam ad melius esse pertinet, item *Comparata*, per quam Ens cum alio ente collatum, vel magis vel minus perfectum dicitur, distinguatur.

XLI. Et hæc sunt Entis Attributa *Absoluta*, quæ omnia simpliciter spectata etiam in Ente solitario reperiuntur, sequuntur *Respectiva*, quæ Enti ad aliud relato, non seorsim spectato conveniunt. Oriuntur itaq; hæc ex varia unius Entis ad aliud Ens relatione. Refertur autem unum Ens ad aliud triplici potissimum modo. *Illative* unum ex alio inferendo. *Negative* unum de alio negando, & *Affirmative* unum de alio affirmando; qui triplex nostræ mentis actus triplicem relationem, videl. *Originis*, *Negationis* & *Affirmationis* constituit.

XLII. *Relatio Originis* est inter *Principium*, & id quod a principio ortum. *Principium* est, quod est origo processionis alterius: seu; a quo aliud quid habet suam originem, sive hanc ab eo habeat tanquam a causa proprie dicta, sive tanquam a ratione quacumq; antecedente. Unde *principium* aliud est *Causale*, aliud *Non-causale*. *Non-causale* est a quo quidem aliquid

## THEORETICÆ PHILOSOPHIÆ

suam habet originem, verum non tanquam a causa, sed alio aliquo sublimiori & subtiliori modo. Principium enim læpe dicitur tale, ratione *Ordinis* & *Naturæ* solum, sine *dependentia causali* aut *effectiva*. Sic Aurora dicitur principium diei, Punctum lineæ, Exordium orationis, Ignis caloris, Ens suarum proprietatum; hoc quoque sensu in divinis Pater dicitur principium Filii, Pater & Filius, Spiritus sancti.

XLIII. *Principium Causale*, est efficiens ratione sui effecti. Est autem *Efficiens* principium, a quo primo, mediante actione, producitnr effectus essentiam ab agente revera diversam obtinens. Ejus itaque *causalitas*, sive *ratio formalis*, qua posita hæc actu ponitur, est *Actio*, seu *operatio*, qua hæc ipsum effectum attingit, cum vero nihil agat nisi agere possit, hæc in agente, quod semper est *suppositum*, præsupponit *vim*, *facultatem* & *potentiam agendi*, cujus fundamentum in Deo & ejus *omni sufficientia*, in Creaturis vero *Dei voluntas*; & quia nihil est causa sui ipsius ideo producit causa mediante actione effectum, essentiam a se diversam obtinentem. Huic causæ respondet *Causatum*, seu *effectum*, quod a causa efficiente productum, ejus actionem terminat. Sic Deus est Causa Efficiens procreans & conservans omnium Entium a se distinctorum.

XLIV. *Relatio Negationis* vel est inter distincta, vel inter priora & posteriora: prior vocatur *Relatio Distinctionis*, posterior vero *Ordinis Distinctio* est, per quam hoc non est illud, & illud non est hoc; seu est plurimum in uno tertio dissensus. *Formalis* atque *ratio distinctionis* in eo consistit, ut unum non sit aliud, sive in natura, sive in intellectu. *Oppositum* distinctionis est *Convenientia*, per quam plura, aut quasi plura inter se in aliquo tertio reali consentiunt, unde *formalis ratio convenientiæ* est ipsa concordantia unius extremi cum alio, quæ si tanta sit, ut extrema essentiam habeant unam & eandem, *Identitas* proprie nominatur, quæ summus est convenientiæ gradus, ut oppositio disconvenientiæ.

XLV. *Relatio Ordinis* est inter priora & posteriora, & ea quæ sunt simul. Unde *Ordo* est attributum Entis respectivum, per quod ex Entibus tum producentibus, tum productis, tum distinctis, tum unitis antecedunt, consequuntur, comitantur, quæ antecedere, sequi, comitari sese debent. Hic si turbetur horrenda *confusio* oritur.

XLVI. Re-

## THEATRUM.

XLVI. Restat *Relatio Affirmationis*, qua nomen affirmatur de alio. Est autem *Relatio Affirmationis* vel *Comparisonis*, qua res simul & una esse aut inter se convenire dicuntur; vel *Compositionis*, qua unum consideratur tanquam in alio; vel *Accessionis*, qua unum spectatur veluti accedens ad aliud; vel denique *Substitutionis* qua unum spectatur ut positum pro alio.

XLVII. *Relatio Comparisonis* est inter Comparata. Sunt autem *Comparata* relata, quæ in aliquo tertio tanquam basi inter se conferuntur. Est autem tertium illud vel quantitas, vel qualitas. Si comparata convenient in quantitate, dicuntur *Paria* seu *Æqualia*; sin vero convenient in qualitate, *Similia* nominantur.

XLVIII. *Relatio Compositionis* est inter, Totum & Partes, Simplex & Compositum, Completum & incompletum. *Totum* est quod continet partes vel vere, vel quasi tales, ex quarum unione constat. *Pars* est, quæ continetur a toto, & illud mediante unione cum reliquis partibus constituit. Totum aliquando æquipollet Completo & Composito, & tum partes simplicia & incompleta vocantur.

XLIX. *Relatio Accessiones* est inter Subjectum & Adjunctum. *Subjectum* est cui aliquid præter essentiam ita adiungitur, ut eam neque constituat, neque constitutam immediate consequatur: unde *Adjunctum* est, quod rei præter essentiam tribuitur, sive jam hoc propriam secum afferat realitatem, ut vinum in dolio, anima in corpore; sive tantum sit substantiæ, cujus adjunctum dicitur, modus quidam, ut in mente affirmatio, negatio, in materia figura & motus.

L. Sequitur tandem *relatio Substitutionis*, quæ est inter signum & signatum, Mensuram & mensuratum, Imaginem & exemplar. Signum est quod aliquid a se distinctum notificat, vel indicat; & *Signatum* est, quod per signum notificatur, vel indicatur. Ut vero signum suo fungi valeat officio, necesse est ut sit proportionale & rei significandæ, & potentiæ cui significat, alias signum esset insipiens & ineptum. Et quidem cum hæc proportio vel a natura sufficiens sit in ipso signo, vel non sufficiat nisi accedente institutione voluntaria, signa etiam in Naturalia & Arbitraria distinguuntur.

LI. Ad *relationem Signationis* pertinet *Relatio Mensurationis*, tanquam specialior quædam notificatio. Nam, *Mensura* est  
signum

## THEORETICÆ PHILOSOPHIÆ

signum notificans quantitatem mensurati; & *Mensuratum* est, cujus quantitas per mensuram notificatur. Omnis mensura itaque duplicem includit respectum, alterum ad intellectum, cui quantitas mensurati manifestatur, & alterum ad objectum sive mensuratum cujus quantitas per mensuram exploratur. Exploratur vero non solum per mensuram *quantitatis extensionis*, verum etiam *quantitas perfectionis, intensiois, successionis, durationis, multitudinis, directionis, cognitionis*, &c. Unde totuplex quoque mensuræ divisio exsurgit. Ut vero mensura mensurati quantitatem notificare possit, maxime requiritur ut sit certa & infallibilis notiorque mensurando, alias hanc certo & infallibiliter indicare non posset.

LII. Sub *Signo* etiam continetur *Imago*, cujus signatum est *Exemplar*. Est autem *Imago* signum ab Exemplari per imitationem expressum. *Exemplar* vero est signatum a quo imago expressa est. Ratio ergo imaginis non absolvitur nuda convenientia duorum, verum insuper requirit, ut sit ab ipso exemplari expressa, ideoque plus in imagine esse non potest, quam in ejus exemplari.

LIII. Entis attributis generalissimis breviter ita perlustratis, sequitur ejusdem divisio in prima sua (quasi) inferiora, quæ proxime sub Ente ad modum specierum continentur: qualis est divisio Entis in *Deum & creaturam*; quæ variis æquivalentibus divisionibus illustratur, quas nunc urgens brevitatis studium sicco pede transire jubet. Et hisce finitur Metaphysica, quæ res intellectuales & materiales in generalissimis suis generibus considerat.

### PNEUMATICA.

LIV. Pergendum nunc ad eas Philosophiæ Theoreticæ partes, quæ substantias intellectuales & Materiales ipsas considerant. Illa itaq; Theoreticæ Philosophiæ pars, quæ substantias intellectuales considerat, *Pneumatica* sive *Pneumatologia* vocatur. Est ergo PNEUMATICA scientia naturam Spirituum explicans. Natura Spiritus in eo consistit, quod sit substantia intellectu & voluntate prædita. Dividitur hic in *infinitum & finitum*. *Infinitus* est Deus, qui omnes omnino perfectiones cogitabiles continet. *Finitus* est, qui certos & essentiae & perfectionum suarum agnoscit terminos; estque *vel a corpore liber*, ut Angelus;

## THEATRUM.

lus; *vel naturaliter corpori junctus*, ut animus. Et hinc pro numero hujus triplicis objecti, Dei, Angeli & Animæ rationalis, Pneumatologia distribuitur in tres partes, *Theologiam naturalem, Angelographiam & Psychologiam.*

LV. *Theologia Naturalis* est scientia de Deo ex lumine Naturæ divinitus illustrato acquisita. *Objectum* itaque hujus est *Deus*, quem existere non solum totus macrocosmus elata voce clamat, verum etiam cujusvis animus contestatur, utpote cui ipse Deus sui ideam, tanquam Characterem indelebilem & notam artificis ita impressit, ut quivis ex propriæ suæ mentis scrinio quodocunque libuerit, firmissima existentiae divinæ argumenta depromere possit. Non vero saltem ex hac idea homo quod Deus sit, verum etiam quis sit, cognoscere potest; repræsentat enim hæc menti, *Eus perfectissimus, adeoque Necessarius, unum & unicum, Independens, Simplificissimus, Immensum, Aeternum, Immutabile, Omniscium, Omnipotens, quodque sit Creator, Conservator & Gubernator omnium.*

LVI. *Angelographia* est scientia naturam Angelorum explicans. *Objectum* itaque hujus est *Angelus*. Horum existentia ex S. Scriptura certa, probabiliter admodum ex effectibus quibusdam extraordinariis, quales observantur in hominibus obsessis, responsis idolorum, &c. demonstratur. Existunt autem hi non ab æterno, verum existentiae suæ initium habuerunt in tempore, quando cum domicilio suo, quod est Coelum, primo die fuerunt creati. Licet vero existentiae suæ habuerint initium, ejus tamen nunquam visuri sunt finem, non quidem quasi Deo subtrahente suum influxum non reciderent in nihilum, sed quia nullam corruptionis suæ habent principium internum, unde etiam ipsis tribuitur *vita simplicis existentiae*, morti simplicis annihilationis opposita. Non solum autem tribuitur Angelis *vita simplicis existentiae*, verum etiam ipsis adscribitur *vita existentiae actuosæ*, quæ in Angelorum operationibus consistit. Sunt autem Angelorum operationes aliæ *Immanentes*, aliæ *Transseuntes*. *Immanentes* sunt *Intellectio & Volitio*. *Intellectio* est actio Angeli immanens, qua seipsum, alios Angelos, Deum, aliaque extra se cognoscit; Cognoscit autem seipsum Angelus per suam substantiam, Deum in vestigio *τὸ εἶναι, τὸ οὐκ εἶναι, τὸ εἶναι καὶ οὐκ εἶναι*, quod est in creaturis, maxime in imagine, quam invenit in se, alios  
An-

## THEORETICÆ PHILOSOPHIÆ

Angelos penetratione, vel potius irradiatione; reliqua autem per species aut imagines rerum. Excipiuntur tamen a cognitione Angelorum futura pure fortuita, vel a libero hominis arbitrio in totum dependentia; cogitationes item hominum. *Volitio* Angelorum est actio, qua bonum cognitum appetunt. Hoc bonum in statu creationis & naturæ non semper fuit verum, sed etiam apparens, nunc vero in statu præsentis Angelorum confirmatorum voluntas semper ad verum bonum, ut lapforum ad malum, tendit. *Operationes* Angelorum *Transseutes* sunt quas in objecto extra se posito exercent. Harum fons est magna illa Angelorum potentia, quam sæpe mirandis suis operationibus demonstrant, inter quas celebris admodum est *corporum* sive verorum & vivorum, sive mortuorum & mirabili aliquo modo fabricatorum *assumptio*, quibus quandoque, Deo sic volente, relative, ut motor mobili adjunguntur.

LVII. *Psychologia* est scientia naturam mentis humanæ explicans. *Objectum* itaque est *mens humana*, quæ est substantia cogitans finita, corpori organico mutuo quasi foedere naturaliter juncta. Cum ergo sit substantia cogitans, non est modus corporis extensi, nec extensionem in sua natura includit, ideoque; nec dividi nec dissolvi, nec ab ulla vi corporea produci, conservari aut destrui, nec denique alio quoque modo corporis instar affici, moveri aut figurari potest. Unde evidenter sequitur, quod sit immortalis ac naturæ suæ incorruptibilis, nec etiam propagetur per traducem, aut instar luminis a lumine accendatur; hæc enim omnia sine divisione, quæ in animum, ut pote substantiam Intellectualem, non cadit, intelligi nequeunt; sed quod ab ipso Deo immediate creetur, a quo solo etiam conservatur. Cognoscitur autem mentis nostræ natura distinctius ex ejus proprietatibus, quæ nec a mente, nec inter se realiter distinguuntur. Sunt autem illæ duæ præcipuæ, quarum una est *perceptio, intellectus*, qua mens nostra simpliciter sibi aliquid repræsentat, *Apprehensio simplex* alias dicta: altera *determinatio voluntatis*, qua cogitatio nostra versus objectum quasi fertur: hæc si objectum respiciat sub ratione veri & falsi, dicitur *Judicium*; sin vero sub ratione boni & mali, *voluntas* strictè sic dicta vocatur. Et hisce terminatur *Pneumatica* substantiarum intellectualium naturam explicans.

LVIII.

## T H E A T R U M.

LVIII. Ordinis quidem ratio nunc exigeret, ut ad eam Philosophiæ Theoreticæ partem procederemus, quæ substantias materiales considerat, & *Physica* seu *Somatica* commode dicitur. Cum autem hæc disciplina in subsequenti opusculo pertractetur, nos ea nunc missa, breviter coronodis loco, *Ἀνθρωπολογίας* proponemus delineationem.

### ἈΝΘΡΩΠΟΛΟΓΙΑ.

LIX. *Ἀνθρωπολογία* itaque est scientia naturam hominis explicans; Est autem *homo* substantia creata, ex mente finita & corpore organico composita; unde & *μικροκοσμος* parvus mundus bene dicitur, quoniam se toto rerum omnium creatarum (*Materialium* & *Intellectualium*) universitatem repræsentat, & *forma hominis* optime hæc *Animæ* & *Corporis unio* statuitur, ctenim hac posita homo ponitur, & sublata tollitur. Consistit autem hæc *Mentis* & *corporis conjunctio*, in relativis utriusque actionibus & passionibus, actu secundo & jugi exercitio se exerentibus, eo quod nimirum Animus immotus, excitando & gubernando Spirituum animalium cursum, corpus moveat, & vicissim corpus non cogitans animum plurima cogitare faciat, novis ac variis perceptionibus producendis valide occasionem dando. Connectuntur hi *Mentis* & *corporis actus*, nulla naturæ necessitate vel cognatione ipsis in hærente; quomodo enim inter species oppositas, naturalis affinitas intercederet: Sed sola DEI conditoris voluntate, qui pro sua sapientia & libertate diversissimorum generum actus in Homine sic necti voluit, ut alter ad alterum, licet nulla inter eos intercedat similitudo, referatur. Exercentur hi actus *mediate* & *secundario* in toto corpore, *immediate* tamen & *primario* in Cerebri media & intima parte, in qua, cum duæ impressiones per duplicia sensuum organa, ab unico venientes objecto, rursus in unum coeant, anima proprius & specialius percipit & vult, quæcunque vel a corpore veniunt, vel ad corpus tendunt: hocque contingit ope nervorum, filorum instar a cerebro ad omnia reliqua membra protensorum, iisque sic annexorum, ut vix ulla pars corporis humani tangi possit, quin hoc ipso moveantur aliquot nervorum extremitates, per ipsam sperſæ, atque earum motus ad alias eorum nervorum extremitates, in cerebro circa glandulam pinealem, sive *κονδ-*



## THEORETICÆ PHILOSOPHIÆ

ὅαν collectas, transferatur. Motus autem qui sic in Cerebro  
 a nervis, & spiritibus vitalibus in nervis excitantur, mentem  
 cerebro junctam diversimode afficiunt, prout ipsi sunt diversi,  
 simulque eam in cogitatione excitant *sensuum* varietatem, a  
 qua tot *tactiles qualitates*, quales sunt calor, frigus, humiditas,  
 siccitas, & quinque diversi *sensus externi*, *Visus*, *Auditus*, *Olfactus*,  
*Gustus* & *Tactus*, &c. denominantur. Et quia plurimæ interio-  
 res partes similes habent nervorum propagines, variæque in  
 ipso corpore latent causæ, quæ afficere eas possunt, hinc *sen-*  
*sus* quidam oriuntur, quos *internos* vocamus, & in *Animi af-*  
*fectus* & *Appetitus naturales* distribuimus; Sed hic pedem figo,  
 & in stuporem atque admirationem ex contemplatione homi-  
 nis, mirificæque conjunctionis inter animum & Corpus inter-  
 cedentis abreptus, Te, Lector benevole, Verbis S. Basilii, quæ  
 leguntur in ejus Homilia habita in verba Moſis, πρόσθε σε σι-  
 αωπὶ, ita compello. θαύμαζε ὃ τεχνίτῳ, πῶς ὃ ψυχῆς  
 σὲ τῷ δυνάμει πρὸς τὸ σῶμα συνέδησεν, ὡς μέλει ὃ περι-  
 ταν αὐτὸ διέκνημένῳ τὰ πλεῖστον διεσῶτα μέλη πρὸς μίαν  
 σύγκοιαν καὶ κοινωνίαν ἄγειν. Σκόπε, τίς ἡ ἐκ τῆς ψυχῆς  
 ἐκδημένη τῇ σαρκὶ δύναμις. Τίς ἡ ἐκ τῆς σαρκὸς πρὸς ψυχὴν  
 ἐπανίσταται συμπατάει. *Mirare artificem quomodo Anima tua vim*  
*corpori alligaverit, ut usque ad extrema ejus pertingens, plurimum*  
*disjuncta membra ad unum concordiam & consortionem adducat.*  
*Contemplare, quæ ab anima concessa carni potentia: quæ a carne*  
*ad animam resurgens convenientia. Vale & nostris conatibus*  
*fave.*

## QUERELA PHILOSOPHI.

*Ut solide sapiat nulli sua sufficit ætas,*  
*Mors prius a tergo quam sapiamus adest.*

F I N I S.

INSTI-





# INSTITUTIONES PHYSICÆ

NOVA METHODO  
In usum Tironum Adornatæ.

---

1. *Quid est Philosophia?*

**P***hilosophia* est habitus mentis humanæ, ex ideis insitis & principiis per se notis, studio & usu comparatus, *Intellectum* cognitione rerum necessariarum illustrans, *Voluntatem* verò actione honestarum perficiens.

*De Philo-  
sophia in  
genere.*

2. *Quotuplex est Philosophia?*

Duplex; *Theoretica* nempe & *Practica*.

3. *Quid est Philosophia Theoretica?*

*Theoretica* Philosophia est, quæ mentem cognitione rerum necessariarum illustrat,  
dum

## PHYSICA EROTEMATICA

dum eam jucundâ earum θεωρία seu contemplatione allicit & reficit.

## 4. Quid est Philosophia Practica ?

Practica Philosophia est, quæ voluntatem actione rerum honestarum perficit, studium virtutum, sicque πράξις, actionem boni ei intimans ?

## 5. Theoretica unicane an multiplex est disciplina ?

Multiplex, pro objectorum diversitate, varioque considerandi modo. Alia enim circa Corporum naturam, ut Physica; alia circa eorundem magnitudinem, numeros & figuram, ut Mathematica; alia denique circa spiritus cognoscendos est occupata, ut Pneumatica.

## 6. Cur Metaphysicam, quam alii Ontosophiam vocant, in censu disciplinarum Theoreticarum omittis.

Omissam illam, non quod hujus Disciplinae ( si resectis inutilibus & spinosis, rite tradatur) cognitio sapientiæ studioso, utilis & necessaria non sit; prout plures perversè judicant : sed quia Disciplinam hanc θεωρητικήν esse puto, Theoreticæ  
Phi-

Philosophiæ præmittendam, nec tam res, quam varios rerum conceptus, modos, definitiones, distinctiones, relationes exhibentem.

7. *Quam Theoretica Philosophia partem De Physica. explicari tibi nunc cupis?*

*Physicam à φυσική seu natura* denominatam; unde & *Philosophia naturalis* ab aliis vocatur.

8. *Quid est Physica?*

*Physica* est scientia corporis naturalis, quatenus naturale est.

9. *Cur dicitur Scientia?*

*Scientia* dicitur *Physica*, quia est cognitio certa & evidens, ex lumine naturali acquilita, demonstrationibus ex ipsa rerum natura petitis, roborata.

10. *Cur Scientia Corporis Naturalis?*

*Scientia Corporis naturalis* vocatur, quia versatur in corpore naturali cognoscendo, ejus Principiis vestigandis, proprietatibus & operationibus explicandis.

11. *Cur denique additur Quatenus est naturale?*

Restriçtio hæc additur, quia *Physica*  
non

non curat ea, quæ Corpori *præter naturam*, extrinsecus accedunt, iis contenta, quæ ad ejus naturam spectant, vel ex ea fluunt.

*Corpus naturale.*

12. *Velim ergo mihi dicas, quid sit Corpus naturale?*

*Corpus naturale est substantia extensa in longum, latum & profundum.*

13. *Differunt-ne Corpus & Materia?*

*Reapse non differunt. Etenim una eademque Materia & Corporis est natura & definitio. Hinc Ens materiale & Ens corporeum æquipollent. Differunt autem considerandi modo. Quod absolute spectatum vocatur Corpus illud ad aliud relatum, quod ex eo fit Materia appellatur. E. G. Massa hæc extensa, ut indivisum & indistinctum quid considerata, est Corpus: at si ad distincta corpora hinc efformata referatur, eorundem est Materia.*

14. *Nihilne ergo extensum est, nisi quod matereale & corporeum sit?*

*Nihil: sunt enim hæc ἰσοδυναμῶς æquipollentia & reciproca esse extensum & esse materiale, sive corporeum.*

15. *Er-*

15. *Ergone Spatium, quod extensum esse Spatium. nemo negaverit, etiam est materiale & corporeum?*

*Spatii* extensio non differt ab extensione Corporis re ipsa, ac proin omne *Spatium* reale, corporeum est.

16. *Mirum & novum quum hoc mihi sit, rem quaeso mihi distinctius explica?*

Faciam. Attende sedulo! si *extensio* spectetur *generatim*, tanquam quædam dimensio, quæ accedente vel recedente Corpore, eadem permanere, diversisque Corporibus sibi succedentibus communis esse intelligitur, tum *Spatium* illa vocatur; sin autem consideretur *Speciatim*, ut corpori particulari propria, cum eo accedens & abiens, tum *Corpus* non *spatium* appellatur.

17. *Nullum-ne ergò datur Spatium Vacuum, in quo nihil extensi sit?* *Vacuum.*

Non datur, nec quomodo dari possit intelligere queo. Etenim *Spatium* nequit concipi sine *distantia* (unde Græcis *Διάστημα* *spatium* dicitur) & hæc non sine *extensione*; *extensio* autem nequit esse sine *extenso*. Sic, ut rectè judicante Thoma Anglo, *lib. 2. §. 8.* *irra-*

*Instit.*  
*Peripat.*

“irrationalis sit admiratio eorum, qui pe-  
 “tunt, si auferatur aer ex ingenti Sphæra  
 “concava, & nihil fiat amplius, quid fu-  
 “turum sit? Nam tantundem valet, ac si  
 “dicerent, si Sphæræ latere conjungantur  
 “& nihil sit quo distent, anne conjuncta  
 erunt? Licet enim inter *concavitatem*  
 Sphæræ & *aerem* inclusum nulla sit neces-  
 saria & indissolubilis connexio; est ta-  
 men talis inter *concavitatem* & *extensionem*,  
 cum illa sine hac concipi nequeat. Ubi  
 autem *extensio*, ibi *extensum* sit necessum  
 planè est.

*Physicæ  
 divisio.*

18. *Quot modis Corpus, sive Substan-  
 tia extensa in Physica consideratur?*

Duobus modis, *generatim* & *speciatim*;  
 Unde *Physica* in *generalem* & *specialem* ex-  
 surgit distinctio.

19. *Quæ est Physica Generalis?*

*Physica Generalis* est, quæ Corpus, seu  
 Materiam in genere, h. e. ejus naturam,  
 principia, generales affectiones & differen-  
 tias considerat.

*Corporis  
 Essentia.*

20. *In quo consistit Corporis in genere spe-  
 ciatim Natura.*

In *extensione*, seu *trina dimensione*. Hæc  
 enim

enim est primum, intimum & radicale illud quod in quocunque corpore concipimus; quod in omnibus mutationibus cæteris omnibus variatis manet, nec sine Corporis annihilatione interire potest.

21. *Sed Atomī extensæ non sunt, & tamen Atomī Corpora sunt?*

Eo ipso quòd Corpora sunt, extensæ sunt, nec sine extensione concipi possunt. Concipe Atomum in plano positum, vel tres Atomos in plano sibi junctas, certè latera habebunt in quibus se & planum contingant, quæ ipsissima extensio est.

22. *Quod si natura Corporis consistit in extensione, qui fit ut unum idemque Corpus mox majorem, mox minorem habeat extensionem, ut in Rarefactione & Condensatione corporum hoc fieri cernimus?* Rarefactio & Condensatio.

In *Rarefactione* & *Condensatione* corporum quantitas partium Corpus aliquod constituentium revera non augetur, nec minuitur, sed in *Rarefactione* partes ante unitæ distenduntur, ut intervalla quædam inter illas existant, quæ ab alio corpore

trante, fluido & mobili valde, implentur; ut in Spongia humore turgida, patet. Contrà in *Condensatione* partes separatæ arctius conjunguntur, & illa corpora, quæ intervalla explerunt, expelluntur; Ut in Spongia compressa liquet. Ideoque major & minor extensio in talibus corporibus non est de *Essentia Corporis*, sed tanquam quædam corporis extensi nova *modificatio*, *figuræ mutationem* supponens, alteriusque *Corporis*, intervalla subeuntis, *præsentiam* arguens. ○

X

*Principia  
Corporis.*

23. *Naturam suam unde Corpus obtinuit?*

Inde eam habet, unde suum habet *esse*, adeoque à *Principiis*, à quibus *Originem* suam trahit.

24. *Quomodo definit Aristoteles hæc Principia?*

*Principia* finitore *Aristotele* sunt quæ neque ex se invicem sunt, neque ex aliis, sed ex quibus sunt omnia. Δὲ ὃ τὰς ἀρχὰς μήτε ἐξ ἀλλήλων ἴδι, μήτε ἐξ ἄλλων, καὶ ἐκ τέτων πάντα: *Libr. 1. Phys. cap. 5. Text. 42.*

25. De-



25. *Definitio hac omnibusne Corporum Principiis convenit?*

Non, sed certis duntaxat, *internis* puta.

26. *Plurane ergo sunt Corporis Principia?*

Sunt plura. Alia *Externa*, *Interna* alia dicuntur.

27. *Quenam dicuntur Principia Ex-* *Principia  
Externa.*  
*terna?*

*Externa Corporis principia* dicuntur, quæ extra essentiam corporis posita, ab eaque distincta, originem illi præbent.

28. *Quot & quænam illa sunt?*

Duo, *Efficiens*, à quo Corpus naturale productum est; & *Finis*, cujus gratia illud factum est.

29. *Quid est Principium Efficiens Cor-* *Efficiens.*  
*poris?*

Unicum illud est, nempe *Deus O. M.* qui materiam omnem nutu & robore suo produxit, eamque conservat. Hinc recte *Aristoteles Libr. 1. Metaph. cap. 2.* scribit. *ὁ Θεὸς δοκῇ τὸ αἰτιὸν πάντων εἶναι καὶ ἀρχὴ τῆς*, *Deus tum causa omnibus esse videtur, tum principium.*

30. *Materia ergo æterna non est?*

Non est, quum *Materia à se* non sit, nec *semper* fuerit.

31. *Unde scis eam à se non esse, nec semper fuisse?*

Inde hoc scio, quia in ejus *idea* non includitur perfectissimus existendi modus, qui hæc duo, *Esse à se*, & *semper esse* comprehendit.

32. *Cur ergo Aristoteles materiam Ingenerabilem & Incorruptibilem vocavit, si à se & æterna non est?*

Ideo Materiam *ingenerabilem* & *incorruptibilem* dixit, quia hæc generationis & corruptionis omnis in natura est subiectum, non genitum, sed creatum, semper manens, nec quantum liquet unquam destruendum. Quod si aliud quid pectore prefferit, ipsius arbitrio nos non substringimus, ut qui non homini sed veritati sacramentum diximus, illudque haud perfidum, obsequium promptum spondentes, Ibimus, ibimus.

*Finis.*

33. *Quis est Finis Corporis naturalis?*

*Finis* illius *Dei Gloria*, quam opere suo cre-

creaturæ intelligenti manifestare voluit. Omnia à Deo, omnia ad Deum. Finis ab Origine pendet. Eò omnia redeunt, unde prodeunt, resluunt unde profluunt.

34. *Quenam ab externis, hisce Principiis sunt distincta Principia interna?* *Principia Interna.*

*Interna Corporis Principia dicuntur, quæ corpus, ut ejus partes essentielles, componunt, & in eo constituto manent.*

35. *Quot & quæ illa sunt?*

Vulgò duo numerant, *Materiam & Formam*, quorum illa Aristoteli *ὑποκείμενον*, item *ὑλη*, *subjectum & materia*; hæc autem *μορφή* & *λόγος ἢ εἰσίας*, *forma & ratio essentialis* dicitur. Sed minus accurate Corporis in genere considerati principia hæc esse statuunt. Cum enim Corpus in genere consideratum nihil nisi ipsa *Materia* sit, & hæc *Formam* nullam habere intelligatur, ut quæ moles indefinitè extenta, ubique sibi similis, regionibus carens, ac nullo intercedente hiato universum replens esse concipitur, frustra hæc *Corporis in genere spectati principia* esse dicuntur.

36. *Possunt ne ergò alio sensu Principia hac interna admitti?*

Imò possunt, si nimirum non Corpus in genere, sed ejus spectentur *species*, multùm ab invicem diversæ. Hæ enim constant ex *Materia*, quæ omnium Corporum est eadem, & ex *Forma*, quâ quodlibet Corpus ab alio differt. Ἄπαντα ἐκ τε τῆς ὑποκειμένης, καὶ τῆς μορφῆς γίνονται. *Omnia ex subjecto, & forma fiunt*, Aristotele teste.

*Materia.  
Prima.*

37. *Illà Materia quæ omnibus est communis quomodo appellatur?*

Ab Aristotelis sequacibus *Prima* appellatur, quam ita definiunt; *Materia est primum subjectum, ex quo insito, non ex accidente, aliquid oritur, & in quod, si quidpiam interit, ultimum abit.* Λέγω, ἕλκε τοῦ πρώτου ὑποκειμένου, ἐκαστὸν ἐξ ἧς γίνεσθαι τε ἐνυπάρχοντος, μὴ καὶ συμβεβηκὸς εἶτε φθείρεται τι εἰς τὸ τοῦ ἀρίξεσθαι ἕχατον. *Lib. 1. Phys. cap. 9. Text. 82.*

38. *Quomodo hanc definitionem explicant?*

Ita eam explicat Senguerdinus, *Coll. Phys. Disp. 1. Thes. 17. 18. Materia nominatur sub-*

*subjectum*, quia formis subjicitur, & eas in se recipit. Dicitur autem *primum subjectum*, ut à materia secunda secernatur, quæ etiam subjicitur formis, sed non est primum subjectum. Illud *aliquid* quod ex materia oritur, Corpus est. Ex hoc subjecto *insito* dicitur corpus oriri, ut significetur, materiam per modum partis in corpore dari. Additur *non ex accidenti*, ut removeatur privatio, & ablegentur accidentia. *Si quid interit*, hoc ultimo abit in materiam, quia res resolvitur in ea, ex quibus constat, adeoque ultima resolutio fit in materiam primam.

39. *Cur prima hæc materia vocatur?*

*Prima* vocatur ad discrimen *materiae formatae*, ex qua corpus aliquod novum surgit; ut ex ovo pullus; quam *secundam* nominant. *Primæ* tribuunt *Potentiam Universalem* ad omnes formas successive recipiendas; *secundæ* autem *potentiam particularem* ad recipiendam formam certam, ad quam disposita est. Dum verò geminam hanc potentiam *appetitum* vocant, *materiale* cum intellectuali confundunt, & obscuros conceptus inepto nomine produnt.

40. *Ergone una eademque omnium Cor-*

porum, qualiacunque illa sint, est Materia?

Imò, si primam intelligas. Nam extensio, quæ Materiæ essentiam constituit, in omnibus Corporibus reperitur, easdem dimensiones & proprietatis habet. Nec valet illud Sperlingii; *Alia forma, alia materia*, quum etiam in artificialibus eadem materia diversissimas suscipere queat formas.

Forma.

41. *Quid est Forma, quam alterum Corporis principium esse dixisti?*

*Forma est per quam Corpus in certa specie constituitur, & convenienter naturæ suæ operatur. Aristotelicis definitur Actus substantialis unam per se cum materia constituens.*

42. *Quomodo Aristotelici suam Formæ definitionem explicant?*

*Senguerdus in Coll. Phys. Disp. 1. Thes. 21. eam sic explicat. Forma dicitur actus, ut distinguatur à materia, quæ potentia est. Substantialis, ut removeantur actus, sive formæ accidentales. Unum per se cum materia constituens, ut magis excludantur accidentia, & formæ quoque assistentes, qualis v. gr. forma est nauta navis, quam impellit & dirigit.*

43. *Est-*

43. *Estne verò Forma æquè Substantia ac Materia talis est?*

Communiter ita sentiunt, & pro hac sententia tanquam pro aris & focis decertant. Sed opinio non ratio pro illis militat. Etenim quum duo duntaxat *substantiarum* sint genera, *Materiale* & *Intellectuale*, ad alterum genus reducatur forma necesse est, si substantia sit. Non potest autem reduci ad *prius*, quia sic distinctum à Materia principium non foret. Nec ad *posterius*, quum *Formarum ortus* & *interitus* illas à natura substantiarum intelligentium, quæ ἀσπαστος καὶ ἀφθαστος nec sate nec donata sunt, alienas esse satis superque ostendat, nec *intellectus* ullum in illis sit vestigium.

44. *Quod si Forma Corporum substantia non sit, quid ergo est?*

*Forma* est complexio certorum modorum quales sunt *Quantitas*, *Figura*, *Situs*, *Motus* & *Quies*, quorum *diversitas* mater est rerum diversarum, debita *conjunctio* autem omnium actionum principium, *dispositivum* puta. Id quod *Ars Naturæ æmula* nos abundè docet nec enim res artificiales à

naturalibus aliter differunt, quàm quod hæ subtilitate, multitudine, & aptitudine Organorum illas superent, & sic artificem præstantissimum arguant.

45. *Quomodo verò Forma Corporis potest esse Principium, si substantia non sit?*

*Forma est principium Corporis non secundum τὸ εἶναι, quatenus illud res est; sed secundum τὸ τι εἶναι, quatenus certa & ab alijs Corporibus distincta res est. Quod enim Corpus sit res, live substantia, id habet à Materia; quod verò sit res talis vel talis, id habet à Forma. v. gr. Quod culter sit substantia, id habet à ferro; quod verò sit culter non forceps, id habet à Figura acuminata ad scissionem apta.*

46. *Sed Forma hæc Corporibus est accidentalis, ideoque non videtur posse esse cum Materia Principium Corporum internum & essentielle?*

*Accidentalis quidem hæc forma est Materia, quippe quæ illà carere, & lapsu temporis variam induere formam potest: sed Corporibus ex materia efformatis est essentialis, cum hæc illa in certa specie constituat,*



tuat, & ab omni alia specie distinguat. Sic *rotunditas* ligno quidem accidentalis est, Globo verò ligneo essentialis. Et in *Horologio* magnitudo, figura, situs, motus item quarundam partium, aliarum verò quies ferro sunt accidentale quid. Horologio verò essentialis. Ferrum enim sine talibus modis est ferrum, Horologium verò nunquam id quod esse dicitur sine illis est, vel erit. *o*

X 47. Unde Formæ suam habent Originem?

*Formarum  
Ortus.*

*Ortus Formarum* partim *Creationi* partim *Motui* à Deo materiæ infuso, adscribi debet. Quòd enim materia in minutissimas partes valida agitatione divisa sit, hoc à solo Dei robore fuit; quod autem illæ particulæ certam figuram, situm & magnitudinem nactæ sint, hoc à Motu est, Deo sapientissimè illum moderante.

48. Nullane alia dantur Corporis Principia?

*Privitia*

Aristotelici *tertium* addunt, *Privationem* nempe, quam definiunt, quod sit *Absentia formæ in materiam introducendæ, cujus materia naturaliter est capax.*

B 5.

49. Quid

49. *Quid de tertio hoc principio censes?*

Ita censeo, *Principii* vocabulum sumi *abusivè*, pro Generationis termino à quo. Accuratè enim si loquamur, principium non est, quia *quum Privatio sit non ens*, nihil ab ea vero influxu originem suam trahit.

*Natura.*

50. *Naturam cur inter Principia Corporis non numeras?*

Ideo illam Principiis non annuero quia *Natura* à *Materia* & *Forma* diversum quid non est, sed ex debita utriusque *unione* exsurgit.

51. *Quomodo Naturam Corporum definis?*

*Natura est internum agendi & patiendi principium Corporeum, Dei manum & mentem clarissimè indicans.*

52.

*Cur Naturam vocas principium internum & corporeum?*

*Internum* voco, quia à Principiis Corporis internis, *Materia* & *Forma*, *Natura* immediate provenit; *Corporeum* autem, ut naturam *Corporum* à natura spirituum

tuum discernam. Quare ineptè *Henricus Regius* mentem humanam *principium internum & corporeum* vocat, quum hæc cum materia & corpore nihil quicquam, quoad essentiam suam, commune habeat. Futile quoque est, quo sententiam absurdam munire vult, argumentum; *Quod mens sensationes & imaginationes sine corpore nequeat peragere.* Nam licèt Mens corpori juncta corporis subsidio in talibus utatur, non tamen ipsa est principium corporeum talium operationum, quæ quâ cogitandi quædam sunt formæ, purè spirituales sunt, & tantum *occasionaliter*, item *objectivè* à corpore dependent.

53. *Cur Naturam dicis esse principium agendi & patiendi?*

Naturam *principium* agendi voco, quia operationes cuique Corpori debitæ fluunt ab ipsius natura; *patiendi* verò, quia ipsa natura quoque Corpora ad alterius actionem recipiendam præparat atque disponit. Sic in igne natura principium est agendi, sive urendi; in ligno verò est principium patiendi, seu confla-  
grandi.

54. *Cur*

54. *Cur demique addis, manum mentemque Dei indicans?*

Art. 17.  
n. 27.

Idèd hoc addo, quia natura quasi Dei *digitus* est, *manum* ejus robustissimam, qua omnia tenet, & *mentem* sapientissimam, qua cuncta format, abundè demonstrans, sic ut Deus in natura quasi *palpari* queat. Hinc acutissimus Scaliger Exerc. 278. *Naturam nihil nisi Deum esse* dicit; & Exercitat. 6.2. *Naturam sublimare quoddam Numen* vocat. Rectius autem *Exercit.* 188. eam *ordinariam Dei potestatem* appellat. In quo consentientem habet Nobilissimum *Cartesium*, qui Meditatione 6. *Naturam vel Deum ipsum, vel rerum creaturarum coordinationem à Deo institutam esse*, docet.

55. *In hac Natura explicatione lubens acquiesco, sed audire quoque gestio, quomodo Aristotelici Naturam definiant?*

Naturam *Aristoteles* ita definit: 'ἡ φύσις ἐστὶν ἀρχὴ τις καὶ αἰτία τὰ κινεῖσθαι καὶ ἡρεμῆν, ἐν ᾧ ὑπάρχει πρῶτως, καὶ αὐτὸ καὶ μὴ κατὰ συμβεβηκός. *Natura est principium & causa motus & quietis ejus, in quo est, primo, per se, & non ex accidenti.*

56. Quo-

56. *Quomodo hanc definitionem, quæ obscura satis mihi esse videtur, solent illustrare?*

Ita eam solent illustrare. *Natura* dicitur *principium*, quia aliquid ab ea procedit, & quidem vero & positivo influxu, unde additur quod quoque sit *causa*. Id autem quod à natura ita procedit est *motus* & *quies*, *motus* nempe in iis quæ naturaliter moventur, & *quies* in iis quæ naturaliter quiescunt, *motus* autem & *quies* simul in iis, quæ mutatis vicibus moventur & quiescunt. Hujus Naturæ requisita sunt, ut sit in corpore *primo*, h. e. immediatè & *per se*, tanquam ad ejus essentiam spectans. In quo *Ars* à *Natura*, & *artificiale* à *naturali* distinguitur.

57. *Natura cujusque Corporis unde dignoscitur?* *Affectiones Corporis.*

Ex Corporis *Affectionibus* & *Operationibus*.

58. *Quæ sunt generales Corporis Affectiones?*

Quinque sunt: *Quantitas*, *Figura*, *Motus*, *Quies* & *Situs* seu *Locus*, ex quibus Corporum variæ Qualitates resultant.  
Sextam

Sextam addunt Aristotelici , nimirum  
*Tempus.*

2

59. *Quid est Quantitas ?*

*Quantitas.* *Quantitas* est certa mensura magnitudinis, & dicitur *Quantitas continua*, ut discernatur à *Quantitate discreta*, quæ mensura multitudinis est, & *Numerus* vocatur. Prior, non posterior, Corpori propria est.

60. *Magnitudinis unicane an multiplex est Mensura ?*

*Triplex* illa est, pro trina Corporis dimensione ; vel Longitudinis, quæ *Linea* ; vel Longitudinis & Latitudinis, quæ *Superficies* ; vel Longitudinis, Latitudinis & Profunditatis, quæ *Corpus* dicitur.

61. *Quantitas continua quomodo differt ab Extensione Corporis, sive à Corporis Essentia ?*

*Quantitas* hæc ab *Extensione* sive *Essentia Corporis* differt *modaliter*. Nihil enim aliud est, quàm certus extensionis modus. Quod ut clarè intelligas, sequentia tene. *Quantitas* sumitur duobus modis, vel *Absolute* & *indefinite*, vel *Comparatè* & *restrictè*. *Absolute* & *indefinite* *Quantitas* sumta ab extensione quid

quid diversum non est, sed extensum & quantum æquipollent. *Restriçtè & Comparate* verò sumta quantitas est certus extensionis modus, sive ejus quædam mensura, quæ quærenti *Quantum hoc est*, illius Corporis magnitudinem notificamus. Et sic *Quantitas* est attributum ab Extensione modaliter diversum, cujus Comites indivulsi sunt, *Mensurabilitas, Divisibilitas & Impenetrabilitas.*

62. *Quid vocas* Mensurabilitatem & Divisibilitatem & Impenetrabilitatem?

*Mensurabilitas.  
Divisibilitas.  
Impenetrabilitas.*

*Mensurabilitas* est ea in Corpore quanto aptitudo, juxta quam ad certam mensuram applicari vel conformari potest, quæ ejus notificatur magnitudo. *Divisibilitas* autem est ea extensi dispositio à qua partes extra partes habere concipitur, in quas vel cogitatione, vel actuali separatione in *indefinitum* dividi potest. Et *Impenetrabilitas* est unius extensi ab alio distinctio, per quam fit, ut unius extensio ab alterius extensione sit diversa, ita ut non possint duo extensa esse in eodem loco, sed semper unum excludat alterum. Unde ille æternæ veritatis canon: *Dimensionum non datur penetratio.*

63. *Quo-*

Figura.

63. *Quomodo differt Figura à Magnitudine?*

*Figura non est magnitudo, sed magnitudinis definitæ certa determinatio.*

64. *Cur dicis magnitudinis definitæ?*

Quia de solo Corpore *definito* novi, quod extremitatem suæ magnitudinis, sicque *figuram* habeat, id quod de *Indefinito*, cujus extremitates non assequor, asserere non audeo.

65. *Ergone figura Corporis nihil aliud est, quàm superficies Corporis vario modo determinata?*

Imò si figura *Physicè* spectetur. *Physicè* inquam; Nam *Geometras* quidem scio duplices *figuras* asserere, alias nempe *planas*, seu *superficiales*, alias *profundas*, seu *solidas*; At *Physicis* profunditas sive soliditas Corporis est ipsa magnitudo, seu corpulentia, à superficie figurata determinata sive circumscripta, ut rectè *Gassendus*, *Phys. Sect. 1. Lib. 6. p. 383.* observat, ideoque sola *superficies Corporis* vario modo determinata in *Physica figura* dicitur.

66. *Sic Figura nihil erit reale à corpore diversum?*

Differt figura à corpore ut *modus*, quo ejus



ejus superficies diversimode formatur, quatenus hæc aut æqualis aut inæqualis, mox hoc mox alio modo est determinata. Ut in figura Ceræ à Sigillo impressa patet.

67. Unde verò corpus definitum *suam Motus*, habet Figuram?

A *Motu*, quo illud à reliqua *Materia* massa separatum est. Id quod exemplo *Tornionis, Figuli, Fabri, &c.* satis superque patet.

68. Dic mihi ergò quid sit *Motus*?

*Motus* est translatio corporis definiti, ex vicinia corporum illud immediatè contingentium, in viciniam corporum aliorum: sive est successiva corporis unius, ad partes corporum immediatè contingentium facta applicatio. *Aristoteles* obscurè satis illum definit, quod sit *actus Entis in potentia, quatenus in potentia est*. Η' ὅς δυνάμεν ὄντος ἐντελέχεια, ἢ τοιούτων κίνησις ἐστίν. Lib. 3. Phys. cap. 2. Text. 6.

69. Quomodo definitio *Motus* Aristotelica explanatur?

*Senguerdus, Coll. Phys. Diss. 3. Thes. 17.* eam hoc modo explanat. Nomine *Entis* de-

denotatur corpus mobile, quod dum movetur est in *actu* & simul quoque in *potentia* ad ulteriorem terminum; & quidem corpus moveri dicitur, *quatenus adhuc est in potentia* ad illum terminum. Clarius alibi Motum definit *Aristotel.* quod nempe ille sit *μετάστασις τῆς θέσεως*, *translatio ejus quod fertur.* Lib. 4. Phys. cap. 6.

70. *Quot in omni Motu sunt consideranda?*

Quinque, *Movens*, *Mobile*, *Terminus à quo*, *Terminus ad quem*, & *Successio.*

71. *Quid hæc quinque denotent, scire avelo?*

*Movens* est id quod movet; *Mobile* est corpus quod movetur; *Terminus à quo* est vicinia corporum quæ deseritur: *Terminus ad quem* est vicinia in quam corpus pervenit. *Successio* denique, illa latitudo, qua mobile diversis corporum ambientium partibus assidue aliter atque aliter applicatur.

72. *In quo proprie Motus consistit?*

In illa *latitudo* sive *successione*, quæ est *modus*

dus rei quæ movetur, sicut figura est mo-  
 dus corporis determinati. Quod ut probè  
 intelligas, observa *Motum* tripliciter pos-  
 se spectari. 1. Prout procedit à *movente*  
 v. gr. ab homine lapidem projiciente, &  
 sic in movente vocatur *actio*. 2. Prout re-  
 cipitur in *mobili* ipso impulsus primo mo-  
 mento, dum illud moventi adhuc junctum  
 est, v. gr. à lapide quem homo projicit,  
 & sic est *passio*. 3. Prout est in *Corpore* mo-  
 to à movente separato, v. gr. in lapide  
 per aërem lato: & sic est quidam *modus*  
 vel *status* quieti oppositus. Atque ita mo-  
 tus hoc loco consideratur.

73. *Qui verò fieri potest Motus, sive suc-* *Circulus*  
*cessio, quum omnia in mundo sint ple-* *in motu.*  
*na nec dimensionum detur penetra-*  
*tio?*

*Successio* fit, quia unum Corpus alteri  
 prementi *cedit*, & cedens continuum *pro-*  
*pellit*, & porro hoc aliud ad extremum  
 usque, quod in locum unde primum ces-  
 ferat, eo ipso momento quo cessit, *tru-*  
*endo* succedit. A *Circuitu* qui in hac cor-  
 porum successione est, *Circulus* illa vo-  
 catur.

74. Pressionis, propulsionis & trusio- *Omnis Mo-*  
*tus fit per*  
*nis impulsus.*

*nis quum mentionem feceris, videris tacite innuere omnem motum fieri per impulsum, sicque rejicere, qua de motu per attractionem, sympathiam, & antipathiam, fugam item vacui ab aliis proferuntur?*

Certè omnem motum per *impulsu*m fieri assero, illo excepto quo mobile moventi connexum impetum illius sequitur. Quæ de aliis motibus dicuntur, obscura sunt, nec temerè credenda.

75. *Sed obscura sint; non tamen temerè credi videntur, quum experientia varia hac motuum genera comprobet?*

*Experientia* non reclamamus, quando in serio *Examine rationis* obtinuit calculos. Talem autem esse experientiam, quam hac in re jactitant, haud concedimus, quum ratio alia longè nos doceat.

76. *Nonne verò Homo aërem, Magnes ferrum, Naphta ignem, Equus Curru*m trahit?

*Hominem* quod attinet, aërem quidem ille inspirando haurit, sed non sine pulsu. Certum enim est musculos thoracis & ventris inferioris ita esse dispositos, ut corpus

pus possint distendere. Quod dum fit, aër ambiens per nares, os & fauces in cavita- tem pulmonum impellitur, prout pulmo- nibus sanguine & proprio onere collaben- tibus rursus expellitur. De *Magnete* & *Naphtha* quid ratio nostra nos doceat, nunc explicare non possumus, quum cognitio- ni distinctæ parandæ, plura alia sint præ- mittenda; sine quibus illa frustra quæritur. Hoc tibi hætenus sufficiat, quod com- modè hæc per impulsus explicentur. Frustrà autem *Equi* exemplum illis jun- gitur, quum multum hæc differant. E- quus enim vinctis, catenis vel funibus curru jungitur, & sic unum cum Equo currus quasi constituit, ita ut currus non alio modo, quàm quo Equus, moveri con- cipiendus sit, quæ de *Magnete* & *Naphtha* non liquet.

77. *Quid verò statuis de Motu qui ex Va-* *Motus nul-*  
*cui fuga fieri dicitur, ut in Siphone,* *lus est ex*  
*(einer Sprutzen) quo Suctore* *fuga vacui.*  
*tracto aqua evehitur, ne vacuum in*  
*Natura detur?*

*Vacui metus* vanus est. Nec enim Na- tura horret id, quod nullo modo esse po- test. Ideoque effectis naturæ, quæ ex hoc metu

metu provenire dicuntur, vana adscribitur causa. Certè si vacui metus aquam in *Siphone* attolleret, tum ad quamvis altitudinem hæc sublatio fieret, quod tamen non fieri evincit experientia, ut quæ aquam non ultra altitudinem  $31\frac{1}{2}$  pedum *Siphone* attolli posse docet. Non meticolosa & fugiens, sed solida & stabilis subest causa cui effectus hic adscribendus. Nempe hæc. Quia corpus aliquod magna vi de loco suo dimotum; eodem tempore aliud contiguum pellit, donec in ambitu certo materiæ illud corpus succedat, quod dimoto proximè junctum fuit. Sic pistillo in *Siphone* tracto repellitur Aër, qui cedens in aquæ, cui *Siphonis* Orificium immersum est, superficiem irruit, eamque trudendo in *Siphonis* concavitatem impellit. De similibus simile est iudicium.

78. *Sed unde est, quòd Aqua tantum ad certam altitudinem hoc modo attolli possit & non ultra?*

Inde hoc est, quia pondus aëris prementis, cum pondere aquæ sursum propulsæ, tum quasi in *æquilibrio* est, sic ut in aqua resistendi, in aëre verò premendi vis sit æqualis.

79. *Quid*

79. *Quid tandem sentis de Motu accretionis, diminutionis & alterationis, generationis item & corruptionis?*

Accretio,  
Diminutio,  
Alteratio,  
Generatio &  
Corruptio.

Hoc sentio: *Motus* hosce nihil aliud esse quàm quasdam motus localis modificationes. Ubi enim in corpore partes novæ prioribus adduntur, tum illud *crefcere*; Ubi quædam partes ab aliis remouentur, illud *decrefcere*; Ubi denique quarundam sine fenfibili additione vel detractiõne figura & fitus mutantur, *alterari* corpus dicitur. Quæ alteratio fi nexum & ordinem partium planè turbet, *Corruptio* vocatur, cui *generatio* ordinem & nexum essentiali rerum constitutioni convenientem instituens opponitur. o

80. *Quis materiam primus movit?*

*Motus*  
*Author* &  
*Quantitas.*

*Deus*, qui fuo nutu omnia agit: unde & *motor Primus* appellatur, qui omnia movet immotus. Neque enim materia à fe exiftit, neque à fe movetur. Effentia ipfius in nuda & inertì confiftit mole, ac proin ab alio, cujus virtus fit immenfa, tanta moles moveatur oportet. Ea verò nullius nifi *veri Dei* effe potest, quia ut piè non minus quàm verè loquitur Celeberr.

*Joh.*

“*Joh. de Raet de Orig. Mot. Sect. 3. §. 4.* non  
 “necessario, sed liberè ; non ut finis, sed  
 “ut efficiens ; non ut absens, sed intimè  
 “præsens, sic Universi motus Origo &  
 “causa est, ut nulla ad eundem sua sponte  
 “propriaque facultate eliciendum, vel ul-  
 “lo modo gubernandum, vis aut propen-  
 “sio, cœlis, vel stellis, aliisve rebus ina-  
 “nimatis, natura insit.

81. *Motumne in sufficiente quantitate se-  
 mel simulque infudit, eandemque quan-  
 titatem jugiter servat ; an singulis mo-  
 mentis eam mutat ?*

Deus ut materiam in eadem quantitate  
 conservat, in qua eam creavit : ita etiam  
*Motum* in eadem *quantitate*, quæ Mundi  
 constitutioni & ornatui sufficit, sine in-  
 cremento & decremento, perennare vo-  
 luit, in qua primitus illum infudit : Id  
 quod *Constantiæ & Sapientiæ* divinæ insigne  
 est argumentum. Certe materia non mo-  
 vit seipsam, nec semel mota suâ naturâ mo-  
 veri cessat, sed in suo statu manet. Quod  
 si ergo motus ipsius vel minueretur vel pla-  
 nè cessaret, à Deo hoc esset, qui tale  
 quid vellet. Nulla verò ratio apparet cur  
 Deus motus cessationem vel imminutio-  
 nem voluisse sit dicendus. Præsertim cum  
 sup-



supposita sufficiente motus quantitate in Mundo semper manente, in ipsa mutabilitate operis, immutabilitatis ipsius opificis sit expressum vestigium, & nulla sic mutatio inducatur, quam nec ratio nec revelatio evidenter demonstrant.

82. Unde ergo sit, quod mox in hoc Corpore Motus Motus augeatur, & contra in alio communi-  
minuatur; quod item quiescens move-  
ri incipiat & motum quiescat? catio.

Inde hoc est, quia volente Deo datur Motus communicatio.

83. In quo consistit hæc Motus communi-  
catio?

Motus Communicatio in eo consistit, quod volente primo motore, corpus facultate itandi obvio præponderans, unà secum illud transferat, ac tantum de motu suo deperdat, quantum alterum accepit, manente in mundo eadem semper motus quantitate.

84. Quod si datur talis Motus communica-  
tio, tum accidens migrabit de subiecto  
in subiectum, cui tamen omnes, quibus  
mens non levia est, reclamant?

Imò verò si Corpus quiescens eandem

*numero* motus portionem à Corpore in illud irruente acciperet, tum tale quid sequeretur. Sed cum volente primo motore, in corpore, quod ex alterius impulsu moveri incipit, *similis motus* surgat, accidens nullo modo de subiecto in subiectum migrat, id quod imperitè *Regius* hinc collegit, jure à *Schulero* castigatus.

*Mensura  
Quantita-  
tis in motu.*

85. Unde verò Motus quantitas in corpore æstimatur?

Æstimatur, sive dignoscitur hæc partim ex *Longitudine lineæ*, quam mobile percurrit, partim ex *quantitate molis* quæ in mobili est, & simul transfertur. Sic e. gr. *Corpus Cubicum* unius pedis, promotum in Longitudinem decem ulnarum, certam habere dicitur Motus quantitatem, quæ duplex foret æquali viæ longitudine priori addita quam illud Corpus percurreret; rursus, si *corpus cubicum* unius pedis, spatium decem ulnarum percurreret, dupla Motus portio in illo esset respectu corporis cubici dimidii pedis, eandem lineam absolventis.

86. *Annoa hinc sequitur, quod inæqualia*  
cor-

corpora mota eandem motus quantitatem habere possint?

Imò verò sequitur. Sic corpus cubicum *unius pedis* & cubicum *dimidii pedis* eandem motus quantitatem haberent, si prius per lineam quinque, posterius verò per lineam decem pedum moveretur.

87. Uno-ne verò, an vario modo Corpora moventur? *Motus Species.*

*Vario.* Etenim alius Motus est *rectus*, alius *Circularis*, alius denique est *mixtus*.

88. Quid est motus rectus; quid Circularis; quid Mixtus?

*Rectus* Motus est, qui fit per lineam rectam. *Circularis* est translatio, quæ fit circa centrum vel axem. Et *mixtus* est, qui vel ex circulari & recto, vel ex duobus rectis simul, vel ex aliis innumeris diversis motibus componitur.

89. Quis Motus ex hisce tribus omnium *Rectus* Motus est simplicissimus? *Rectus Motus est simplicissimus.*

*Rectus*; Hinc unum quodque Corpus motum, per se trutinatum, nec aliunde præpedi-  
tum, recta moveri pergit. Ipsa quin etiam

*orbiculatim agitata, à centro sui motus rectâ lineâ recedere conantur & quidem eo majori conatu, quo citius & validius agitantur; ut patet in lapide in funda agitato.*

90. *Ergone Circularis & Mixtus motus, quum in Corpore sunt, impedimentum quoddam recti motus adfuisse arguunt?*

Certè. Omnes enim *curvus motus* à Corporibus circumjacentibus oritur, quæ motui recto obstitendo, eum in obliquum determinant, ut in *aquarum Vorticibus, pilarum rotatione*, aliisque exemplis patet. Et hinc illud fuit *Gallilei paradoxon*: *Motus Circularis nunquam acquiritur naturaliter absque præcedente motu recto.* Syst. Cosm. pag. 17.

*Motus Naturalis & Violentus.*

91. *Quid sentis de divisione Motus in Naturalem, Violentum & Mixtum?*

Si *Naturalis* ille dicatur, qui Naturæ alicujus Corporis convenit, & *violentus*, qui eam labefactat & destruit, tolerari utcumque potest. Verum si *Naturalis* dicatur, qui ab ipsa materia mota, seu à natura mobilis oritur; & *violentus* qui ab externa causa

causa mobili imprimatur; aspernanda est  
quum materia per se spectata iners & oti-  
osa sit moles, omnisque motus à princi-  
pio externo illi accedat; convenienter  
trito illi effato, *quicquid movetur, ab alio  
movetur.*

92. *Nonne vero Homo & Brutum mo-  
ventur à se ipsis aliter planè ac lapis im-  
pulsus, vel projectus?*

In *Homine & Bruto* discernenda est com-  
pages membrorum à *Spiritu animali* per illam  
diffuso. *Membra* moventur à *Spiritu*, ut  
*lapis* ab impellente vel projiciente; sive  
ut *mola* ab aqua vel vento.

93. *A quo autem movetur spiritus ille ma-  
terialis?*

*Spiritus* movetur à *materia subtili*, quæ à  
creatione motum suum hactenus constan-  
ter retinuit, id quod in progressu clarius  
patebit.

94. *Motui quid opponitur?*

*Quies.*

95. *Quid est Quies?*

*Quies* est permansio Corporis in vici-  
nia

nia Corporum immediate illud contingendum.

*Non est privatio motus* 96. *Estne Quies accuratè loquendo Privatio motus?*

Non est, sed æquè quid *positivum* ac ipse Motus, nam *Quies* pro magnitudinis suæ ratione, motui vel magis vel minus resistit, motus determinationem immutat, partesque corporum contiguorum, continuorum & durorum connexas servat, quæ à merè privativo fieri non possunt. Et certè quum Quies *stabile* quid atque *manens* sit, nulla ratione, in comparatione cum Motu, qui *fluens* & *prateriens* est, realitas ipsi detrahitur.

97. *Quod si Quies æque quid positivum sit ac Motus, an ergo tantum actionis ad Quietem, quantum ad Motum requiritur?*

Immo, si sint duo Corpora magnitudine *equalia*, quorum alterum quiescat, alterum verò moveatur, tantum actionis requiritur ad corpus motum sistendum, quantum ad quiescens movendum. Sic non minore vi opus est ad *navem* in aqua stagnante, remis impulsam, subito sistendam,

dām, quàm ad quiescentem impellendam. Quando verò corpus aliquod in *Statu quieris* est, non requiritur actio quædam ad quietem tutandam, quam Regius *Sufflamen* vocat; sed sine omni actione in statu suo permanet, donec à corpore in illud irruente inde deturbetur.

*Philos. Natural. cap. 8. p. 46. Lib. 1.*

98. *Quomodo ergo Motui opponitur Quies?*

*Quies* Motui opponitur non *privativè*, ut habitus & privatio; sed *positivè*, ut duo contraria, quorum unum alteri adversatur.

99. *Quomodo adversatur Quies Motui?*

Motui adversatur Quies *resistendo*, Motumque vel *minuendo*, vel *reflectendo*.

100. *Quando Quies minuit Motum?*

Si corpus quiescens à corpore moto in illud irruente aliquantum proferatur, tum Quies *minuit* Motum. Ut si *Globus* alium Globum quiescentem impellat, & uterque moveri pergat, impellentis motus minuitur ea quantitatis parte, quam impulsus accepit.

101. *Quando Quies reflectit Motum?*

Si Corpus quiescens validius sit quiescendo, quàm motum in illud incidens movendo; v. gr. Si pila in parietem impingit, *reflectitur*, pariete manente inmoto.

*Motus determinatio.*

102. *Reflectio hæc novusne est Motus?*

Non est *novus* Motus, sed prioris Motus *nova determinatio*, sine omni Motus *interruptione* facta. Quod si enim Motus interromperetur vel ad momentum, Corpus in illo momento esset in statu Quietis, quem non desereret, nisi nova causa movens quietem illius turbaret.

103. *Differuntne ergo Motus & ejus Determinatio?*

Differunt, quum manente eodem motu varia mobilis versus certum terminum possit esse directio, ut in *lusu pilæ*, *aquarum sinuoso flexu*, *radiorum refractione*, aliisque motibus evidenter hoc patet.

104. *Resistentia hæc qua quies motui resistit, estne positiva an negativa?*

*Negativa* est: Neque enim quies in motum agit: sed motui *stando* simpliciter resistit: ut *Petra* vel *paries pilæ*.

105. *Quo-*



105. *Quomodo differt hæc ab Resistencia positiva?*

*Resistencia positiva* est, quum duo corpora mota sibi occurrentia, se invicem repellunt: Ut duo Globi contraria determinatione concurrentes. *Reactio* hæc resistencia vocatur.

106. *In quo consistit cuiusque Corporis Vis ad agendum in illud, vel ad actionem alterius resistendum?*

*Vis agendæ  
& resistendæ.*

*Vis* hæc in hoc uno consistit, quod unum quodque Corpus tendat, quantum in se est, ad permanendum in eo statu, in quo est; convenienter effato Metaphysicorum, *Omne bonum est sui conservativum*. Sic quod est in statu *Motus*, vim habet ad perseverandum in suo motu: Et contra quod est in statu *Quietis*, vim habet ad permanendum in sua quiete, nisi ipsius vis à causa externa superetur. Id quod agnovit ipse Aristoteles, quando *Lib. 4. Physic. cap. 3. Text. 68.* ita ratiocinatur. Οὐδεὶς ἂν ἔχοι εἰπεῖν διὰ τὸ κερηθὲν εἴσεται πῦρ, τὸ ἄλλο μᾶλλον ἐλαῦδα ἢ ἐπικρατέστερον ὡς ἢ ἐρημύσει, ἢ εἰς ἀπὸρον ἀνάγκη φέρεσθαι, εἰ μὴ τὸ ἐμποδίσῃ κρείττονι. *Nullus potest dicere,*

Motus pro-  
jectorum.

re, cur id quod motum est alicubi stabit. Cur enim hic potius, quam ibi? Quare aut quiescet, aut infinitè ferri necesse est, nisi potentius ali-  
quid impediatur. Et hæc est unica causa motus projectorum, de quibus potius quærendum, cur cessent à Motu: Quàm cur in illo pergant?

107. Unde verò illa Vis movendi & quiescendi æstimari debet?

Æstimari hæc debet. 1. à Magnitudine vel parvitate Corporis illius, cui vis tribuitur: In majori enim quanto est major virtus, & sic quantitatis est efficacia. 2. à Magnitudine vel parvitate Superficie, secundum quam corpus illud, de cuius virium quantitate agitur, ab alio disjungitur. 3. à Celeritate vel Tarditate Motus. 4. denique à contrarietate modi quo diversa Corpora sibi mutuò occurrunt.

108. Explica hac quatuor mihi Exemplis?

Faciam: 1. Quo lapis motus est major eò majorem vim habet movendi; contrà, quo est minor, eò minorem vim movendi habet. Etenim quantitas Motus quantitati Molis respondet. Eadem ratio est Quietis.  
2. Quo-

2. Quo *Superficies* duorum corporum est latior, eò firmitus hæc cohærent, ut patet in duabus *Tabulis ligneis* probè *levigatis*, sibi invicem impositis; Contrà, quò *Superficies* est minor, eò minus hæc cohærent. Sic *Corpora Sphærica* minus sunt passioni obnoxia, vel cohærent; quia pro ratione suæ molis minimam habent superficiem & se invicem tangunt in puncto. Certè plumbum in Globum densum compactum est solidius, quàm idem in laminam diductum, vel excavatum. 3. *Glacies*, etiam tenuior puerum celerrimè præterlabentem sustinet, nec rumpitur; Quod si verò tardius in illa incedat, vel quiescat, onere illius fatigata dehiscit, eumque unda latens absorbet. 4. Quod pueri *Testarum* vel *Lapillorum* planorum jaculationibus in aqua ludentes, testam vel lapillum super undam quiescentem irrotent, nec hic statim mergatur, sed (ut *Minucius Felix* eleganter loquitur) summis fluctibus tonsis emicet, dum assiduo saltu sublevatur, non aliunde est, quàm à modo, quo pueri lapillum super aquæ superficiem vibrant. Quid contrarietas modi, quo Corpora sibi mutuo occurrunt, efficere possit, etiam docet *pila* reticulo propulsa, vel in parietem

tem projecta, quæ pro reticuli vel parietis situ diversimodè impellitur, aut repellitur.

*Situs sive  
Locus.*

109. *Cùm Motus & Quies nequeant intelligi sine situ vel loco, agetum doce me porro quid sit Situs?*

*Situs* est certa Corporis inter Corpora ambientia positio, juxta quam ipsius locus determinatur. Unde sponte fluit, ea quæ nulla Corpora ambientia habent, ut hoc *Universe* collectivè consideratum; quæ item Corporea non sunt, ut *Mentes*; propriè in loco non esse.

110. *Uno-ne an vario modo hac determinatio fit?*

*Vario.* Respicimus enim vel ad Corpora proxime ambientia, & sic omnis Corporis *Locus totalis*, proximus & proprius unicus est; vel ad Corpora remota, quorum *varietas* cum sit magna, *distantia* nunc longior, nunc brevior, uni corpori varius *locus partialis* & remotus atque communis adscribi potest, sic *vinum* est in dolio, in cella, in domo, in urbe, &c. quod tamen accuratè loquendo, unicum locum proximum habet, qui in illius ad dolium *æst*, seu

*respectu situque fundatur. Ex quo evidenter colligitur, unum Corpus, eodem tempore, non posse esse in pluribus locis propriis & proximis. Sic enim Corpus & Locus forent duplicum sibi, ut Thomas Anglicus, Pontificius licet, fatetur.*

III. *Quomodo Aristoteles locum definit?*

*Locum esse dicit τὸ τῷ περιέχοντι πέρας ἀκένυτον πρῶτον, continentis terminum immobilem primum. Lib. 4. Text. 41.*

III.2. *Quid de hac definitione judicas?*

*Præterquam quod satis obscura sit, Externo loco potius quam Interno applicari potest.*

III.3. *Dic mihi ergo, quomodo differant Locus Externus & Internus?*

*Locus Internus & Externus.*

*Internus Locus nihil aliud est, quàm Corporis certam magnitudinis suæ mensuram & figuram habentis, respectiva inter Corpora ambientia collocatio, adeò ut dicendo Corpus aliquod in loco esse, tantùm indicitur, illud talem magnitudinem, figuram & situm inter res alias Corpus obtinere. Et cùm Corpus magnum vel parvum occupare dicitur*  
*Spa-*

*Spatium*, nihil aliud tum Mente est concipiendum, quàm illud magnam, vel parvam molis suæ quantitatem inter alia circumstantia Corpora habere. *Externus* autem locus est superficies proximè ambiens locatum; illam *superficiem* puta, quæ non Corporis ambientis extremitas, sed quidam inter ambiens Corpus & id quod ambitur, *terminus medius*, mentis ope fixus, nec aliud quid quàm *modus* quidam est, qui abeunte uno corpore, & alio ejusdem magnitudinis & figuræ succedente, immobilis esse censetur.

*Locus non  
est Spati-  
um incorpo-  
reum.*

114. *Memini Gassendum pluresque alios Locum definire, per Spatium Corporeum trina dimensione præditum, in quo res sit: quid de illa definitione censes?*

Ita censeo illam profluere ex præjudicio vulgari quo putant *Locum* esse *Spatium* quoddam à corpore diversum, ante Corpus existens, eique facto locum præbens, atque illo recedente immobile manens, quod certè insulsum est. Nec enim *Spatium* aliud quid est, quàm ipsa extensio Corporis in genere spectata: & ad conceptum *loci* præter ipsam Corporis extensionem nihil

hil quicquam requiritur, quàm certa *Situs* ad corpora ambientia determinatio. Certè quod si Spatium distinctam à corpore haberet extensionem, tum vel illa extensio esset *realis*, & sic dum Corpus Spatium replet, dimensionum foret penetratio, quæ absurda; vel esset hæc *imaginaria*, adeoque Locus imaginarium quid, h. e. Somnium è porta eburnea. Unde mirari subit, quò ineptiæ processuri tandem sint illi, qui Locum Spatium esse mordicùs tuentur, & tandem eò delabuntur, ut Spatium hoc *nihil* esse dicant. O vanas hominum mentes & pectora cæca, *Spatiosum nihilum* tantopere deamantium!

115. *Cùm Spatiosum Nihilum tantopere Non est im-*  
*horreas, propius sine dubio te junges iis, mensuras*  
*qui Spatium realissimum quid esse pu-* *Divina.*  
*tant, Immenstatem puta Essentiæ*  
*Divinæ?*

Suspicio tua vana revera est. Mallem enim circa non Ens cum prioribus errare, quàm cum sequioribus, de summo Ente opinionem tam indignam fovere, quæ Deo diffusionem Naturæ, omnem mensuram excedentem tribuit. Quod revera aliud non est, quàm Deum Corpori similem

lem putare ; partes in simplicissimo fingere ; eum qui sine quantitate magnus est, spatiosum aestimare ; & sic Δόξαν ἀφθάρτου Θεοῦ, gloriam incorruptibilis Dei vesano conatu in molem brutam commutare. Meliorem Mentem hujus sententiæ defensoribus ex animo optamus, ne dum de loco solliciti sunt, in Deum injurii fiant !

*Situs efficaciam.*

116. *Manebit hoc alta mente repositum. Unum verò de situ sive loco tandem scire cupio, utrum habeat quandam efficaciam, ut possit Formis Corporum annumerari ?*

Habet, & quidem magnam, ut ex æquipondii in statera positione varia, qua vel majora, vel minora pondera, propter situs ejus varietatem attolluntur, vel in æquilibrio sustinentur ; ex *Securis* manubrium longius habentis validiore impulsu ; ex *Vectis* item pro vario situ majore vel minore ad molem dimovendam aptitudine, evidenter id patet.

*Tempus.*

117. *Quid tandem est Tempus quod Aristotelici recensitis affectionibus addunt ?*

*Tempus est mensura durationis successivæ*



væ corporum, ab æquali maximorum  
Corporum motu. *Solis*, v.gr. *Lunæ*, &c. de-  
sumpta.

118. *Quomodo illud definit Aristoteles?*

*Tempus* esse dicit ἀριθμὸν κινήσεως κα-  
τὰ τὸ πρῶτον καὶ ὕστερον, numerum motus  
secundum prius & posterius; quæ definitio  
novâ indiget, ut intelligatur; nisi forte  
*Tempus numerus motus secundum prius & po-  
sterius* esse dicatur, quatenus Tempore suc-  
cessivam durationem Corporum, in qua  
prius & posterius est, juxta motum solis nume-  
ramus.

119. *In successione Temporis quot vulgò  
numerantur differentiae?*

Tres: *Præteritum*, quod fuit; *Præsens*,  
quod est; & *Futurum*, quod erit. Per præ-  
sens autem non intelligendum est *instant*  
*aliquod indivisibile*; Tale enim nec in Mo-  
tu, nec in Tempore datur, cum utrius-  
que natura sit successiva; sed omne id,  
quod mens de tempore sibi præsens sistit;  
sic hora, dies, mensis, &c. præsens esse  
dicitur.

120. *Ex horum modorum, Quantitatis, Corporum  
Figuræ, Situs, Motus, & Quietis generales  
com-differentiæ.*

*complexu quid oritur in Corpore ?*

Oriuntur hinc variæ in Corporibus *Quantitates & Operationes*, juxta quas Corpora multum à se invicem differunt. E. gr. ut alia sint *Stabilia* & alia *Fluida* ; alia *Calida* & alia *Frigida*, &c.

121. *Quomodo differunt Stabilia à Fluidis, Calida à Frigidis ?*

*Stabilia* Corpora partes habent inter se quiescentes, unde etiam proprio termino continentur, quæ *Siccorum* Aristotelicis definitio est : *Fluidorum* verò partes variis modis perpetuò inter se agitantur & hinc proprio Termino non definiuntur, licet ab ambiente terminos facile suscipiant, quæ *Humidorum*, specie pro genere posita, vulgata descriptio est. Quod si agitatio varia minimarum particularum tanta sit, ut sensum afficiat, *Calor* vocatur ; sin verò nulla, vel non varia, vel justo debilior earum sit agitatio, *Frigoris* nomen fortitur, id quod ex *Physica Speciali* plenius  $\Xi\upsilon\tau$   $\Theta\epsilon\omega\varsigma$  patebit.

*Finis Physica Generalis.*

PHY-

## PHYSICA SPECIALIS.

122. *Quid est Physica Specialis?*

**P***hyfica Specialis* est quæ Corpus sive *Physica Specialis.* materiam in species distinctam lustrat, specierumque proprietates, distinctiones, mutationes particularius aperit.

123. *Quot modis Species Corporum considerari possunt?*

Duobus modis; vel *Conjunctim* vel *separatim*, sive ut alii loquuntur, vel *collectivè* vel *distributivè*?

124. *Quando considerantur Collectivè.*

*Collectivè* considerantur Species Corporum, si omnes spectantur simul ut partes unum totum constituentes.

125. *Quodnam illud est Totum?*

*Mundus*, Græcis  $\kappa\omicron\sigma\mu\omicron$ , Hæbreis  $\text{עוֹלָם}$  dictus.

126. *Quid est Mundus?*

*Mundus* est Corporum Naturalium Univer-

*Mundus.*

niversitas à Deo & propter Deum, ex libera ipsius voluntate condita, pulcherrimè ordinata, conservata & gubernata. Ab *Aristotele* Libr. de Mundo cap. 2. definitur, *Σύνολον ἐξ ἑαυτοῦ καὶ γῆς καὶ τῶν ἐν τούτοις ἀειεχουσίων φύσεων*, *Compages Cæli & Terra, & earum Naturarum, quæ intra ea continentur.*

*Mundus  
est unicus.*

127. Unusne an plures sunt Mundi?

*Unicus* est, nec plures Mundi sine contradictione concipi possunt. *Mundus unus est & in eo una omnia sunt.* Aug. Lib. 7. de Civit. Dei c. 9. p. 637.

128. *Qui hoc?*

Quia unica potest esse *Corporum Universitas*, & plures Mundi sine *distantia* concipi non possunt, quæ cum nequeat esse sine *extensione*, & hæc non sine *Corpore*, illud medium Corpus utrumque Mundum conjungeret: Quippe *conjunctio partium* mundi nulla alia est, nisi *corporum contactus*.  
 “Fingere enim inter duos mundos inane  
 “Vacuum & Spatium merè imaginarium,  
 “& duo Corpora à se mutuò distantia per  
 “merum nihil, foret suaviter delirare, &  
 “egregiè patrocinari Pontificiorum acciden-

“dentibus sine subjectis; quia illi distantia per nihilum accideret extensio, divisibilitas, mensurabilitas, possetque vel propior vel remotior fieri, ut præclare ratiocinatur Celeber. *Maresius*. Adde quòd hinc Mundus omne occupet *spatium*, <sup>de abusu Phil. Cart.</sup> cujus idea nobis observatur. p. 3. 4.

129. *Sed annon Deus alium ab hoc Mundo distinctum posset creare Mundum?*

Quid *Deus* possit, vel non possit supra & præter ea, quæ ego possum percipere, meum non est definire. Judico de iis, quæ novi, quæ verò meum superant captum à tribunali mei judicii abesse jubeo. Hoc scio, Deum habere *ὑπερβαλλον μέγεθος ἢ δυνάμειος*, *super-excedentem omnem humanum captum magnitudinem suæ potentie*, quam convenienter suis perfectionibus, secundum sapientissimum voluntatis suæ beneplacitum, explicare potest, ubi & quando vult.

130. *Atqui dixisti plures Mundos involvere contradictionem; Ergo Deus plures facere non potest, quia non facit contradictoria?*

Involvunt, fateor, contradictionem in  
*mea*

*mea mente, stante hoc rerum ordine, fatente hoc quoque supra laudato Maresio. Nequit tamen mea Mens Menti divinæ figere leges; nec Ordo qui nunc à Deo institutus, Liberum Dei placitum, à quo rerum creaturarum dependet natura & Ordo, vinculis & quasi catenis constringit.*

*Indefinitus est.*

131. *Quod si Mundus unicus sit, determinatam an indeterminatam habeat magnitudinem scire desidero?*

In mea mente habet *indeterminatam* magnitudinem. Nec enim ego terminos mundi concipere vel ponere possum, quum altitudinis Cœlorum non sit ulla homini cognita mensura. Unde *Plinius* in hæc olim, homine fortis suæ memorare, digna prorupit verba: *Furor est, profecto furor est egredi ex mundo, & tamquam interna ejus cuncta plane jam sint nota, ita scrutari extera. Quasi vero mensuram ullius rei possit agere, qui sui nesciat, aut Mens hominis videre, qua mundus ipse non capiatur?*

*Non tamen infinitus.*

132. *Facile hoc concesserim; nondum tamen mens mea acquiescit, verum scire porro*

porro cupit, an mundi extensio reapse sit infinita, an vero finita?

*Melissus Samius*, Parmenidis Discipulus, ἀπείρον εἶναι τὸ πᾶν mundum infinitum esse, olim docuit, ab Aristotele ideo castigatus. Nec, ut nobis quidem videtur, immeritò. Certe non video, quomodo id quod finitas habet partes, ἀπείρον, infinitum esse queat; vel quî moles, cui Deus aliquid demere posset, interminata ἀπλῶς dici possit?

133. Si ergo mundus in se determinata est Spatia ex-  
magnitudinis, extra illum erunt Spa-  
tia, quæ imaginaria vulgo dicuntur? na nulla  
dantur.

Spatia illa imaginaria verè sunt imagina-  
ria, h. e. frigidum cerebri humani fig-  
mentum. Ubi mundus non est, ibi Spa-  
tium non est, cum locus nullus sit præter mun-  
dum, ut August. loquitur. Etenim omne Lib. 11. de  
Civ. Dei c.  
5. p. 1022. spatium est extensum, omne extensum est  
corpus, corpus mundi pars est. Qui infini-  
ta spatia Locorum extra mundum cogi-  
tant, gemelli iis sunt, qui infinita spatia  
temporis, ante mundum cogitant, ut Au-  
gustinus Loc. Cit. probè monet.

134. Nul-

*Ante Mundum non fuit Tempus.*

134. *Nullumne ergo πρὸ καταβολῆς κόσμου ante mundum conditum fuit Tempus?*

*Lib. 5. de  
Genes. ad  
Lit. cap. 5.*

Nullum certè. Quum enim *Tempus* successivæ rerum durationis sit mensura, quomodo illud ante res mutabiles earumque durationem, jugi lapsu momentorum procedentem, esse potuisset, equidem non video. Id quod nobiscum non solum agnovit, sed etiam invictè hoc modo demonstravit aliquoties laudatus S. *Augustinus*: “Ante creaturam frustra, inquit, tempora requiruntur, quali possint inveniri ante Creaturam tempora: Motus enim si nullus esset vel Spiritualis vel corporalis creaturæ, quo per præsens præteritis futura succederent, nullum esset tempus omnino. Moveri autem creatura non utique posset si non esset. Potiùs ergò tempus à creatura quàm creatura cœpit à tempore; utrumque autem à Deo.

135. *Quomodo ergo Mundus creatus est in Tempore, si tempus ante mundum nullum fuit?*

Mundus accuratè loquendo, non *in* tempore, sed *cum* tempore, in principio fieri



ri cœpit, & inde sex dierum lapsu ad consummata perfectionis perductus est fastigium; ut Sacra Oracula nos docent.

136. *Nonne verò Deus mundum citius condere potuisset, si voluisset, & sicut* *Citius*  
*mundi ita temporis longior fuisset duratio?* *Mundus*  
*creari potuisset.*

Ardua quæris. Nec fortè probrò verti cuiquam posset ingenua ignorantia confesio, cùm Dei Potentia intellectus nostri capacitatem infinitis excedat parasangis. Curiosius tamen omnia libranti hæc solvendo huic modo occurrunt satis accommoda. Ut à Dei voluntate omnia suam habent essentiam & existentiam, ita ab eò quoque habent *καὶ δὲ τεταγμένον* tempus durationi suæ assignatum. Hujus principium æque liberum cum sit ac terminus, potuisset sine dubio Deus Mundo exordium dare tale ut inde tot annorum secula fluxissent, quot nunc anni seculorum. Et ita mundus, si durationem quam nunc habet cum possibili illa conferas, longius durare potuisset, adeoque hoc sensu quoque citius creari. Semper verò creatus fuisset in tempore, vel potius cum tempore, quia creatio durationi illius, quæ certis morarum intervallis decurrit, dedisset exordium

D

137. Sic

*Non tamen  
possibilis est  
Mundi æ-  
ternitas.*

137. *Sic iis accedere videris, qui possibili-  
lem Mundi statuunt æternitatem.  
Quòd si enim Deus mundo suum esse  
dare potuisset, quando voluisset, Mun-  
dus illud ab æterno accipere, sicque æter-  
nus esse potuisset?*

Talia ex dictis inferis, quæ nullo modo  
inde sequuntur, imò quorum contrarium  
manifestè ex illis demonstratur. Vide &  
perpende rem omnem hoc modo. Mundus  
non est à se, sed à Deo. Hic Mundi est  
Dominus, quia ejus Author. Ab ipso ac-  
cepit esse, quod ex se non habuit. Itaque  
Mundus non potest concipi, nisi ut habens  
suum exordium. Quod si autem exordium  
habeat, necessariò etiam cum tempore  
erit factus, non verò ab æterno, quum  
æternitas initio, fine & successione omni  
sit destituta. Certè qui Mundum æternum

*Lib. II. de esse dicunt, nimis aversi sunt à veritate, &  
Civ. Dei lethali morbo impietatis insaniunt, ut Augu-  
stus cap. 4.*

*P. 1017.  
Species  
Corporum.*

138. *Hæc de Mundo mihi sufficiant, in quo  
species Corporum collectivè consideran-  
tur; doce me porrò, quando hæc Distri-  
butive spectentur?*

**B** *Distributive species Corporum spectan-  
tur,*

tur, si potiores illarum, quæ Mundum componunt, figillatim, ordine convenienti, examinentur.

140. *Ad certâsne revocari hæ species possunt classes?*

Possunt, & quidem ad tres Classes, quæ à Nobilissimo sensuum nostrorum, *Visu*, discrimem suum trahunt. Alia enim Corpora lumen emittunt, ut *Lucida*, alia transmittunt, ut *Pellucida*; alia remittunt, ut Corpora *Opaca*. Germanice ita rem expresseris. *Es gibt Scheinende, Durchscheinende und Biederscheinende Körper.*

141. *Diversitas hæc annon diversitatem arguit Materiæ?*

Immò: non quidem *prima* & *remota* illius, sed *secunda* & *proxima* cui nomen *Elementi*, sive *στοιχείου* peculiariter tributum est.

142. *Quid est Elementum?*

*Elementum* est materia formata primigenia, ex qua Corporum varietas Originem suam habet. Seu, est Corpus simplex ex quo mixta oriuntur, & in quod ultimò resolvuntur. *Aristotele* finitore qui Lib. 3.

*De Elementis in Genere.*

de cælo c.3. Text.3 I. ita scribit; ἔστω τὸ στοι-  
χείον τῶν σωμάτων, εἰς ὃ τὰ ἄλλα σώματα  
διαίρῃται, ἐνυπάρχων δυνάμει ἢ ἐνεργείᾳ  
αὐτὸ ὃ ἐστὶν ἀδιαίρετον οἷς ἕτερα τῷ ἑδῇ. Sit  
*id Corporum Elementum in quod cætera Cor-*  
*pora dividuntur, in quibus inest potentiâ aut a-*  
*ctû, ipsum vero in specie diversa est indivisible.*

143. *Geminam hanc Elementi definitionem  
ut mihi explices, peto?*

Faciam. In priore, quæ clarior est,  
*Elementum* dicitur *Materia Formata*, quia  
Elementa ex Materia certorum modorum  
in illam introductione sunt efformata; ad-  
ditur quod sit *primigenia*, quoniam Eleme-  
ta sunt Corporum mixtorum primordia,  
non ex prioribus Corporibus, ut Mixta,  
sed immediatè ex materia producta. *Ex*  
*hisce omnis Corporum varietas habet Originem*,  
ut quæ ex varia Elementorum conjunctio-  
ne & modificatione exsurgit. *Posteriorem*  
definitionem ex *Aristotele* desumptam quod  
attinet, in ea *Elementum* dicitur esse *Corpus*  
*simplex*, quia non est compositum ex aliis  
corporibus. *Ex eo mixta oriuntur*, quia mix-  
tio ex Elementorum fit contemperatione.  
In mixtis *Elementum* secundùm quosdam  
est *actû*, ita ut formæ Elementorum in iis  
am-

maneant : Secundum alios verò duntaxat  
*potentiâ*, ut abolitis formis nihil in mixto  
 maneat, præter solam Elementorum ma-  
 teriam. *τὸτο γὰρ ποτέρως ἔτι ἀμφισβητή-*

*σκειν*, hoc enim utro modo se habeat, adhuc  
 ambigitur, inquit Scholasticorum Apollo.

Quòd si mixta dividuntur, in *Elementa* rur-  
 sum dividuntur, quum in ea fiat resolutio,  
 ex quibus facta est compositio. *Ipsum autem*  
*Elementum in specie diversa est indivisibile*, hoc  
 est *Simplicio* mysterii hujus interprete, etsi  
 Elementum divisibile sit ut corpus, est  
 tamen indivisibile ut Elementum in alte-  
 ram speciem ; in quo ab Elementato dif-  
 fert. Tantæ molis est Elementi definiti-  
 onem Aristotelicam explicuisse !

144. Unumne an plura sunt *Elementa* ?

*Plura* sunt. Nec enim unum tantæ va-  
 rietatis, quæ in Corporibus est, potuisset  
 esse primordium.

145. Quot ergo sunt *Elementa* ?

*Cartesius* tria, *Aristoteles* autem quatuor  
 numerat.

146. Quomodo *sententiarum conciliâs* di-  
 vortia ?

*Cartesius* talia primordia Corporum quæ-  
 sit & invenit ex quibus omnia, etiam *Cæ-*  
*lestia* corpora originem habent; *Aristoteles*

autem sola *Sublunaria* spectavit. Ipsa quin etiam *Aristotelis* Elementa ex prioribus à *Cartesio* detectis constant.

*Elementa  
Cartesii.*

147. *Quæ ergò sunt Elementa Cartesii?*

Tria, quæ ob inopiam Linguae Latinae numeralibus distinxit nominibus, *Primum*, *Secundum*, *Tertium* vocando.

148. *Quodnam est primum Elementum?*

*Primum* Elementum est Materia subtilissima, quovis modo figurari apta, ocillime semper agitata.

149. *Quodnam est Secundum Elementum?*

*Secundum* Elementum sunt Globuli definitæ parvitatæ, exactè rotundi & solidissimi, jugiter rotati.

150. *Quodnam est Tertium Elementum?*

*Tertium* Elementum est Materia constans ex particulis crassioribus, angulatis, parum moveri aptis.

151. *Unde constat tria hæc Elementa dari?*

Inde hoc scio, quòd supposito *Vario* materiæ particularum *motu*, non potuerint non particulæ triplex hoc Elementum constituentes generari. Cum enim Motus particularum, in quas materia à primo motore fuisse concipitur divisa, non potuerit

tuerit alius esse quàm *Circularis* quodammodo, & quidem *varius*, necessario *anguli* quarundam particularum, ex mutua collisione, fuere detriti, & sic angulis paulatim sublati particulæ politæ; Unde *Globuli Cælestes*, majores & minores. Simul minutia illæ angulorum detritorum, intervalla quæ inter Globulos sunt, occupant, ubi ob insignem tenuitatem à Globulis agitatæ impulsæ, celerrimè quaquaversum diffusæ fuerunt, figuram cuius, etiam minimo, Spatiolo accommodantes, & hinc *Materia subtilissima*. Denique ex ramentis crassioribus & cohærentibus, irregulares figuras habentibus, prodiit *Materia crassior*, ex qua *Tertium elementum* originem suam habuit.

152 *Anne veroputas triplex hoc Elementum primo ita genitum, & postmodum demum omnia Mundi Corpora ex hocce primordio, secundum certas Motuum leges, efformata fuisse?*

Ablit: Non enim dubium est, verbum Dei τῆ ὁμολογίας ἡ ὑποταγή *subjectione confessionis* humiliter & sincerè suscipienti, quin *Mundus* sex dierum spatio, à Deo cum omni sua perfectione fuerit creatus, ita ut Corpora Mundana, Cælum, Sol,

Sidera, Planetæ, Terra & cœtera mundi partes, non fœtus quidam informes fuerint, quos blanda mater, Natura, lambendo ad integritatis & pulchritudinis suæ, lento pede, deducere debuerit fastigium. Contrarium sacra docent *Oracula*, quæ vocanti Deo, omnia statim se præsentia stitisse, testantur, & quidem in sua τελεβότητι, à qua Testimonium & encomium *Bonitatis consummata* reportarunt. Ipsa quin etiam *ratio* immensam Dei potentiam & perfectionem ritè æstimans, calculum addit, Deum non secundum certas motuum Leges, Tornionis instar, Mundum, materiam agitando, efformasse, & rude opus demum polivisse, verum statim quodvis, suo tempore, pulchrè fecisse, sic ut ei nihil addi, demi nihil potuerit. Nihilominus tamen quum ad *Naturæ* cognitionem multùm juvet, si res naturales non statim consideremus, quales sunt in suæ perfectionis statu, sed prius investigemus certa quædam earum *principia* valdè simplicia & facilia, deinde consideremus, quomodo paulatim ex illis principiis tanquam Elementis, supremâ causâ certis legibus opus dirigente, illæ oriri ac fieri potuissent, donec tandem tales factæ sint, quales



les esse experimur, dum consummatae sunt, ideo omnes Philosophi primo de *Materia & Elementis*, seu primordiis rerum agunt & explicant quomodo ex illis corpora certâ illorum contemperatione & proportionem constent. Quem morem res considerandi utroque pollice probat *Aristoteles*, quando dicit, *εἰ τις ἐξ ἀρχῆς τὰ πηγυαία φύομενα βλέψῃ, καλῶς ἂν ᾔτω θεωρήσῃ*, si quis à principio res ut nascentes inspexerit, hoc modo optime illas cognoverit. Lib. 1. Pol. cap. 1.

153. *Sed non videtur temeritatis vel profanitatis crimen declarare, qui alium concipiendi Ordinem tenet, quam Deus in opere suo producendo observavit, & qui tanquam ex certis principiis nascentia spectat, quæ solo Dei Imperio sunt condita?*

Nulla hic est temeritas vel profanitas si homo, intellectus sui imbecilitati consulens, in partes secet, quæ simul comprehendere nequit, & talem concipiendi ordinem sequatur, qui legibus naturæ, ab ipso Deo, aeterno fœdere ( ut Virgiliano illo utar verbo ) sancitis, sit conveniens, licet Deum ipsum in prima operis productione ordinem hunc non observasse probe norit,

& inviolata fidei persuasione teneat. Alioquin hoc stigma omnibus non solum *Philosophis*, sed etiam *Theologis* esset inurendum. Aut annon Theologi *Decreta* Dei, quæ unico & simplicissimo actu in Deo absolvuntur, in plura dividunt, varia decreta certo ordine connectunt, alia priora, posteriora alia fuisse intelligunt, licet in Deo talis decretorum series & connexio non fuerit? Quis hoc ipsis unquam crimini vertere sustinuit, illos si exceperis, qui stultitiam nauseant, & ut putentur sapere cœlum ipsum vituperant? Quod si autem in Decretis Dei, quæ ipse Deus sunt, tale quid sine convitio fieri potest, multò magis licebit rerum *Corporearum Universitatem*, quæ à Deo diversa planè est, & spatio sex dierum consummata est, contemplari tanquam successivè, ex certis Elementis, Deo omnia sapientissimè & potentissime moderante, exsurgentem. Maximè quum, si Deus voluisset Mundum hoc modo successivè ex Elementis producere, procul dubio id facere potuisset; nec minor ejus potentia, vel sapientia fuisset, si mundum tali modo efformasset. Alia sciens prudensque omitto. Qui plura cupit, legat, *Joh. Claubergi, Disp. Phys. 30.*

154. *At sunt qui verentur Atheos hinc animam arrepturos, narrationem Mosaicam naso adunco suspendendi, & Mundo ortum, ex causis naturalibus, cum Epicuro & Democrito, tribuendi.*

Multi finistrâ accipiunt, quæ dextrâ dantur. Quod si Athei hoc faciant, mirum certè non est, quum omnia convellere ipsorum sit studium, & vere heteroclita sint capita, nihil pensi habentes quid dicant, dummodo Numinis Metum excutere & ex aliorum Animis evellere queant. Non ergo curandum *quid* talia Monstra ex innocua sententia nostra inferant, sed videndum *quam rectè* hoc faciant, & ipsorum amentia, quæ nullum in dictis habet prælidium omnibus manifestanda, ut sibi cavere & tales despuere discant. Ostendendum illis *primo*, Materiam non aliam Originem habere potuisse, quàm creationem, quæ nulli nisi Deo competit; *secundo*, Motum non ex materia spontè profuisse, ut vulgo putant, & sic Atheis imprudentes scutum obtendunt, & latus eorum claudunt; sed à primo Motore, Deo, Materiæ infusum fuisse, sic ut sine Deo nullus motus in natura unquam fuisset.

set. *Tertio*, motum habere suas leges & regulas quæ non cæco impetu, sed sapientissima motoris determinatione sint fixæ. *Quarto*, Motum non durare nisi ea vi qui primò cœpit. *Quinto*, si Deus ex Materia, quam creavit per motum à se inditum, Elementa, & quæ ex iis constant, efformâisset, quòd etiam in eo providentiæ ipsius eluxisset sapientissimum artificium. *Denique* non esse causam à procacia & libidine ipsorum diversam, quæ illos, fidem Mosis sollicitandi & in dubium vocandi, moveat. Nec enim conceptuum nostrorum series rerum ordinem mutat; & si quid tali modo fieri, volente Deo, potuisset, non tamen sequitur statim ita revera factum fuisse. Sine dubio Deus ex feminibus *arbores* occulto ævo surgentes producere potuisset, si voluisset, malè tamen eas in rerum initio ita factas fuisse hinc infertur.

155. *Abundè satis mihi satisfactum esse agnosco, quare in cœpta serie pergo, & quum Elementorum diversitatem ad Vistum nostrum §. 140. reduxeris, scire cupio, quodnam Elementum in quavis specie prædominetur?*

In *Lucidis*, Materia primi Elementi;  
in

in *Pellucidis*, Materia secundi Elementi ; in  
*Opacis*, materia tertii Elementi.

*Finis*

156. *Quodnam est maximum Corpus Pel-* *De calo.*  
*lucidum, Lucida simul & Opaca Cor-*  
*pora continens ?*

*Cælum*, quasi κοῖλον, concavum, Græcis  
 Οὐρανός, ἀπὸ τοῦ ὀράν *ἀν*ω, à spectando  
 sursum, Hebr. עֲלִיָּה à stupenda altitudi-  
 ne dictum.

157. *Quid est Cælum ?*

*Cælum* est Corpus naturale vastissimum,  
 pellucidum & fluidum ; maximorum Cor-  
 porum Lucidorum & Opacorum commu-  
 ne receptaculum.

158. *Cur Cælum esse dicis Corpus vastif-*  
*simum, pellucidum & fluidum ?*

*Vastissimum* voco, quia tantæ quaqu-  
 vorum diffusionis, ut terminos ejus hu-  
 mana Mens reperire non possit. Nec e- *Jer. 31. 37.*  
 nim datur altitudinis Cælorum pervesti-  
 gatio. *Pellucidum* appello, quia Lumini So-  
 lis & Stellarum impræpeditum concedit  
 transitum Unde & *igni* *Æther* Lucretio  
 vocatur. *Fluidum* denique Cælum esse dico  
 quia ejus partes non per quietem cohæ-  
 rent

rent, sed jugi agitatione semper à se invicem dividuntur, quæ *Fluidorum* omnium natura est, ut supra §. 121 monuimus.

159. *Quòd si Cælum est Fluidum, cur ergo Græcis σφιγμα, Latinis Firmamentum, à soliditate dicitur; Cur item in sacris cum speculo fuso, quod solidum est, comparatur?*

Cælum esse fluidum, *Planetarum & Cometarum* invictè demonstrat motus. *Aer* quinetiam, qui avido complexu nos cingit, & in *Sacris Cæli* nomine, per *Synecdochen* partis pro toto, quandoque venit, quæ *Universi Cæli* natura sit, satis ostendit: *Frustra* ergo nomen rei, notatio naturæ, opponitur. *Dixerint Cælum σφιγμα, Firmamentum*, vel ex præjudicio, vel ut constantiam ipsius, qua non perit, designent, non multum refert. *Sacra quoque Scriptura* dum Cælum cum *speculo fuso* comparat, non soliditatem Cælo tribuere vult, aliàs pugnancia secum frontibus adversis componeret, dum alibi *Cæli* extensionem

Job. 40. 22. cum diffusionem fumi vel pulveris confert. Sed Cæli fulgorem & limpiditatem hac comparatione commendare voluit. Rectè *D. Ambrosius* 2. *Hexaem. cap. 51. De qualita-*

litate & substantia Cœli satis est ea promere, qua in Esajæ scriptis reperimus, qui mediocribus & usitatis sermonibus qualitatem naturæ Cœlestis expressit, dicens quod firmaverit Cœlum sicut fumum, subtilem ejus naturam, nec solidam cupiens declarare.

160. Quiescit-ne Cœlum, an movetur?

Eo ipso quia fluidum est, non quiescit, sed movetur, varia minimarum partium agitatione.

161. Nullumne alium habet motum?

Habet. Movetur enim etiam in Orbem, Vorticis instar; ut ut splendidè nugetur Sperlingius & alii, qui Cœlum immobile esse dicunt.

162. Quid est Vortex in Cœlo?

Vortex est congregatio materiæ fluentis, quæ circa centrum orbiculato motu circumagitur. Cœli Vortices.

163. Unusne an plures in Cœlo sunt Vortices?

Plures sunt, & quidem tot, quot in Cœlo sunt Sydera Lucem emittentia.

164. Unde & quomodo plures in Cœlo Vorticum Origo.

*lo Vortices suam habere Originem concipiuntur ?*

*Originem suam Cœli Vorticum pluralitas inde habere intelligitur, quòd Deo materiam primitus movente, necessariò partes motæ, in se invicem irruentes, à motu recto in Circularem fuerunt determinatæ, quum aliter, ob mundi plenitudinem, motum suum prosequi non potuissent. Et sic varii in materiæ mundanæ motu facti fuere circuli, qui novâ materiâ jugiter affluente, & in similem motum consentiente, successivè crevisse intelliguntur, donec Vortices quidam magnitudinis stupendæ prodierint, contraria motuum suorum determinatione, & materiæ à centro undique recedere conantis pressione distincto.*

*Horum pluralitas.*

165. *Unde porrò scis tot esse in Cælo Vortices, quot sunt Sydera ?*

Inde hoc scio quia *Vortices* sine *Sidere* fieri non potuerint. Quippe Vorticibus jam formati, ex continuo particularum in illis agitarum attritu, materia subtilissima ita fuit aucta, ut in majori fuerit copia, quàm opus fuit ad Spatia, inter particulas Globi figuram sensim suscipientes, explenda. Et cum illa, ob suam subtilitatem, majoribus



ioribus globulis à Centro quaquaverfum recedere conantibus, cedere debuerit, non aliorum concedere potuit, quàm ad *vorticis Centrum*, ubi primo in parva quantitate congregata, *exiguum Luminare* constituit, donec novà materiâ jugiter ex Globulorum politurâ accedente moles Luminaris aucta *sideribus majoribus* suam dederit originem. Qui concipiendi modus cum sacra *Mosis* historia præclarè convenit, quum ille primò *Luminis*, deinde *Siderum* fecerit mentionem.

166. *Quid ergo est Sidus in Vortice?* *Stella & earum Lux.*

*Sidus* est Copiosa materiæ primi Elementi in Centro Vorticis Cœlestis collectio, omni ex parte æqualiter ab eo recedens, *lumenque* de se spargens.

167. *Quid est Lumen à Sidere sparsum?* *Lumen.*

*Lumen* est Globulorum Cœlestium retilinia pressio, subtilissimum sensuum nostrorum *Visum* afficiens.

168. *Unde est illa Pressio?*

*Pressio* illa *formaliter* est à conatu recedendi à suo Centro, qui in quovis Cœli Vortice in Orbem agitato est. *Efficienter*  
verò

verò est à Luce, sive Corpore Lucido, quod in Vorticis meditullio collectum, nisumque longius procedendi sibi insitum habens Globulos Cœlestes quaquavorsum ad Lineam rectam propellit.

169. *Differuntne ergò Lumen & Lux?*

Si velimus ἀνεμβολογεῖν, differunt; *Lux* enim est pressio, seu, propensio ad motum, quæ est in Corpore lucente. *Lumen* autem est illius pressionis progressus in Corpore pellucido; adeoque *Lux* (ut in Scholis loqui solent) est *actus* quidam *primus*, *Lumen* verò est *actus secundus*. Fumum pro luce dat *Sperlingius*, quando *Lucem* dicit esse *qualitatem realem*, seu *materialem*, *Lumen intentionalem* ac *spiritualem*.

*Vorticum  
constantia  
& distin-  
ctio.*

170. *Quod si verò hic recedendi à Centro suo Conatus in quovis Cæli Vortice & Sidere sit, qui sit, ut Sidus & Vortex sedem nunquam deferant?*

Inde hoc fit, quia ut *Lapis* à funda retinetur ne avolet, ut ut ad avolandum in rotatione fundæ sit incitatus, ita pariter *Sidus* à Globulis sui Vorticis, & *Vortex* ipse à vorticibus contiguis, contraria pressione renitentibus, ne diffuat, vel situm suum deferat, cohibetur.

171. *Sem-*

171. *Sempérne ergo materia subtilissima* Siderum  
*sidus constituens, in centro, sui vorticis* identitas  
*manet, nec ex eo aliorum transit?* qualis.

*Manet hæc semper in Vorticis sui Centro, quantum ad sideris constitutionem & durationem requiritur. Nec tamen ita conclusa in Centro est, ut non perpetuò ex sidere uno in aliud per partes à polo remotiores, ubi agitatio est validior, hæc transeat. Quantum verò per partes has exivit, tantum per polos, ubi motus est minor, denuo ex alio vortice intrat, sic ut perpetua materiæ subtilis inter sidera sit* Materia subtilis ex uno sidere in aliud transit.  
*ὑπὸ ἁπορρυΐα, & hæc eadem sint similis materiæ constanti affluxu, planè prout flumen idem censetur, ex novæ aquæ perenni allapsu. Quapropter rectè Cæcilius apud Minutium Felicem, soles alios atq; alios, congregatis ignium seminibus semper splendere dixit. Id quod ad solvendas, quas nectunt, de solis & stellarum alimento, difficultates observasse juvabit.*

172. *An etiam secundi Elementi materia, sive Globuli Cœlestes, ita ex uno* Non item globuli ex uno Vortice in alium.  
*in alium transeunt Vorticem?*

*Neutiquam. Etenim nec circa Polos, nec in Locis à Polis remotioribus vorticem alium.*

lium intrare possunt. Non *circa Polos*; Quia motus tarditas, quæ ibi, respectu aliarum Vorticis partium est, motui Globulorum vicini Vorticis validè resistit. Non *in Locis à Polo remotioribus*, quia celerrima agitatione, validoque recedendi Conatu, Globuli alios irruentes reprimunt. Sic ut circa Polos sit *resistentia negativa*, in Locis verò à Polis remotioribus, *resistentia* sit *positiva*.

173. *Eademne est Lucentium Corporum ratio?*

Non est. Alia enim lucent lumine proprio, alia verò *alieno*. Sive alia Lumen ex se *emittunt*, alia duntaxat lumen acceptum *remittunt*.

174. *Quæ Corpora lucent lumine proprio?*

*Sol & stella fixa*; id quod *vividi solis & fixarum radii* satis superque ostendunt.

175. *Quid sunt Sol & Stellæ fixæ?*

*Sol & stella fixa* sunt Corpora Lucida, ex materia primi Elementi ad Centrum vorticis affluente, & in Locum Globulorum inde recedentium succedente, constantia,  
lu-

lumen ex se emittentia, magnitudine multum variantia.

176. *Multumne sol stellas fixas magnitudine superat?*

*Solem* multis stellis *maiores* esse probabile, si non certum planè est. Eum autem omnes stellas fixas mole sua superare non liquet.

177. *Unde ergo est quod tantus nobis appareat?*

Inde hoc est, quia *propior* nobis *sol* est, ut qui in ejus fumus Vortice, cum contra *stella fixa* à nobis sint *remotiores*. Hinc etiam est cur *sol* non tantum terram nostram copiosissime *illuminet*; unde *Luminare magnum* in sacris vocatur; sed etiam *calefaciat*: *stella fixa* autem visum quidem perstringant, non tamen terram illuminent, vel frigus pellant.

178. *Quid vero statuis de sententia quorundam Veterum, qui Solem Corpus solidum ignitum, μὲν δὲ ἐμπυρον, lapidem ardentem, item laminam candentem, dixerunt esse?*

Effata hæc fuere caligantium in sole, qui-

quibus & *ratio* & *Observationes Astronomorum* repugnant. Quippe *ratio* manifestè docet, solem ex materia valdè fluida & mobili constare, quæ sibi mutuò incumbentes cœli Globulos undique premat, & validam agitationem efficiat; ut ex iis quæ de *luce* & *Lumine*, de *Calore* item, dicta sunt patet. Et *Simon Marius* apud *Scheinerum* in *Rosa Ursina* testatur, se Corpus Solare tubo Optico conspexisse, fervens non aliter quàm aurum in fornace liquefactum. *Athanasius* item *Kircherus* scribit, se solem spectasse, tanquam mare igneum fluctibus asperum, & fluctuantibus undis crispum. Et in hoc stellæ fixæ cum sole conveniunt.

*Stellæ fixæ.* 179. *Cur dicuntur stellæ fixæ?*

*Fixæ* dicuntur, non quod sine omni motu quiescant, vel cœlo, ut quidam clavi, infixæ sint; sed quia in Centro sui vorticis eundem situm atque ordinem inter se jugiter servant.

180. *Quo vero indicio stellæ fixæ ab erraticis discernuntur?*

*Scintillatione.* Fixæ enim *scintillare* videntur, Erraticæ non item; *Venerem* si excipias, quæ soli vicinior cum sit, radios lucidos

cidos copiosè ad terram usque, quæ Veneri propinqua fatis est, reflectit.

181. *Unde vero est quod stella fixa scintillare videntur?*

Hoc primo est à valida materiæ subtilis agitatione, quæ substantiam quandam actuosam, non torpentem arguit: *Dein* à vaporum & halituum aërem imprægnantium trepido motu & fluxu; planè prout lapilli in fluvii fundo quiescentes, ob rapidum aquæ motum tremere videntur: *denique* varia radiorum huc facit refractione.

182. *Certusne fixarum est numerus?*

*Certus* quidem, sed soli *Conditori cognitus*, qui educit numero exercitum stellarum, & singulas nomine suo citat, ut *Sacra Scriptura* loquitur. Earum quæ nostrum in conspectum prodeunt, vulgo 1022. numerantur in 48. *Asterismos* distinctæ; sed calculus est satis imperfectus. Jof. 40. 26.

183. *Ubi innumerabilis quadam stellarum Gallaxia. in Cælo est congeries?*

*In via Lactea*, quæ nihil aliud est quàm innumerabilis multitudo stellularum creber-

berrimarum, debili sua luce illam effusi lactis speciem Cælo sereno exhibentium, ut *Telescopium* nos docuit. Sicque manifesti erroris convincitur *Aristoteles*, qui *Galaxiam* meteoron esse credidit, qui tamen ipsi condonandus, quia subsidio, remotissima non secus ac si propinqua forent contuendi, destitutus fuit.

184. *Quæ Corpora ab hisce diversa in Cælo lucent Lumine alieno ?*

*Stellæ Erraticæ, sive Planeta.*

*Planeta.*

185. *Quid sint Planetæ ?*

*Planeta* sunt Corpora vasta, rotunda & opaca, in vortice solis pendula, ab illo circa solem, tanquam commune quoddam motuum suorum centrum delata, lumen ejus excipientia & ad nostrum visum diversimode referentia.

186. *Cur dicuntur Planetæ seu stellæ Erraticæ ?*

*Erraticæ* dicuntur, quia à solis vortice delatæ, incertis quasi sedibus vagantes, ordinem suum deferunt, quatenus mox congregi, mox digredi; modò ascendere, modò descendere; propius ad solem accedere, & longius ab eo recedere videntur. Unde Plan-  
tarum



tarum *Conjunctiones & Oppositiones*, eorum quin etiani *aberrationes in Longitudinem & Latitudinem*, ab Astronomis toties inculcatæ, oriuntur.

187. *Unde verò patet Planetas esse Corpora opaca, nec proprio, sed alieno Solis lumine fulgere?*

Patet hoc primo ex lumine illorum minus fulgido, & immoto, quo à stellarum fixarum fulgore corruscante multum recedunt: Deinde ex Planetarum, *Lunæ, Veneris & Mercurii* eclipsibus. Tandem ex augmento & decremento luminis in *Saturno, Jove & Marte*, prout propius ad Solem accedunt, vel longius ab eo recedunt.

188. *Quot numerantur Planetæ?*

Vulgo Septem, hoc ordine: ♄ *Saturnus*. ♃ *Jupiter*. ♂ *Mars*. ☉ *Sol*. ♀ *Venus*. ☿ *Mercurius*. ☾ *Luna*.

188. *Quomodo Planetæ discerni possunt?*

*Lunam* non nisi amens aut cæcus ignorat. *Venus* omnium stellarum, quæ in cælo conspiciuntur & maxima & splendidissima est, quæ sæpius interdiu conspicitur, neque nocturno tempore *Lunæ* propinquitate obfuscatur. *Jupiter* *Veneri* similissimus, quanquam minus splendens, neque Solem semper ut *Venus* comitans,

E

quæ

quæ nunquam à Sole plus 48. gradibus ante vel retro digreditur. *Mars* rubens micat & subobscurus est. *Saturnus* plumbei coloris & minus splendidus. *Mercurius* denique Soli proximus, non candidus sed luminosus, nunquam ultra 28 gradus ob eo recedens. Ex *Metii* doctr. sphær. p. 7.

189. *Rectene Soli Planetis accensetur?*

*Non.* Præterquam enim quod *Sol* non est Corpus opacum, sed lucidum, non in alieno vortice pendulum, sed proprium vorticem habens, etiam non habet ille vagum motum ut *Planeta*, sed jugi tenore in Vortice suo torquetur.

*Cometa.*

190. *Planeta differunt-ne à Cometis?*

*Differunt* quidem in Soliditate & Motu, in natura autem sua cum illis conveniunt.

191. *Quomodo conveniunt & quomodo differunt?*

*Conveniunt*, quod *Planeta* & *Cometa* sint Corpora vasta, rotunda, opaca, in Cælo fluitantia. *Differunt*, quod *Planeta* *Cometis* sint minus solidi, nec proin tantæ agitationis capaces, ut ex Vortice Solis in alios vicinos expellantur, prout *Cometa* impulsus, ob soliditatem majorem, habentes satis validum, ex uno Vortice in alium jugiter transeunt.

192. *An-*

192. *Annon Planetæ à Cometis potius in eo differunt, quod Cometa ex exhalationibus sulphureis crassioribus, in magnum Globum compactis, motu vel alia causa accensis consistant; Planeta non item?*

Opinio hæc fuit *Aristotelis*, docentis *Cometam* nihil esse aliud, quàm exhalationem calidam & siccam, quæ supra Aërem erecta illic ex motione superiorum Corporum accensa luceat, & hinc inde transferatur.

Verùm, jure meritò ita sentiente Cl. *Me-*

*gerlino*, scuticis ex Scholis expellendi

“qui nunc tot argumentis contrarium e-

“vincentibus, eam promunt, vel tuentur.

Qua enim, quæso, ratione potest terrenus

*halitus* semel accensus, tanto tempore, v. gr.

per sex continuos menses, ut ille Cometa

qui sub Nerone apparuit, durare, quum, *Se-*

“neca teste, nihil diuturnum sit, quod

“exarlit aëris vitio, atque morari & stare

“nullo modo possit. Quomodo porro pos-

set exhalatio talis accensa, tum diurno mo-

tu constanter certis legibus ferri, tum

motum etiam sibi specialem in certam

quandam Mundi plagam prosequi? Ecquis

quoque capiat, quomodo Cometa non tan-

tam modo caudam ex se fundat, sed semper

quoque illam in plagam à Sole averfam

dirigat, quæ pro majore vel minore Solis vicinia vel crescat vel decrescat, si exhalatio accensa sit: His tandem adde certissimas Astronomorum, inter quos *Tycho Brahe* velut inter ignes Luna minores fulget, demonstrationes, quibus ex *parallaxi* ostendunt, Cometas Lunâ, imo ipso Sole & Planetis quandoque altiores esse, & æstima hinc vastissimam corporum horum molem.

193. *Ergone Cometæ sunt Corpora permanentia, quæ non pereunt, sed postquam semel nata semper durant?*

Lib. 7.  
Quæst.  
Nat. c. 27.

Sic olim sensit *Seneca*, cujus hæc sunt verba, *Nihil prohibet Cometæ aternos esse (rectius perennes tu dixeris) & sortis ejusdem cujus cætera, etiamsi faciem illis non similem habent.--Vides enim quàm simillima sit illa (Cometes stella) quæ tricesimo anno revertitur ad locum suum, huic quæ intra annum revisit sedem suam. Non ad unam Naturæ formam opus suum præstat, sed ipsa varietate se jactat. Alia majora, alia velociora aliis fecit; alia validiora, alia temperatiora: quadam autem eduxit à turba, ut singula & conspicua procederent; quadam in gregem misit. Ignorat Naturæ potentiam, qui illi non putat aliquando licere nisi quòd sæpius facit. Cometæ non frequenter ostendit, attribuit illis alium locum, alia tempora,*  
dis-

*diffimiles cæteris motus. Voluit & his magnitudinem operis sui colere, quorum formosior facies est, quam ut fortuitam putes, siue amplitudinem eorum consideres, siue fulgorem. Prius c. 23. dixit. Cometes habet suam sedem. Et ideo non cito expellitur, sed emittitur spatium suum: Nec exstinguitur, sed excedit. Hactenus Seneca, naturæ verique non sordidus Author.*

194. *Quod si Cometæ Corpora sint permanentia, unde fit quod inæquali temporis vicissitudine & rarissimè in æstate in conspectum nostrum prodeant?*

*Quod Cometa certum non habeant tempus, quo se nobis ostendant, ab illorum in vorticibus cœli est iactatione, quæ certas non habet periodos, nobis quidem cognitæ. Quod autem rarissimè æstivo appareant tempore, sed plerumque Hiberno, Verno item & Autumuali, inde est, quia æstivo tempore obscurantur radiis Solis, ut mox laudatus Seneca cap. 20. loquitur, hoc est, quia Solis validum lumen debiliori Cometae splendori non concedit ad nos usque transitum, cum contra tempora Hiberno, Verno item & Autumuali, noctes longiores & tenebra profundiores fulgidum Cometa Corpus diutius nobis obice sublato, offerant. Nam in tenebris debile etiam lumen cernimus.*

E 3

195. Unde

195. *Unde Cometarum tandem est Lumen Luminisque diversitas, ut alii caudati, barbati, criniti, &c. appareant?*

*Cometarum Lumen æque ac Planetarum est à Sole. Diversitas verò est à radiorum solarium reflectione, qui per Globulos Cœlestes transeundo, refractiones varias passi, eo modo in oculis nostris recipiuntur, ac si ab illis cœli partibus provenirent, in quibus barbam, crines, caudam Cometæ nos videre existimamus.*

196. *Annon Terra cum Planetis & Cometis συσσεύει, seu convenit?*

Ne

Immo in quibusdam. Quoniam ut Planetarum & Cometarum Corpora sunt mole vasta, forma rotunda, facie opaca, in cœlo pendula, sicutiam Terra, quæ pilæ similis, nullo fulcimine nixa; quanquam hæc non eundem cum Cometis habeat Motum.

197. *Inter Planetas quis copiosissime Lumen ad nos reflectit?*

*Luna, quæ hinc alterum Luminare magnum in Sacris vocatur.*

198. *Semperne eodem splendore se nobis offert?*

Non, verum splendor ejus mox augetur, mox minuitur, mox plane evanescit. Unde diversæ Luna exsurgunt φάσεις seu apparentiæ,

rentia, ut vel Μωρδδης corniculata, vel Δι-  
 χότου & bissecta, vel ἀμφικυρῆ & utrin-  
 que gibbosa, vel πανσέλιω &, quasi toti-  
 lunis, vel denique Νέα nova dicatur. Si-  
 miles beneficio Telescopii etiam in Vene-  
 re observantur. Nec dubium est quin eti-  
 am in reliquis Planetis hæc varietas occur-  
 rat, licet nobis, qui Soli viciniore sumus,  
 non apparent.

199. Unde hoc Luminis in Luna incre-  
 mentum & decrementum, & variæ  
 Luminis modificationes?

A vario Situ, quo Corpori Solari Luna ob-  
 jicitur, ejusque radios excipit.

200. Quæ Luna pars Soli objicitur cum  
 plena est?

Pars Lunæ nobis obversa. Dum enim  
 Luna ipsi Soli è diametro opponitur, radi-  
 os Solis soliditate sua sistit, & ad nos re-  
 flectit, sicque candida Lunæ facies appa-  
 ret, quæ terram aspicit. Η'σελλύνη πληρῆμένη  
 μὲν ἐκ τῆ καθ'αυτὴν πρὸς τὸν ἥλιον ἀπασσε-  
 ως λεπτυσταμένη ἢ διὰ τὴν ἐκ τῆ συνεργίας  
 πρὸς αὐτὸν ὁμιλίαν. Constantinus in Orat.  
 ad Sanctum Cœtum. p. 574.

201. Quæ vero Luna Pars Soli obverti-  
 tur, si nova est?

Pars Lunæ à nobis averſa. Dum enim

Luna Soli congregitur, quum Sole sit inferior, ea facie quam à nobis avertit, & ad Solem convertit, illuminatur, quod tamen Lumen conspectum nostrum fugit.

202. Unde debile illud in Luna Lumen, quod circa novilunium apparet?

Lumen est ab ipsa Terra, quæ radios solares in illum irruentes, eo tempore ad ipsum Lunæ Corpus in regione Solis existens reflectit. Hinc lumen hoc tantò semper debilius est, à quantò Luna recedit magis à reflectione Terra facta. Cum ratione ergò insaniunt, qui debile hoc lumen Luna  $\epsilon\mu\phi\upsilon\lambda\omicron\nu$  sive nativum esse dicunt.

203. Annon Luna tempore plenilunii quandoque patitur Eclipsin?

Imo vero.

204. Unde hac Eclipsis Lunæ?

Luna  
Eclipsis.

Eclipsis Luna tempore plenilunii est à terra inter Corpus Solis & Lunæ diametraliter interjacente, eo tempore quo Luna in nodis, quos vocant, existit. Sic enim radii solares ob terræ interpositionem, à Corpore Lunæ avertuntur. Hinc recte Aristoteles dixit Lunam deficere  $\delta\iota\alpha\ \tau\omega\ \tau\eta\varsigma\ \gamma\eta\varsigma\ \epsilon\pi\iota\tau\epsilon\sigma\epsilon\delta\eta\mu\iota\nu$ , ob Terræ interpositionem.

205. Cur



\* 204. *Cur non in singulis pleniluniis seu opposuionibus Eclipses Lunæ fiunt?*

Hæc partim propter umbræ terrestris figuram, partim propter Lunæ deviationem ab Ecliptica fit. Cùm enim Umbra Terræ turbinata in mucronem desinens fit, non semper totam Zodiaci latitudinem comprehendit, adeoque Luna ab Ecliptica longius recedens conum umbræ devitat.

205. *Eademne est Eclipsis Solaris ratio?* *Eclipsis Solaris.*

Neutiquam: Etenim hæc non fit in plenilunio, sed in novilunio: dein Sol nunquam Luce sua privatur, licet quandoque, ob impedimentum interjectum, radios suos nos directe projicere nequeat.

206. Unde ergo est *Eclipsis Solis*?

*A Luna* hæc est, quoties nempe opacum Lunæ Corpus in novilunio inter Solem & nostrum visum interponitur, ita ut Sol vel totus vel ejus quædam pars, aliquandiu conspici non possit.

207. *Sic non Sol sed Terra potius dicenda esset pati Eclipsin?*

Callidè rem intelligis. Illud enim inter Lunarem & Solarem Eclipsin est discrimin, quod

quod Lunar<sup>is</sup> sit revera Luminis privatio in Luna ; Solaris autem non sit privatio lucis Soli debitæ, utpote quæ Soli non detrahitur ; sed potius cohibitio illuminationis in Terra faciendæ, quæ ab Opaco Lunæ Corpore exsurgit.

*Eclipsis  
tempore  
passionis  
Dominicæ.*

208. *Eclipsis Solis, quæ tempore passionis Dominicæ accidit, anne eandem habuit causam similemque modum ?*

Neutiquam, quum tum, in Paschate nimirum, fuerit plenilunum, quo tempore Sol Lunæ opponitur, non verò in eadem Cœli regione ei conjungitur.

209. *Unde ergo illa Originem habuit ?*

Naturæ Autor, præter Naturæ ordinem, Solem velo quodam textit: scelus Judæorum hac ratione detestari voluit. Ideoque Sol vere luminis tum passus est deliquium. Ipse solus vero qui fecit, modum quo hoc factum, novit. Nostrum non est α μη ἐαλέξωμεν ἐμβαλέμεν, irrumpere in ea quæ non vidimus.

*Solis Ma-  
cula.*

210. *Sed annon ex Maculis, quæ in Sole sunt, naturaliter hæc Eclipsis suam habere potuisset Originem ?*

Non potuisset, quum hæ Maculæ nunquam

quam totum Solis globum tegant, nec pro-  
in omne Lumen nobis eripiant, quod ta-  
men tempore passionis accidit. Ideoque  
repudium mittimus hæc in re sagacissimo  
alioquin *Philosopho Cantabrigiensi*, qui non in  
*aliam causam, quam in maculas prodigium hoc*  
*refundi posse, asserit.*

211. Unde illæ Solis Maculæ ?

*Macule* hæ sunt ex *crassioribus* & *tardi-*  
*oribus* particulis subtilioribus admixtis,  
quæ quum non possint in similes cum  
materia subtiliore motus consentire, ab  
hac separantur, & ob tardiores motum  
in superficie Solis cohærentes, aliquandiu  
ibi manent, motui Solis secundum Lineæ  
Eclipticæ ductum obsequentes, donec à  
Solis vi dissolvantur, & vel resorbeantur,  
vel expellantur.

212. Minora vero Sole sidera, annon ab  
his talibus Maculis tota quandoque in-  
volvi potuerunt ?

Imo vero, *Macule* prout magis minusve  
densatæ & induratæ, vel etiam multipli-  
catæ, aliæque aliis superinductæ sunt, po-  
tuerunt *scilicet* aliquod totum obtegere, a-  
deo ut vel minus aparuerit, vel prorsus e-  
tiam disparuerit, donec maculis validâ &  
con-

continua Sideris agitatione discussis, sidus denuo in conspectum prodierit. Id quod in principio rerum, in Mundo constituendo magis quam nunc in *Mundo constituto* evenisse cogitandum est; quanquam *stellarum interitus & exortus* adhuc tale quid fieri satis arguant.

213. *Anne Ergo Stellæ de novo oriuntur & rursum evanescunt?*

Imo vero. Ne antiqua, quæ fabulosa plerumque habentur, recenscamus, ea quæ superiori & nostro seculo acciderunt, hoc ipsum comprobant evidentissime. Anno 1572. nova stella prope *Cassiopea* sellam apparuit fulgidissima, quæ post annum & trientem disparuit. Anno 1600. nova stella in pectore *Cygni* prodit quæ post multos annos iterum decessit. Quadriennio inde elapso lucidissimum sidus in *Serpentario* visum, cujus conspectus ad annum 1606. duravit.

214. *Quando & quomodo Stellæ oriuntur?*

*Oriuntur Stella* quando maculis evoluta materia subtilissima, in Vortice collecta, pressionem Globulorum denuo, remoto obice prosequitur: Vel quando ex vicini  
Vor-

Vorticis validiore pressione, materia primi Elementi copiosius ad sidus obscuratum affluens, supra maculam qua sidus contingitur, se diffundit: vel denique quando Vortex robore auctus vicinum minus robur habentem superat & abripit.

215. *Quando stellæ rursus evanescent?*

*Evanescent* quando maculæ redeunt, vel materia subtilis supra sideris crustam affusa à vicino vortice validiore retorquetur. Tum enim Sidus manet maculis involutum splendore evanescente.

216. *Tale Sidus maculis involutum, splendore omni nudum, potuitne pressionem qua Vortices determinantur juvare?*

Non potuit, quia *Crusta* qua illud involutum fuisse concipitur, conatum Globulorum recessorium, quo Centrum suum deferere incitati sunt, impediit, sicque pressionem illam mutuam sustulit.

217. *Quid sublata illa pressione accidit?*

*Planetarum & Cometarum Generatio.*

Vortex in cujus centro Sidus fuit, macularum interventu debilitatus atque imminutus, ab alio Vortice vicino validiore fuit abreptus, atque ita *Sidus rectum* in alium vorticem transiit, à quo circumductum,

ctum, five gyratum fuit. Atque hinc sur-  
rexisse intelliguntur *Comita* & *Planeta*.

218. *Quid hinc colligis?*

Colligo hinc tria. 1. In Centro cujusvis *Cometa* & *Planeta* esse ignem, qui undique crassa contextus crusta, ut ignis solaris & aliorum siderum, non jugiter defæcatur, & inde impurus est. 2. Eam *Crusta* partem quæ *proxime* hunc ignem ambit, & ab illius continuo impulsu densatur atque politur, esse valde *densam* & *compactam*, nullos ut meatus, nisi *Materiae* primi Elementi, pervios habeat. 3. *Extimam Crusta* partem non usque adeo esse densatam sed laxiores poros habere, quum illa condensationis causa hic esset. Quæ in speciali *Terra* consideratione observasse juvabit.

219. *Agedum ad specialem Terræ considerationem descendamus, & quum Aristoteles eam inter Elementa numeret, simul de illius Elementis agamus. Dic mihi ergo quot sint Aristotelis Elementa?*

*Quatuor*, ut antea dictum, numerat Elementa, non quod quatuor hæc Corpora ipsa Elementa sint, sed quod hæc mixta ex  
pra-

prædominio Elementi alicujus illam appellationem fortiantur, quam meritura forent, si depuratis sæcibus, integrè in naturam excellentis Elementi transivissent; ut *Thomas Anglus* Aristotelis & ὁμοφύων mentem pandit.

220. *Quæ ergò ab Aristotele dicuntur esse Elementa?*

Hæc quatuor: *Terra, Aqua, Aer, & Ignis.*

221. *Quid est Terra?*

*De Terra.*

*Terra* est Elementum frigidissimum & crassissimum, ex particulis majoribus, irregulares figuras habentibus, ac per quietem inter se cohærentibus, in Globum coagmentatum, in cœlo pendulum, hominis brutorumque domicilium.

222. *Omnia in hac descriptione plana satis sunt, hoc unum si acceperis, quod Terram Globum dixeris, quam tamen Orbem omnes esse putant; unde Orbis Terrarum frequentissima denominatio. Quæro ergo annon rectius Orbis quam Globus diceretur?*

Verum est plerosque *Terram Orbem* putare, & hinc Orbis appellationem eam traxisse. Sed præjudicium hoc est, non ipsa Veritas. Nec enim figuram habet Disci, si-  
ve

ve Orbis, sed *Globi*; unde etiam in sacris  
 תרדמא *die Erdkugel* nominatur.

223. *Quo indicio patet Terram Globosam esse?*

Ex variis *τεμπνίσις* hoc patet, inter quæ  
 eminent, *stellarum ortus & occasus*; *umbra*  
*Lunæ eclipsatæ*; *fluminum per remotissima*  
*terrarum spatia defluxus*; *mare in circulum*  
*assurgens*, & cum Terra unum Globum  
 componens, & alia his similia.

224. *Qui verò rotunda sit Terra, quum*  
*tot tantæque in ejus superficie sint inæ-*  
*qualitates, Montes & Valles?*

*Mathematicæ* quidem rotunda non est,  
 instar Globi politii, qui in se ipso totus teres  
 atque rotundus, externi ne quid possit per  
 læve morari; interim hoc non impedit quo  
 minus sit rotunda *Geometricæ*, quum illæ in-  
 æqualitates cum Terræ ambitu collatæ, ro-  
 tunditati illius non plus ob sint, quàm va-  
 ria puncta & tubercula rotunditati mali  
 aurantii vel citrei.

225. *Quæ illarum inæqualitatum in su-*  
*perficie Terræ est Causa?*

*Sapientia & Bonitas Creatoris* terram ab  
 aqua secunda die separantis, & aquæ Ca-  
 vernas, in quibus colligeretur, formian-  
 tis. Hinc enim, ut Hiero-psaltes loqui-  
 tur,



tur, ascenderunt montes, descenderunt valles  
in Locum quem ipsis formaverat. Psal. 104.8.

226. *Quod si vero Originem harum inæqualitatum quæ in Terra sunt, secundum certas motuum Leges, ex causis naturalibus tibi singas, quenam supposita Dei voluntate, convenientissima ordini instituto esse potuisse tibi videtur?*

*Primo concipio in intima terra regione esse ignem, qui undique densioribus contactus atque obtenebratus fuerit maculis, materia crassiore per agitationem sensim à subtiliore & mobiliore separata.*

*Dein in Maculis, quæ instar crassissimæ nebula ex diversis partibus conflatae concipiendæ sunt, varias particulas, terreas, aqueas, aëreas, fuisse, quæ successivè gravioribus & crassioribus, à Materia cœlesti versus Centrum detrusis, fuerint ab invicem separatae, & sic Terra interiori suam dederint originem.*

*Tertio supra Terram illam inferiorem ex maculis densatis prognatam, Rudimentum Aëris & Aquæ apparuisse, quanquam neutrum satis defœcatum.*

*Quarto in Aquæ, cui Aër imminebat, superficie particulas ramosas sibi implicatas*  
coa-

coaluisse, & ex aëre impuriore impendente plures paulatim particulas delapsas, quæ in superficie aquæ hærentibus junctæ, earum molem auxerint, atque Aquam *Crusta* instar texerint, non secus ac hoc in *stagnis* fieri videmus.

*Quintò*, Solis Terram ambientis æstu aquam infra illam crustam existentem fuisse *calefactam* sicque *agitatam*, ut sub *vaporis* specie multum aquæ per Terræ poros sursum fuerit evectum, qui Vapor frigore nocturno concreescens iterum delapsus, non leve crustæ terrestri addiderit pondus.

*Sextò*, spatium inter aquam mole sua imminutam & crustam pondere suo auctam intercedens, ab *Aere* succedente fuisse impletum, & sic Terram superiorem *fornicis* instar supra aërem illum & aquam aliquandiu suspensam mansisse.

*Septimò*, Calore meatus alios diducente, alios constringente, magnas progressu temporis *fissuras* in Crusta Terræ esse ortas, atque ita superiorem Terram totam confractam, vi gravitatis in Terram, quæ sub aqua fuit, decidisse.

*Tandem* quum Terræ inferioris superficies *convexa* minor fuerit, quam Terræ superioris superficies *concava*, non exactè hanc

hanc illi jungi potuisse, sed quædam fragmenta in latus inclinata eminuisse, unde *Montes*; alia transversim jacuisse, unde *Planities*; alicubi aquas ex utero quasi prodixisse, ut in *Mari* & *Lacubus*; alibi verò in Cavernis Terræ delituisse, atque ibi *Fontes abyssi* in Scriptura Sacra memoratos constituisse.

227. *Inæqualitates hæ, à quo Montes excelsi & Valles depressæ sunt, anne omnes Terræ sunt coævæ; an vero sequiori ætate montes alibi surrexerunt alibi vero evanuerunt?*

Inæqualitates pleræque Terræ sunt coævæ, ideòque præcipui *Montes* & *Valles* eodie habuerunt suum exordium, quo separatio aquæ ab arida, increpatione divina, fuit facta. Multos tamen etiam posteris temporibus, vel è planitie eductos, vel ad planitiem reductos esse Montes, scriptorum monumenta testantur.

228. *Quæ hujus mutationis potuit esse causa?*

*Montes absorberi potuerunt terra horrendis motibus conscilla, vel aquarum vi macerata ac proluta. Contra rursus terra ab ignibus subterraneis agitata copiosissimam materiam evomens, aqua item Saburram, Lutum,*

tum, lapides cum impetu deferens, & certæ Terræ portioni impingens, *Montes efferre* potuit. Ipsa quoque effrenata *ventorum violentia* arenam undique sublatam in unum locum congerens ingentes cumulos montesque efficere potuit, intermixtis tandem humoribus conglutinatos.

*Antipodes.*

229. *De terra hoc unum adhuc scire cupio, an etiam homines sint in nobis contraria Terra parte, qui adversis vestigiis stent contra nostra vestigia, ideoque Antipodes, quasi aversipedes, item ἀντίποδες dicuntur?*

*Antipodas* dari & ratio & experientia abundè demonstrat. Nec de hac re dubitat, nisi qui in omni Historia & Geographia est peregrinus. Globus est Terra, qui undique suos habet incolas. Digni sunt qui adscribantur versus *Manilii*, qui demonstrata Terræ rotunditate ita pergit:

*Hanc circum varia gentes hominum atque ferarum,*

*Aeriaque colunt volucres. Pars ejus ad Arctos Eminet; Austrinis pars est habitabilis oris, Sub pedibusque jacet nostris, supraque videtur Ipsa sibi, falente solo declivia longa Et pariter surgente via, pariterque cadente.*

230. *Sed difficulter concipi potest quomodo*  
*sine*

*sine prolapsionis metu tales adversa  
pedibus nostris calcare queant vestigia?*

Superanda omnis fortuna ferendo est.  
Attendendo omnis difficultas vincenda. U-  
bicunque homines Terram incolant supra  
Terram sunt, nec à Terra pendent, sed eam  
*premunt & terunt*, unde & nomen suum  
fortita. Cum enim in Globi speciem hæc  
conformata sit, & ab omnibus mundi par-  
tibus *perpendiculara*, pondera, turres, arbo-  
res, pluvix, denique moles omnes in suis  
collibrata nutibus in Centrum Terræ ver-  
gant, non magis penduli sunt Antipodes  
quàm nos sumus, nec illorum debemus  
magis, quàm illi nostram extimescere rui-  
nam, cum utrorumque eadem sit terram  
incolendi ratio.

231. *Acquiesco in dictis, & quum Aquam  
cum Terra unum Globum componere su-  
pra dixeris, de Aquæ natura similiter  
instrui cupio. Dic mihi ergò Quid sit  
Aqua?*

*Aqua est Elementum frigidum, fluidum  
& humidum, constans particulis oblongis,  
lævibus & flexilibus jugiter inter se agita-  
tis nullumque saporem habentibus, unum  
cum Terra Globum constituens.* *De Aqua.*

232. *Cur*

232. *Cur Aquam Elementum frigidum; Terram autem frigidissimum esse dicis, quum tamen Aqua frigidissimum vulgo putetur?*

Scio quidem *Aquam frigidissimum* à ple-  
risque statui Elementum, verum quum ju-  
dicium hoc careat ratione, illud me nihil  
quicquam movet. *Frigidissimum* certè non  
est quod minimas particulas habet jugiter  
*agitatas*, quum in illarum agitatione paulò  
majore consistat *Calor*; quodque *frigore* in-  
tensiore corrumpitur, condensatur & con-  
gelatur, id quod in aqua evenire Tempore  
Hiberno cernimus. Ut jam taceam *Pisces*  
& quæ in aquis vivunt, vitam suam, quæ  
sine Calore esse nequit, in frigidissimo E-  
lemento tueri non posse. Contrà quod *Ter-  
ram* attinet, quum ejus particulæ inter se  
quiescant, frigidissima certè hæc suâ natu-  
râ est.

233. *Sed qui frigidissima Terra sit, quum in  
ejus gremio & superficie plurima cres-  
cant, & sensus majorem in aqua depre-  
hendat frigiditatem, quam in terra?*

Sic est, plurima in terra crescunt, nec  
crescunt sine Calore. Ille verò *Calor* non est  
terræ proprius, verum Originem habet  
ab

ab *Ignē tum cœlesti, tum terrestri*, qui per ipsius poros diffusus, minutiores particulas terrestres agitāt, sicque accretionem plantarum aliorumque Corporum promovet. Absque hoc Calore si Terra esset, naturam suam non exueret, quanquam tum *γόνιμ* & *φœtib* apta non foret. Quæ quoque causa est cur tantum frigus in Terra non sentiamus, quantum in Aqua, quam dimittere & sensum consulere infirmitas intellectus est, ut *Sperlingio* suum epiphonema leviter immutatū potiori occinamus jure.

234. *Unde vero est quod Aquæ particulæ inter se agitentur ; particula autem Terræ non item ?*

*Aquæ particulae* sunt minores, læves, lubricæ, sicque à Materia cœlesti omnia pervadente & agitante facilè mobiles. *Terræ* autem particulæ sunt crassiores, angulatæ, adeoque ad motum ineptiores.

235. *Quo vero judicio vel argumento cognoscis Aquæ particulas jugiter inter se agitari ?*

Præterquam quod *fluida à stabilibus* minimarum particularum differant motu, ut  
in

in Generali monstravimus Physica ; varia quoque *indicia* hoc ipsum comprobantia, v. gr. quod Liquores confusi facile commiscuntur ; quod oleum & aqua valida agitatione sociantur ; quod colores & saporres quaquavorsum in illis defundantur, & quæ plura observanti quotidie occurrunt.

236. *Ergone Aqua, quæ fluida est, à Glacie, quæ stabilis est, non aliter quam Motu particularum differt ?*

Non. Dum *Aqua* particulæ; agitatione materiæ cœlestis, hiberno sole deficiente, juxta se quiescunt, fluida esse desinit, & *Glacies* ex illa fit, quæ frigidissima & dura, propter partium cohærentium quietem, evadit. Quod si verò Materiæ Cœlestis vigor æstivo sole redeat, cohærentes Glaciei particulas, suo in eas impetu, dissolvit, easque agitando, Glaciem in *Aquam* rursum transmutat. Dum *Aqua* congelatur, rigescentibus particulis, ejus *ambitus dilatatur* : dum verò *Glacies* liquefcit collabentibus particulis, *condensatur*.

237. *Cur Vinum difficilius longè à frigore concrefcit, quàm aqua ?*

Responsio in promptu est. In *Vino* plurimæ sunt *particulæ subriles*, facillimè *mobiles*, quæ



quæ à materia cœlesti promptissimè concitantur, & à subtilitate sua *spiritus* appellantur. Hinc quo vinum magis est generosum eo minus vim frigoris constringentem patitur, & Spiritus vini à phlegmate evolutus omnia frigoris vincula perrumpit. Si quoque vino falerno plena Legena aëri gelido exponatur, ut ut exterior vini pars consolidetur, in ejus meditullio tamen Spiritus ita sociantur, ut omnem impetum gelu fortiter repellant.

238. *Sed cur oleum facile quidem concre-  
scit, nunquam tamen congelat?*

*Oleum* facilè *concre-  
scit*, quia habet particulas ramosas, multis modis sibi invicem connexas, quæ cessante materiæ subtilis agitatione statim quiescunt. Non tamen in *Glaciei* duritiem vel soliditatem unquam abit, quia particulae quiescentes non rigescunt, nec unquam tam arcte conjunguntur, ut aquæ particulae; quæ frigore compressæ, rigiditate sua in glaciem duram abeunt.

239. *Clara satis attendenti hæc sunt; unicum verò restat quod in definitione Aquæ scrupulum mihi injicit; quomodo nimirum Aqua insipida esse dicetur, quum*  
F mul-

*multæ Aquæ sapida, salsa, acida, &c. inveniuntur.*

Ut hic tibi scrupulus eximatur scias velim illum *saporem* non esse aquæ proprium, sed *adventitium* ex particulis terrestribus, falsis, acidis, aliisque aquæ commixtis surgente. Sic quædam aquæ sunt amaræ à nitro; acerbæ ab alumine; acidæ acresque à vitriolo, & ita deinceps. Aqua *Marina* falsa est sale admixto, quo per percolationem in Terræ poris deposito, dulcescit, ut *fontes dulces* ex Mari falso profluant.

*De Fontibus.*

240. *Ergone fontes Originem suam habent è mari?*

Imò: Non quidem *Temporarii* illi, qui intensiore Calore exarescunt: verum *perennes*, quos nullus æstus resorbet.

241. *Quò primum Aqua Marina penetrat ut Fontes inde surgant?*

Penetrat primò ad Terræ Cavernas, in quibus copiosè collecta, *Fontes abyssi* constituit. Etenim suo & pondere & motu, quem *pressioluna* in Maris æstu non parum promovet, facilè ad Terræ profunditates, per varios meatus laxiores & angustiores impellitur.

242. *Sed*

242. *Sed quomodo inde sursum, ad ipsa altissimorum Montium juga, elevatur?*

Attollitur Aqua ex istis cavitatibus, quatenus vi Caloris subterranei in *Vapores* resoluta, per meatus Terræ ad Montium fastigia surgit, posterioribus particulis priores jugiter propellentibus, donec hæ in *Terra superiore partim frigore, partim soliditate telluris* denuò in guttulas aqueas conflringantur, capacique alveo hæ exceptæ, cum impetu erumpant, & sic fontem producant, qui per declivitatem terræ defluens *Rivum*, plures rivi *Fluvium* component.

243. *Nonne vero Mare tandem exhaurietur, tot Fontibus & Fluviis ex ipso semper prodeuntibus?*

Neutiquam, quum tantum Aquæ in *Mare* semper refluat, quantum ex illo effluxit, *sapientissimo Mortalium, ratione & experientia* testibus. Præclara sunt Sapientis verba; *Omnia flumina properant ad mare, nec tamen mare impletur: Quocunque loci flumina properant eodem revertuntur prope.* Eccles. 1. 7.

*Eccles. 1. 7.*

244. *Unde tandem mirus ille Maris æstus, quo bis in die fluit & refluit?*

*Maris  
Æstus.*

*Æstus ille Maris est à pressione Materia*

*Cœlestis*, quæ in *spatio*, quod inter Lunam & Terram tempore *plenilunii* & *novilunii*, angustius existit, celerius fluens, aquam suâ naturâ mobilem, unumque cum terra globum constituentem, premit, sicque versus littora attollit; quæ *pressio* cum Luna recedente cesset, aqua in tumulum denud assurgens, pristinum locum repetit.

245. Aqua quod Elementum excipit?

*De Aere.*

*Aer.*

246. Quid est Aer?

*Aer* est Corpus fluidum & pellucidum, constans ex particulis tenuibus ac flexibilibus, à se invicem perpetuo motu disjunctis, infra Cœlum, ac supra Terram quamque existens.

247. Cur in definitione non addis, quod sit Corpus calidum?

Quia *Aer* respectu ad sensum habito vel *Calidus* vel *Frigidus* est, prout major vel minor particularum ejus agitatio.

248. Nunquamne agitatio particularum Aeris plane cessat?

Nunquam. Si enim cessaret plane, Aër fieret Corpus densissimum & solidissimum, id

id quod sine viventium interitu accidere non posset.

249. *Unde vero est, quod hæc agitatio Aëris penitus cessare non possit?*

Inde hoc est, quod particulæ ejus valde exiguæ, sibi invicem ita parum connexæ sint, ut minima vi queant à globulis secundi elementi separari, ac proinde peculiari motu circa suum centrum independenter ferri. In quo *Aer* ab *Aqua*, cujus particulæ majores & magis unitæ sunt, differt. Unde etiam *Aqua* in *Glaciem* mutari potest. *Aer* non item.

250. *Quod si major in Aere agitatio sit, annon rarefit, & contra condensatur, si minor hæc sit?*

Imò verò, *Aer* non secus ac *Vapores* rarefcit & condensatur, pro agitationis suarum partium varietate. Quum enim particulæ Aëris sint flexiles, commotione majore instar *funiculorum* quorundam celerius rotatorum extenduntur, sicque ad motum suum continuandum majus spatium requirunt. Quæ Aëris *Rarefactio* est. Contra agitatione cessante, extensæ prius particulæ complicantur, sicque ad se invicem

cem propius accedentes, minus spatium occupant, quæ Aëris *condensatio* est.

251. *Quid hinc colligis?*

Colligo hinc *Aëris* peripheriam æstivo tempore esse majorem, minorem tempore hiberno, ac proin vana esse, quæ vulgò de *Aëris extrema à Terra distantia*, quod 52 milliarium Italicorum sit, docent.

252. *Idemne sentis de tribus Aëris Regionibus & uniuscujusque Terminis, dum infimæ altitudinem dimidii circiter milliariis Italicis, mediæ 3<sup>1</sup>, supremæ 48 milliaria tribuunt?*

Quod *tres Aëris Regiones* attinet, quum nulli termini certi sint, quibus hæ à se invicem discriminentur, *terminos* illis velle figere certos, ineptum, multumque de *numero* harum regionum contendere supervacuum est. Sit *infima*, quæ infra nubes est; *media*, quæ nubes capit; *suprema* quæ inde ad Cælum porrigitur, mobili cujusque, pro Caloris incremento & decremento, termino. In talibus hæcere laureolam est in mustaceo quærere.

253. *Unde est, quod infima Aëris regio calidior sit, quàm media?*

Inde hoc est, quod radii Solares à Terra

ra reflexi, aerem validius agitent, dum simul recti & reflexi illius particulas impellunt. Adde, quod quò propiores radii solares Globo terrestri sunt, eo magis conjungantur, sicque *vis unita sit fortior*.

254. *Quomodo differt Aer ab Atmosphaera?*

*Atmosfera* vocatur halituum sive vaporum aerem obsidentium congeries, in Globi figuram à pressione circumfluentis *Ætheris* coacta, à Terra ad variam distantiam, pro Caloris & Frigoris varietate, recedens.

255. *Sempérne talis Vaporum in Aere congeries est?*

Imò est, sed non semper eadem est illius *quantitas*, mox enim augentur, mox minuantur vapores: Nec eadem semper illius est *subtilitas*; modò enim magis densantur, modò magis attenuantur vapores.

256. *Anne hac observasse ullius est usus?*

Certè, quum multa hinc *phenomena* evolvantur. Sic e. g. hinc patet, cur rore copiosius decidente de imminente pluvia non sinistrum capiatur augurium: Unde item

*Conf. Gass. Inst. Astron. Cap. 15, &* sit quod *Sol & Luna* mane & vesperi, dum oriuntur vel occidunt, majora appareant sidera, quam circa meridiem dum altius surgunt. Etiam hinc *crepusculorum* est ortus & varietas. Alia nunc taceo.

19.

257. *Qui sit ut Aeris Vaporibus imprægnati pondus non sentiamus?*

Inde hoc est, quia non minor vis est resistendi in Corpore nostro, quàm in Aere ponderoso vis est premendi. Etenim Corpus nostrum sanguine & spiritu, turgidum contra nititur non minori vi, Aeris cingentis & incumbentis pressioni. Hinc nervos sensui dicatos Aer suo pondere non potest movere, ideoque nec sensum gravitatis nobis imprimere.

258. *Quod denique est quartum Aristotelicorum Elementum?*

*Ignis.*

*De igne.*

259. *Quid est Ignis?*

*Ignis* est Elementum calidum, lucidum & fluidum, constans ex particulis terrestribus à materia primi Elementi, cui quasi innatant, celerrimè agitat, in terra & supra terram existens.

260. *Unde Ignis & Calidus & Lucidus? Calidus est propter variam particularum ipsi-*



ipſius agitationem, quâ celerrimè quaqua-  
vorſum moventur. *Lucidus* autem inde eſt,  
quia ſubtilis Materia particulas terreſtres  
agitans, in gyrum movetur, indeque re-  
cedere conans, globulos cœleſtes premit,  
in qua preſſione *Lumen* conſiſtit.

161. *Omnis-ne Ignis calidus eſt & luci-  
dus ſimul.*

Non. Sed alius eſt tantum *lucidus*, ut in  
lignis putridis ; alius tantum *calidus*, ut in  
fimo putreſcente ; alius denique *lucidus*  
& *calidus* ſimul, ut in flamma.

262. *Unde hæc diverſitas ſuam habet O-  
riginem?*

Si *Materia ſubtiliſſima* primi Elementi in  
angultiiſ Corporum terreſtium ; alterius  
materiæ introitum reſpuentibus, celerrime  
ultrò citròque diſcurrens, globulos cœle-  
ſtes repellat ; vel in minore copia præ-  
ſens, Globulos cœleſtes, ad motum ſuap-  
te natura incitatoſ, duntaxat premere ;  
nec particulas terreſtes agitare valeat.  
Ignis eſt tantum *Lucidus*. Si verò in majori  
quidem copia adſit, ut etiam iſtas ter-  
reſtres particulas agitare queat, ita tamen  
terreſtribus & aqueis particulis implicata

hæreat, ut Ignem suum explicare & Globulos cœlestes undique ad Lineam rectam propellere nequeat. Ignis est duntaxat *Calidus*. Si autem denique nexibus suis sit evoluta, ut & globulos premere, & partilas terrestres celerrimè movere queat, Ignis est *Lucidus* & *Calidus* simul.

263. *Quod si non omnis Ignis Lucidus & Calidus simul est, cur Ignem in genere Lucidum & Calidum Elementum esse dixisti?*

Quia is demum Ignis qui Calidus & Lucidus est, *perfectus* censetur; perfecti autem in *Definitione* maximè ratio habenda fuit.

263. *Ubi talis Ignis reperitur?*

*In Terra & supraterram.* Unde alius *subterraneus*, *supraterraneus* alius vocatur. *Subterraneum* ignem Epiphan. Hæres. 31. p. 191. vocat τὸ ἐμψυμένον τῷ κόσμῳ πῦρ.

265. *Subterraneum ignem unde dari scis?*

*Ignis subterraneus.*

*Montes ignivomi; quales sunt Aetna in Sicilia, Vesuvius in Campania, Hecla in Islandia; Therma item & Matella Ignem subterraneum dari fati superque evincunt.*

266. *Unde*

266. *Unde hic Originem habet ?*

Inde ab ipso primordio Terræ, ejus gremio fuit inclusus, non aliter ac in *Planetis* hoc factum supra vidimus. Quanquam etiam in Terræ Cavernis ignis quandoque subito accendi possit.

267. *Quomodo subita hæc accensio fit ?*

Quando saxorum vel silicum, in fornicibus cavitatum Terræ hærentium, fortuito in solum substratum delapsu, ex collisione durorum Corporum scintilla ignis emicat, fumi pingues & sulphurei in illis cavitatibus collecti, subito accenduntur, qui carceris sui parietes magna vi concutiant & sæpe etiam prorumpunt. Et hinc fit *Terræ motus*.

268. *Unde verò scis in Cavernis Terræ tales fumos pingues & sulphureos esse ?*

Experiuntur hoc *Metalli-fossore*, idemque evincit *ratio*. Cum enim in Terræ gremio sit *Ignis*, necesse est, ut etiam sit *fumus* ; & quum *Thermæ* sulphuræ, venæ item *Bituminis* aut alterius alicujus *oleagineæ* materiæ, in canalibus Terræ æstuent, per jugam exhalationem fumum hinc prodire indubium est.

269. *Ac-*

*Ignis supraterraneus.*

269. *Acquiesco in dictis: verum cupio pariter nosse, quomodo Ignis supraterraneus excitetur?*

*Ignis supraterraneus* collisione Corporum durorum, veluti *silicis & chalybis*, excitatur, ita tamen ut non tam generetur, quam congregetur.

270. *Quæ hujus Congregationis est ratio?*

*Globulis Cælestibus*, qui poros Corporum terrestrium, v.gr. *chalybis & silicis*, occupant, per validam collisionem expulsi materia subtilissima, quæ in minimis pororum angulis delitescit, rapidè confluit, & minimas particulas terrestres celerrimè torquet, atque ita scintilla apparet, quæ in materiam inflammabilem incidens, eam penetrat, dividit, & in suum pabulum convertit.

271. *Quanam materia est inflammabilis?*

Illa inflammabilis est, quæ habet particulas spirituosas, oleaginosas & viscidas, quas Materia primi Elementi ita rotare potest, ut ejus motui celerrimè obsequantur, & Globulum illapsum suo impulsu repellant.

272. *Cur flamma tendit sursum, & in conum surgit?*

*Sursum* tendit quia particule terrestres, val-

validum à materia subtili impulsum nactæ, motum suum, aërem incumbentem repellendo, prosequuntur, inferioribus superiores jugiter propellentibus. In *Conum* verò surgit, quoniam aër latera flammæ cingens, ejus quaquaversum diffusioni validè satis resistit, & particulas ita cogit, ut in acumine junctæ, fursum tendant: sicque *Coni* figuram visui offerant.

273. *Cur fulgor Flammæ in tenebris est major, quam in loco Sole illuminato?*

Inde hoc est; quia *solis splendor* valida Globulorum Cœlestium agitatione, in particulas flammæ irruens, eas à motu suo diffusivo reprimat, pressionemque earum majori sua vi vincit. Adde quod solis lumen oculum validius afficiendo, minoris retundat efficaciam; quum *valentioris sit victoria*.

274. *Cur denique ad Ignem necessaria est Aëris ventilatio, & unde illa fit?*

*Aëris ventilatio* inde est, quia aer ab Igne surgente impulsus, nequit in alium cedere locum, quem ignis, pabulum suum depascens, ei facit. Dum autem ita succedit, *flabelli* instar ignem in partes pabuli penitio-

*Turnetiam quia ignita materia fum<sup>res</sup> excrementitiam fuliginem edit, quæ igni fovendo non parum obest; idcirco ne opus est continuo accessu aëris circumfluentis qui ejus modi fuliginem excipiat, et ab igne abigat.* *capituli.*

res impellit & graviores discutit, sicque flammam exsufflando conservat; quod si non fiat, & aeri successio præcludatur, flamma cedere nesciens, à gravioribus partibus fumi suffocatur.

275. *Nullane alia ratione Ignis supratheraneus excitatur?*

Imò & alia ratione hic Ignis excitatur. Si nimirum radii solis, ope speculi concavi collecti, versus unum locum dirigantur. Sic enim junctis viribus globuli agentes, variam & vehementem particularum terrestrium faciunt agitationem, quam *flam-mula* subsequitur, globulis cœlestibus à particularum terrestrium rapida agitatione undique repulsis, ut particulæ Materiæ subtilissimæ confluere, atque agitationem hanc continuare queant.

276. *Omnes-ne particulæ terrestres in Corpore accenso, celerrimæ hujus agitationis, quæ ad flammam constituendam requiritur, sunt capaces?*

Neutiquam, verùm *minutiores exiliores-que* duntaxat, ut quæ solæ materiæ primi Elementi innatare, ejusque motibus obsequi possunt.

277. *Quid*

277. *Quid ergò accidit crassioribus, majoribusque particulis?*

Illæ excussæ ab Igne per Aerem ~~tradius~~ *Fumas* volitant; unde est *Fumus*, qui dissipatus in terræ auras evanescit.

278. *Quum Ignis agat movendo, discutendo, abripiendo, qui sit ut tam diversa Ignis cernamus effecta, v. gr. quod quædam Corpora emolliat & liquefaciat; Ignis diversa effecta. alia induret & exsiccet: quædam in cineres; alia in calcem convertat?*

Quoniam scitaris digna relatu, accipe quæsitæ causam; In talibus usu nobis venit illa philosophorum regula: *Actio non tam recipitur per modum & conditionem agentis, quam secundum dispositionem patientis.* Eadem est Ignis actio, diversus verò est effectus, ex materiæ, in quam agit, diversitate.

Si Corpus constet ex *particulis oblongis & flexibilibus*, quarum quævis æque facile à vicinis separantur, igne primum tale Corpus emollit, dum particulæ illius agitantur & vario modo inflectuntur, non tamen separantur; ut in *cera, plumbo*, aliis patet: quam actionem si Ignis persequatur, agitatæ particulæ tandem validiore motu separantur, atque ita Corpus emollitum *liquefcit.*

Con-

Contrà si Corpus constet ex particulis *crassioribus, duriusculis, angulatis & ramosis*, multas particulas *tenues, flexiles & lubricas* sibi commixtas, non tamen firmiter annexas, habentibus, pulsas ab Igne particulis flexibilibus & lubricis, Corpus primo *siccatur*, & remanentibus duntaxat rigidis, duris, angulatis & ramosis inter se complicatis, *induratur*.

Similiter si Corpora constent particulis *crassitie & tenuitate* multum differentibus, & plerisque *ramosis*, inter quas ampli *meatus* interjaceant, commoventur primum partes *tenuissimæ*, deinde *mediocres*, earumque ope *crassiores*, quæ in *flamam & fumum* abeunt, relinquuntur *crassissimæ* quæ *Cineres* componunt.

Quod si vero tanta varietas particularum in Corpore non detur, & Ignis per Corpus quoddam solidum se diffundens, nexum particularum quidem solvat, eas tamen ob gravitatem suam secum abripere nequeat, tum Corpus mutatur in *Calcem*. Nec enim *Ciris & Calx* aliter differunt, quàm quod *Cineres* sint reliquæ illorum Corporum, quorum pars magna igne consumpta est; *Calx* autem eorum, quæ fere tota ustione absoluta, manent.



279. *Memini me audivisse ex Cineribus Vitri con-*  
*& Calce fieri vitrum, explica mihi, qua-* *sticatio.*  
*so, quomodo hoc fieri existimes, quum mi-*  
*rum satis id mihi videatur?*

*Miram* certè est Cinerum Calcisque, quæ Corpora opaca sunt, commixtione, efformari posse Corpus *pellucidum*, quod sito splendore cum ipso argento certet. Nec tamen hujus rei ratio inexplicabilis est. Eam ergo ita tene.

Ex Calce & Cineribus non fit *vitrum*, nisi accedat *Ignis*, & quidem *validissimus* & *diuturnus* satis. Hic cinerem & calcem validè *agitat*. Agitando particulas utriusque vario modo *collidit*. Ex illa collisione & mutuo attritu, *anguli* particularum deteruntur, earumque *superficies levigatur*, quædam etiam *inflectuntur*. Lævigatæ & inflexæ particulæ aliæ supra alias oblique repentes & fluentes, in exiguis quibusdam superficibus sese contingunt, atque hinc existit Corpus *liquidum*, quamdiu agitatio *Ignis* perseverat. Ea verò cessante statim *liquidum* Corpus à qualicunque frigore con-  
 crescit, & durum, rigidum, *fragile* atque *pellucidum* hinc Corpus surgit, quod *Vitrum* vocamus.

280. *Cui*

280. *Cur vitrum est durum, rigidum, fragile atque pellucidum ?*

*Durum & rigidum* est, quia particulis constat crassis & inflexibilibus, quæ non ramulorum intextu, sed contactu solo junguntur. *Fragile* est, quia superficies, secundum quas particulas ejus se invicem tangunt, sunt admodum breves. *Pellucidum* denique est, quia post concretionem poros suos servat, per quos Globuli Cœlestes quaquavorsum pergunt secundum lineas rectas moveri, uti prius movebantur in liquesfacto.

281. *Cur Vitrum modo de furno prodiens, si aeri frigidiori exponatur, vel humore quodam conspergatur, statim cum strepitu rumpitur ?*

Hujus rei hæc causa est, quod frigore poros subito constringente, Materiæ subtili transitus, & igneis particulis exitus præcluditur ; hinc per fragilis vitri meatuum diductionem illæ transitum, hæ vero exitum sibi parant: Quæ diductio cum non sensim & leniter, sed cum impetu fiat, hinc fragor & fissura oriuntur.

282. *Sed è diverticulo hoc redeamus in viam:*  
De

De Igne, unum hoc scire tantum cupio, <sup>Ignis sub</sup>  
 num talis detur supra Aerem, sub <sup>Lunæ Con-</sup>  
 Concavo Lunæ? <sup>cavo.</sup>

Sic quidem communiter statuunt, sed sine omni solido fundamento. Nec enim, ut rectè *Sperlingius* judicat, *sensus*, nec ratio id dictitant. Ex hisce verò homo scit, quicquid scit. Quartâ certè Lunâ nati sunt, qui Ignis Elementaris focum sub Concavo Lunæ ostendunt.

283. Corpora quæ ex Elementorum unionē & varia modificatione surgunt, <sup>Corpora</sup>  
 quomodo vocantur? <sup>Mixta.</sup>

Vocantur Corpora hæc mixta, quia Elementa in illorum compositione, certa proportionē, commiscentur. Ipsa verò compositio appellatur *Mixtio*, quæ ab *Aristotele* definitur *μίξις ἢ μίξις ἀλλοιωθέντων ὁτιν ἐνωσις*, *Mixtio* est *mixtilium* alteratorum unio. Lib. 1. de Gen. & Corrupt. Text. 90.

284. Uniusne generis, an varii Corpora hæc mixta sunt?

Varii, pro compositionis & modificationis Elementorum varietate, majore item vel minore partium unitarum nexu. Unde  
*Mix-*

*Mixta* in perfectè & imperfectè *Mixta* ab *Aristotelis* sequacibus distinguuntur.

*Imperfecte Mixta.* 285. *Quid vocant Corpora imperfectè Mixta?*

*Imperfectè Mixta* vocant, quæ ex infirma & instabili unius vel plurium Elementorum concretione oriuntur; qualia sunt *Meteora*.

*Meteora.* 286. *Quid sunt Meteora?*

*Meteora* sunt certæ diversæque in Elementis factæ impressiones, sub alia atque alia forma illa exhibentes: quæ cum in sublimi plerumque appareant, *Meteora* ab ἑωσφορῶν suspendio vel elevatione dicuntur; Quanquam alii ex Μετὰ & αἰεῖω, vel αἰωρίω, in sublime tollo, hoc nomen compositum esse, haud ineptè judicent.

287. *Quotuplicia hæc sunt?*

Secundum prædominium alicujus Elementi, cujus species in ipsis magis sensibilis est, triplicia potissimum sunt, *Ignea*, *Aerea*, & *Aquea*.

*Meteora Ignea.* 288. *Quid sunt Meteora Ignea?*

*Ignea Meteora* sunt, quæ ex fumo pingui & sulphureo accenso oriuntur.

289. *Re-*

289. *Recense mihi potissima?*

*Ignea Meteora* varia ex figuræ, situs, motus & magnitudinis differentia numerantur. Quando enim fumus pinguis accensus candelæ ardentis, huc illucque errantis speciem exhibet, *Ignis fatuus*; Quando Ligni transversus incensi, *Trabs*; Quando columnæ erectæ ardentis, *Ignis Pyramidalis*; Quando hic partes inæqualis densitatis, quarum mediæ densiores, & extremæ tenuiores sunt, accensas celerrimeque motas habet, *Draco volans*; Quando instar Capræ modo subsultare & incendi, modo desultare & extinguere videtur, *Capra saltans* appellatur. Inter omnia tamen maxime stupendum est *Fulmen*, cujus comites *Fulgor* & *Tonitru* sunt.

290. *Itaque de Fulmine, Fulgure & Fulmen, Tonitru paulò plenius ut me instruas, Fulgor, rogo? Tonitru.*

Faciam lubens: Animo esto præsentem. Nemini dubium esse potest, æstivo potissimum tempore, in Aere esse copiosas exhalationes, nitrosas, pingues & sulphureas. Certum quoque est *nubes nivosas* à Calore condensari, sicque graviores reddi. Nec quis negabit, *Nubes* non eandem habere altitudinem,

*nem*, sed alias aliis superiores esse, quum præter *rationem* ipse *sensus* hoc testetur, dum nubem unam supra aliam moveri cernimus; Hisce præsuppositis Ortum *Fulminis*, *Fulguris*, & *Tonitru* ita explico.

Quando *Nubes* Calore condensatæ sicque graviore redditæ, in inferiorem Nubem decidunt, aer inter medius validè agitur, & indè gravis ille surgit, *sonitus* quasi *Tonitru* vocatur.

Simul quòque *subtiles* & *sulphureæ exhalationes* in aere hærentes ex illa agitatione incenduntur, dum materia primi Elementi nexibus suis, ex illa concussione evoluta, celerrimè illas pervadit; Et hinc flamma prodit, quæ *Fulgur* appellatur.

Quòd si autem exhalatio, in Nubium collapsu intercepta & agitata sit *crassior*, & magis in unum *congregata*, magno hæc impetu, ex Nubibus ruptis, oblique in terram delata, *Fulmen* constituit, quod pro ratione tum *materia propria*, quæ modo crassior est & copiosior, sed eadem violentior; modò subtilior minusque copiosa, sed ob id magis penetrans, tum *Materie Objectorum*, quorum quæ duriora & solidiora sunt, magis quidem resistunt, sed fortius quoque, quia cedere nesciunt, dissipantur,

pantur, quæ verò molliora & porosa, facilius cedunt, sed facilius simul ignem intra se recipiunt, admirandi illi & stupendi effectus eduntur, qui hominum mentes meritò in stuporem, & impiorum animos ad suspiciendam elucentem in his operibus divinam potentiam, vel invitos rapiunt. Recte ergo *Cæcilius* apud *Minutium* dixit, *nubibus collidentibus tonitrua mugire, rutilare fulgura, fulmina pramicare.*

291. *Quid sunt Meteora Aerea?*

*Meteora  
Aerea.*

*Aerea Meteora* sunt, quæ ex flatuosis & spirituosis exhalationibus oriuntur, qualia sunt *Venti*.

292. *Quid sunt Venti?*

*Ventus* est vapor agitato & rarefactus, *Ventus.* è spatio angustiore in quo fuit, in aliud augustius transiens, sicque Aerem sensibiliter impellens. Ejus generatio commodissime explicatur exemplo ejus, quem in *Æolipylo* aqua, ab Igne supposito, in Vaporem resoluta, & per angustum foramen cum impetu erumpens excitat.

293. *Rectene Terræ motus Meteoris Terræ motus aereis accensetur?*

Neutiquam. Nec enim fit in *Aere*, sed in

in Terra ; nec ex *vapore aqueo* rarefacto, ut ventus ; sed ex *exhalatione pingui*, subito in Terræ cavernis accensa, magno impetu terram concutiente & quandoque disjiciente. Plane prout in *subterraneis dolis*, quos Galli *Mines* vocant, à *pulvere pyrio* accenso, evenire cernimus.

*Pulvis  
pyrius*

294. Pulveris Pyrii *quum mentionem injeceris, explica mihi ὅς ἐν τῇ γῇ unde illius sit inflammabilitas & impetus omnia discutiens ?*

*Pulvis Pyrius* è *sulphure*, *nitro* & *carbonibus* componitur. Ex his *Sulphur* citissime inflammatur: *Carbones* etiam facile ignescunt, diutius tamen ignem retinent. *Nitri* autem particulae non quidem ignescunt, sed *Sulphuri* & *Carbonibus* implicatae, ab iis celerrime rotantur. Quæ quum, ut omnium *salium* minutiae, rigidae & spiculorum instar oblongae sint, in flamma vibratae & ab aliis solutae in majus spatium se diffundunt, ubi in Corpora impingentes, magna vi ea concutiunt, dissipant atque minuunt. Hinc *Pulvis Pyrius* ex *Sulphure* & *Carbone* solum compositus, ignescit quidem, non tamen quicquam perrumpit; *Nitro* vero, accedente vim suam demum ostendit.

295 Re-



295. *Restant Meteora Aquea, quorum* <sup>*Meteora aquea.*</sup>  
*Naturam, Originem & Differentiam*  
*mibi detegi cupio?*

*Meteora Aquea* sunt, quæ ex *Vapore*,  
 sive particulis aqueis, caloris vi ab invicem  
 disjunctis, varieque modificatis ori-  
 untur. *Varia* hæc sunt.

Si enim *Vapores* supra Terram attollun-  
 tur, & ibi in Aëre pendent, vel a *Vento*  
*Occidentali*, ordinario Vaporum cursui  
 occidentem versus, obnitente; vel etiam  
 à *duobus aliis ventis*, è diversis regionibus  
 spirantibus; vel denique à *frigore aeris* solo  
 conjunguntur, atque in minimas guttulas,  
 vel particulas glaciales constringuntur, nu-  
 bes oriuntur. Harum particularum glacia-  
 lium extremitates, sive capillamenta, si à  
*calore Solis*, vel *venti*, ex calidiore regione  
 spirantis, resolvuntur, & ex parte resolu-  
 tæ, vento ad invicem pelluntur, ut in  
 extremitatibus suis cohæreant, & lanæ  
 carminatæ speciem referant, *nivem*: sin  
 verò omnino in guttas resolvantur, *pluvi-*  
*am* component.

Quibus aut omnino aut propemodum  
 solutis, si Ventus frigidus superveniat, eas  
 congelando in *Grandin* convertit.

G

Quod

Quod si autem Vapores Terræ immineant, *Nebula* vocantur, quæ durat, donec vel à radiis solaribus in sublimè rapiatur, vel propriâ suâ gravitate, aut alia aliqua causa externa in Terram deprimatur; Ubi frigore leviori in *Rorem*, majori autem in *Pruinam* constringitur.

296. At *Rorem* vel *Pruinam* *Terra* incumbere sæpius videmus, etiamsi nulla nebula præcesserit?

Sic est, non semper præcedit *Nebula sensibilis*, Aërem obscurans; hoc tamen non impedit, quo minus *Vapor subtilior*, qui à *Nebula* solâ tenuitate differt, præcesserit. *Vaporem* talem in æstate, ingruente vespere, qualicunque frigore concreascentem, terramque lambentem Rustici nostri solent vocare **einen heu-Nebel.**

*Meteora  
apparentia.*

297. Nullane restant alia *Meteora*?

Restant illa quæ *Emphatica*, sive *Apparentia* vocantur: qualia sunt *Parcelius*, *Paraselene*, *Virga*, *Iris*, &c.

298. *Quenam* horum est ratio & origo?

Si nubis nivosæ extremitates à calore resolutæ, superveniente Vento frigidus, in  
Gla-

Glaciem tenuem constringantur, & talis nubes *Soli* vel *Luna* objiciatur, in illa, non secus ac in speculo quodam, *Imago Solis* vel *Luna* exprimitur, quarum illa *Parelius*, hæc *Paraselenæ* appellatur.

Similiter, si Nubes aquosa partes habeat inæquales, densiores & rariores, eamque in Locis suis rarioribus radii Solares penetrant, *Virgarum* figura exprimitur.

Quod si tandem Nubes in guttulas minores resolvatur, & à Sole opposito illustretur, oritur *Circulus* diversi Coloris, rubedine, flavedine atque virore conspicuus, *Iris* dictus. Atque hæc de Corporibus imperfectè mixtis.

299. *Quæ corpora dicuntur esse perfectè mixta?* *Perfectè Mixta.*

*Perfectè Mixta* dicuntur Corpora quæ ex partibus diversi generis certa proportionem inter se junctis, firmissime inter se nexis sunt composita.

300. *Quotuplicia hæc sunt?*

*Duplicia.* Quædam enim tali partium nexu constant, ut per *alimenti* attractionem non crescant, nec deperditas partes illius assumptione, & in substantiam suam

conversione, restaurare possint: Quædam verò *alimentum* habent, quo partes quædam deperditas sibi restituere possunt: Priora vocantur *Inanimata*, posteriora vero *Animata* appellantur.

301 *Ex Inanimatis quæ præcipua sunt? Mineralia.*

302. *Quid sunt Mineralia?*

*Mineralia* sunt Corpora inanimata, ex *Sale*, *Sulphure* & *Mercurio* (quæ *Chymicorum* principia sunt) particulis *aqueis* & *terreis* certa proportionem commixtis, composita ope Ignium subterraneorum, vel etiam Solis Calore excocta, atque ex mineris Terræ effusa, unde *Fossilia* appellantur.

303. *Quot Mineralium numerantur species?*

Quatuor. 1. *Succi Concreti*. 2. *Terra minerales*. 3. *Lapides*. 4. denique *Metalla*.

304. *Quid sunt Succi Concreti?*

*Succi concreti.*

*Succi Concreti* sunt Corpora mineralia, ex succis acribus & oleaginosi, crassiori materiæ terrestri admixtis, composita, insigni sapore vel odore prædita, & aqua vel oleo injecta facile solubilia.

305. *Qui*

305. *Qui ex horum numero sunt præcipui ?*

Præcipui sunt, *Sal* & *Sulphur*.

306. *Quid est Sal?*

*Sal* est succus acer, ex particulis teretibus, rigidis & acutis constans. Hic si sit volatilis & amarissimus, *Armoniacus*; si pinguior, muris petrisque adnascens, *Nitrum* item *Salpetra*; si in mineris & aquis mineralibus reperiatur, *Alumen*; si cum materia metallica & mercuriali, succo quodam acerrimo & subtilissimo connectatur, *Vitriolum* appellatur.

307. *Quid est Sulphur?*

*Sulphur* est Succus mineralis, ex mollissimis & minutissimis ramulis pinguis & oleagineæ materiæ constans, facile inflammabilis, in Terræ cavernis excoctus. Magnam cum eo affinitatem habent *Bitumen* & *Naphta*.

308. *Unde est quod Bitumen accensum etiam in Aqua ardeat, & Naphta distantem flammam ad se rapiat?*

Hujus rei ratio hæc est, quod *Bitumen* semel accensum statim Ignis pervadat, omnesque ejus extimas & intimas partes occupet: Unde licet exterior superficies

aquâ perfundatur, interiores tamen partes & ipsæ flagrant, aquam non admittunt sed repellunt; quo non parum *oleaginosa* Bituminis substantia confert, quæ humorem non admittit.

Ex *Naphta* autem, quam spirituosam esse constat, continuo particulæ quædam sulphureæ insensibiliter exhalant, quæ in flammam incidentes, mox accenduntur, Ignisque pabulum suum sequens, ad Originem hujus exhalationis defertur, sicque ipsam *Naphtam* inflammat, non secus ac in *Candela* recens extincta & adhuc fumigante tale quid fieri cernimus, si pinguior fumus flammulam candelæ ardentis stringat.

*Terra mineralis.*

309. *Quid est Terra mineralis, & quomodo à Succis Concretis hæc differt?*

*Terra mineralis* est Corpus fossile, ex particulis terreis, lento & viscoso quodam humore imbutis, ita comparatum, ut percussione facile in pulverem redigatur, vel etiam aquæ injectum solvatur, ita tamen ut *Lutum* fiat, in quo à *Succis concretis*, qui toti solvuntur, nec in lutosam substantiam abeunt, differt.

310. *Re.*

310. *Recense mihi quasdam Terræ mineralis species?*

*Varia illæ sunt, pro diversitate particularum ex quibus Terra Mineralis constat, aut Succis quo connectitur, etiam regionum in quibus reperitur. Si enim materia sit valde tenax, lenta & pinguis, Argilla; si tenax, alba & in Insula Creta effodiatur, Creta; si vero in Insula Samo, Samia; si lutei & pallidi coloris, Ochra; si valde rubens, & in Insula Lemno inveniat, Terra Lemnia, item Sigillata, quod Dianæ sacerdotis sigillo obsignata fuerit; si saltem subrubens, & in Armenia effodiatur, Terra Armena, vel Bolus Armena nominatur.*

311. *Tertia Mineralium species, Lapides, Lapides, quid sunt?*

*Lapides sunt mineralia dura, ex succo lapidescente & diversis particulis terreis ita constituta, ut igne non liquentur, sed calcinentur, ac malleo confusa non diducantur, sed diffingantur. Hi quatenus ex puriore, vel ex impuriore Materia constant, in pretiosos & vulgares dividuntur, qui vel in Animalibus, vel extra Animalia generantur, ubi in prioribus Corpus Animalis minera locum supplet.*

*Metalla.*

312. *Denique quid sunt Metalla, quæ agmen Mineralium claudunt ?*

*Metalla sunt Corpora Fossilia, gravia & dura, igne liquabilia, in Terra interiore dilitescentia, ibique Calore Solis igniumque subterraneorum excocta. Qualia sunt Aurum, Argentum, Æs, Cuprum, Ferrum, Stannum, & Plumbum, quorum quædam Pura, alia verò Impura, vocantur.*

313. *Quanam pura vocantur Metalla ?*

*Pura vocantur ea, quæ cum cæteris collata, magis sunt elaborata atque excocta ; Qualia sunt Aurum & Argentum, quæ duo in hoc mundi senio plerique victa pietate colunt. Illud, Aurum nimirum, omnium Metallorum gravissimum, perfectissimumque est, insigniter ductile, partes æqualiter elaboratas gravesque habens, quæ cum igneis particulis sint ponderosiores, ab eis auferri nequeunt : Unde liquefcens aurum nihil de suo amittit pondere, nec scorias fæcesque habet, quæ Ignis actione ab illo separantur. Hoc autem Argentum puta, minus exquisitè elaboratum, grave & solidum, minus quoque ductile est, & igne liquatum, aliquid de suo*



fuo pondere amittit, id maximè, quod agitatione Ignis in scorias abit.

314. *Quenam Impura dicuntur Metalla?*

*Impura* dicuntur ea, quæ principia non ita matura & excocta, nec ita fixa & pura obtinent. Ex his alia, ob impuriorem terrestrem Substantiam, prius igniuntur quàm funduntur, ut *Æs*, sive *Cuprum* & *Ferrum*; alia ob copiosum humidum minus concoctum prius funduntur, quàm igniuntur, ut *stannum* & *plumbum*.

315. *Quomodo verò Metalla ex inferiore Terræ parte in superiorem ejus regionem evehuntur?*

*Elevantur* hæc in superiorem Terræ regionem, quia acres succi per meatus interioris Terræ fluentes, quasdam illorum particulas corrodunt, & à majori massa disjungunt, quæ deinde materiâ oleagineâ involutæ, faciliè ab Argento vivo, calore agitato, per Terræ venas & rimas ex interiore Terra in exteriorem rapiuntur. Unde *filamenta* quædam instar Capillorum tenuissimorum in fodinis auri & argenti oriuntur, quæ causa fuit *erroris* illius quo Metalla ex variis vaporibus atque halitibus originem habere quidam putarant.

Corpora  
animata.

316. *Sufficiant hac de Mixtis Inaminatis, pergamus ad Animata, & quid illa sint distinctius dispiciamus. Dic mihi Sodes, quid Animata Corpora sint?*

*Animata* sive *viventia* Corpora sunt quæ talem à Naturæ Authore obtinere Corporis Organici dispositionem, ut per innumeros quos habet meatus ductusque, Succus alimentarius, agitatione in illos intrusus, ab *anima* quaquavorsum in illa diffundatur, ad illorum nutritionem, auctiorem & conservationem. Ab *Anima* Animata, à *Vita* verò *Viventia* appellantur.

Anima vegetativa.

317. *In quo consistit hac Anima, & quam hujus vitæ est conditio?*

*Anima* hæc, supposita omnium partium legitima dispositione, potissimum in *Calore nativo* consistit, qui est Ignis calens & non lucens, in Corporibus vivis à prima productione eorum genitus, cujus ope succus alimentarius ad eorum conservationem præcipuè præparatur & per totum Corpus distribuitur, eique agglutinatur, quo *Vegetatio*, hoc est Nutritio & Auctio absolvuntur; Unde *Vegetativa* hæc *Anima* nominatur.

*Vita*

*Vita* ab hac Anima fluit. Si enim *Calor* convenienti humore tanquam quodam pabulo, conservetur, *Corpus* dicitur *vivere*. Contra *mori* sive *interire* dicitur, si frigidum & siccum in illo ita prædominetur, ut Principium Vitæ, nempe *Calidum innatum*, imminuatur & tollatur.

318. *Quod si Corpora Viventia pereunt, Generatio quomodo eorum species perennant?*

Ne species intercidant, Deus naturæ consuluit per *Generationem*, quæ speciebus caducis, novorum individuorum, in decedentium locum, substitutione, largitur æternitatem.

319. *Quid est Generatio?*

*Generatio* est *Viventis*, ex femine prolifico, productio.

320. *Quid vocas semen prolificum?*

*Semen prolificum* voco materiam Spiritu imprægnatam, cuivis viventium Speciei peculiarem, ex qua, in convenienti loco, recepta, accedente Calore, vivens certæ speciei prodit, convenienter illi *Poeta* efato,

*Natura sequitur semina quodque sue.*

321 *Quæ-*

321. *Quenam sunt illa Corpora Viventia, quæ ita generantur?*

*Plantæ sunt & Animalia.*

322. *Quomodo hæ Viventium species inter sese conveniunt, & ab invicem differunt?*

In eo conveniunt, quod *Plantæ & Animalia* habeant *Corpus Organicum*, h. e. variis Organis instructum, quod ex certo semine furgit, & alimento nutritur atque augetur. Differunt autem in hoc, quod *Animalia* ab Objectis, quæ externis, quæ internis, variis motibus ciantur, totoque Corpore se de loco in locum movere queant; quum contra *Plantæ* sentire & sese loco movere simili modo non valeant.

*De Plantis*

323. *Quid est Planta?*

*Planta* est *Corpus Vivum*. cute, fibris, radice, caule, aliisque partibus Organicis constans, solâ Anima vegetativa, qua nutritur, augetur & sibi simile ex semine prolifico generat, præditum.

324. *Quomodo Planta nutritur & augetur.*

*Nutritur planta & augetur beneficio succi*

ci alimentarii, five humoris pinguioris, varias particulas terrestres sibi commixtas habentis, qui à Calore Solis Terræ impresso, & reliqua materia subtiliori, per poros radice in stirpem elevatur, ibique auxiliante certo quodam *fermento*, cui in radice commisceri cœpit, præparatur, atque in omnes plantæ partes æqualiter diffusus, illis agglutinatur, sicque non solum partes deperditas restaurat, verum etiam novas addit.

325. *Sed unde fit, ut succus ille alimentarius, qui in poros impellitur, cessante agitatione, ad radicem non refluat, & per ostiola illius rursus effluat? Vel ut agitatione perseverante, succus per Plantæ summitates in aerem non expellatur?*

Quod *Succus* non ad radicem refluat, inde est, quia *fibrarum* in Plantis talis est dispositio, ut quo longius à radice recedunt, eo fiant angustiores, adeoque in illis angustis humor valida satis agitatione intrusus, à lateribus premitur, sicque relapsus ei præcluditur: maxime cum fibræ suæ habeant *Capillamenta*, quæ minutias quascunq; facile sustinent. Accedit, quod meatus vario modo sint *inflexi, obliqui & distorti,*

*torti*, humoris ad ostia radice refluxum suis anfractibus impediētes. Quæ quoque accedente frigore, tum *hiberno*, tum *nocturno*, humorem die vel æstate præcedente, elevatum figente atque sistente, causa est, cur succus per Plantarum summitates in aërem non expellatur. Cui addas licet *figuram* omnium Plantarum in extremitatibus in *conum* exeuntem.

326 *Semperne hæc Plantarum Nutritio & Auctio durant?*

Non: habent enim & Plantæ certos magnitudinis sibi convenientes *terminos*, nec proin sine termino, in immensum *augentur*. Cujus hæc est *ratio*, quod illarum partes justam magnitudinem nactæ, indurentur, adeò ut pori ab alimento non amplius dilatari, sicque Corpus non ulterius extendiqueat. Quod si autem Plantarum pori, vel *ævi* vitio, vel alia de causa, v. g. *contusione*, *confractiōe*, *distortione*, ita corumpantur, ut succus alimentarius in plantam impelli non possit: vel nimio *æstu* succus illis subducatur; vel penetrabile *frigus* illas aduret; vel abundans humor vires radice eliquet; vel partes terrestres & fœculentæ radice adhærentes, humoris ad  
inte-

interiora affluxum obstruant; tum Nutritio *plantarum* cessat, atque illæ senescunt, exsiccantur, & tandem moriuntur.

327. *Annon tandem omnium Plantarum interitus hinc metuendus?*

Immò omnium, si *individua*, hanc, illam, istam Plantam spectes. Æqua enim lege necessitas fortitur insignes & imas; quanquam aliæ diutius, aliæ minus diu durent, & quædam pronos mutantur in annos. Sin verò *species* Plantarum consideres, metus omnes exulat. Hæ enim, ut dictum, *Generationis* beneficio perennant.

328. *Eodemne modo, an vario Plantæ generantur?*

*Vario.* Aliæ enim ex *semine* (quod nihil aliud est quàm plantula, sive ramusculus, pulpa quadam, velut capsulâ inclusus) in terram coniecto; aliæ ex *radice* in terram depressâ, vel *surculo* aut *ramo* terræ infixo; aliæ denique ex *Gemma* vel *Surculo* alteri plantæ inserto propagantur.

329. *Omni-ne in loco eadem plantæ aque feliciter proveniunt?*

Non. *Hic Segetes illic veniunt felicius uva Arborci foetus alibi & injussa virescunt Gramina.* — Virg. I. Georg.

330. *Unde*

## 330. Unde hoc provenit?

Inde provenit, quia pro diversitate *Caloris*, qui in variis regionibus varius est, *Fermenti*, quod non idem semper solum amat; & *succi alimentarii*, quin in aliis terris alius, plantæ diversi terram requirunt. Hinc *Agricolæ* & *Hortulani* sollicitè exquirunt, quid quæque ferat regio, quid ferre recuset, ne illos expectata seges vanis deludat avenis, & sic laborem, cum semente, inutiliter profundant.

## 331. Quot Plantarum sunt Classēs?

*Dua*, vel ut aliis placet, *Tres*. *Herba* nimirum, *Arbores* & *Frutices*.

## 332. Quomodo inter se differunt?

*Herba* est Planta humilis, statim à radice folia fundens: *Arbor* verò est Planta altius assurgens à radice truncum crassum & lignosum fundens, ex quo rami, variis foliis ornati prodeunt. *Frutex* ab *Arbore* non nisi magnitudine differt: Atque hæc de *Plantis* dicta sunt.

*Animalia.*

## 333. Quid sunt Animalia?

*Animalia* sunt Corpora viventia, vario Orga-



Organorum apparatu instructa, sensu motuque prædita.

334. Vita *Animalium* in quo consistit ?

Illa consistit in *debita partium Corporis dispositione*, & *calore* intenso satis in Animalibus existente, quo succus alimentarius excoquitur, attenuatur, mutatur, agitur. Neque enim Animalium partes ita inter se sunt dispositæ, ut transmissus per illas alimentarius humor, ab ima parte, constanti quodam tenore, sine sensibili calore, quaquaversus diffundatur, ut in *Plantis* hoc fit: sed insuper in *Animalibus* pars quædam est, *Ignem* inclusum habens, in quam succus alimentarius per Venas defluens, incalescit, & ad partes cæteras irrigandas, per arterias propellitur, donec peracto per totum Corpus *circuitu*, per venas, in quas ex arteriis rursus tranlit, in illum *caloris focus* revertatur, ut denuò incalescat.

335. *Quis est ille Caloris Focus in Animalibus ?*

*Caloris Focus* in Animalibus *perfectioribus* est Cor, semper in viventibus præ aliis partibus æstuans; In *imperfectioribus* autem aliquid cordi *analogum*.

336. Un-

336. Unde *tantus in Corde est Calor* ?

*Calor* in corde est inde à prima Animalis generatione, Spiritu ad Cor, quod primum vivens est, copiosissimè affluente. Estque hic *Calor* non multum dissimilis illi, qui Aquâ forti ramentis ferri affusâ excitatur, vel ex commixtione Olei Tartari & Olei Vitrioli surgit.

337. *Qui verò hic Calor perennat* ?

Perennat, *tum* quia probè conclusum Cor frigus non admittit ; *tum* quia sanguine venarum, ex alimentorum succis, fermentatione quadam incalescentibus, proveniente, & in Cor guttatim illabente, Ignis in Corde nutritur, ita tamen ut hic ignis vicissim Sanguinis calorem augeat, & sic fluiditatem motumque ejus conservet.

338. *Quomodo Ignis in Corde fluiditatem & Motum sanguinis conservat* ?

Hoc facit sanguinem dilatando & ejus particulas variè commovendo. Quàm primum enim certa quædam sanguinis portio in cor æstuans illabitur, statim hæc intumescit & dilatatur ; dilatata Cor inflat, & exitum quærit. Hunc cum non per eas vias, per quas sanguis in Cor fluxit, ob adversum

sum valvularum cordis situm, obtinere possit, valvulas alias contrarium situm habentes, aperit, & per eas exit. Quo facto Cor *detumescit*, ita tamen ut succedente novo sanguine, protinus iterum *intumescat*; & sic sanguinem in arteriis venisque ad motum suum prosequendum, corpusque universum calefaciendum, continuo impellit.

339. *Quodnam intumescentis & detumescentis Cordis evidens est indicium?*

*Indicium illius certissimum est pulsus, quo constanti vicissitudine, Arteria in Corpore nostro modo micant, modo subsident. Quoties enim sanguis calore dilatatus ex Corde cum impetu erumpit, toties Arteria micant; quoties verò novo sanguine illabente Cor concidit, toties illæ subsident, sive detumescunt.*

340. *Cur Medici pulsum ægrorum tactu solent explorare?*

Ideo tentant salientem pollice venam, ut expulsus *celeritate* vel *tarditate*, *validiore* item vel *minus valido impulsu*, conjiciant, qualis sit sanguinis in Corde *fermentatio*,  
quo

quo eam, si conveniens Corpori non sit, vel alimentis, vel medicamentis paulatim mutare, sicque morbos pellerere possint.

341. *Tantumne ergo in debita sanguinis fermentatione, ad Corporis incolumitatem est pondus?*

Imò certè, quum ipsa S. S. teste, *sanguis sit Anima omnis carnis, Levit. 17.*

342. *Ergone à sanguine Animalis sunt Nutritio, Auctio & Generatio, quæ Animæ tribuuntur?*

Sunt, proculdubio. Etenim sanguine in omnes partes Corporis defluente, tenuiores illius partes, ab excrementitiis defæctæ, porisque membrorum impactæ, in locum earum quæ absumptæ fuerunt, succedunt, & sic Animal *nutritur*.

Quod si verò plures partes accedant, quàm deperditæ fuerunt, tum aliæ aliis additæ viventis Corpus distendunt, atque ita Animal *augetur*, sive *crescit*.

Ex abundantibus his, Corpore sanguine jam saturato, pars in vasa spermatica deferitur, quæ ibi excocta Spiritibusque imprægnata, fit *semen* ex quo Animal novum, similis speciei, *generatur*.

343 Unde

343. Unde vero Spiritus illi, qui semen  
impragnant, & prolificum faciunt?

Spiritus hi quoque ex Sanguine Originem  
suam habent, non secus ac Spiritus, qui di-  
cuntur *Animales*.

344. Explica mihi Sodes distinctiōis Spirituum Animalium naturam atque Originem?

*Spiritus  
animales  
& vitales.*

*Spiritus Animales* nihil aliud sunt quam  
tenuissimæ & agillimæ sanguinis particulæ,  
instar Vaporis subtilissimi indefinenter & in  
maxima copia, in cavitates cerebri, per an-  
gustissimos meatus, ubi à crassioribus san-  
guinis partibus, tanquam per cribrum se-  
parantur, excussæ, in nervos & musculos  
totius Corporis inde diffuentes.

345. Quomodo differunt Spiritus Anima-  
les a Vitalibus?

*Differentia* exigua satis est, immò verò  
nulla. *Animalis* enim Spiritus nihil aliud est,  
quàm *Vitalis* magis depuratus, & à fordi-  
bus, crassioribusque particulis melius in  
cerebro purgatus. Distinguuntur tamen,  
quod *Vitalis* Spiritus cum sanguine per to-  
tum Corpus diffusus, *functiones Vitales*,  
*Nutritionem, Accretionem & Generationem*  
pro-

promoveat, caloremque Corporis foveat; Quum contra *Spiritus Animales* in cerebro collecti indeque per nervos in Organa diffusi, functionibus animalibus, quales *Sensus & Motus* sunt, potissimum subserviant.

346. *Quomodo Spiritus Animales subserviunt Motui Animalium de loco in locum?*

*Spiritus Animales* suapte naturâ ad motum incitati, ex cerebro, ubi copiosissimè colligantur, influunt in *nervos*, Spiritu inde à primo Animalis ortu inflatos, novoque suo accessu, priores impellunt in *Musculos*, qui ab iis inflati contrahuntur, ossiumque annexorum commissuras vario modo inflectunt, sicque vel Corporis partem, vel totum corpus commovent; non secus ac *Molam* à vento vela inflante, vel ab aqua rotam impellente, agitari cernimus. Hinc deficiente *Spiritu*, vel obstructo aut rupto *nervo*, vel vulnerato *musculo* motum cessare videmus.

347. *Assequor hanc rem, doce me similiter, quomodo Spiritus Animales sensui administrantur?*

Faciam sedulò: Quando exteriora sensuum

na  
est  
fico  
cipi  
bens

suum *Organa* in Animali ab *Objecto* aliquo, vel mediata vel immediatè feriuntur, illeque motus in ipsis excitatus, per *nervos* Organis annexos, ad *Cerebrum* usque transit, tum *Spiritus Animales* facillimè mobiles, ex illa nervorum agitatione simul concutuntur, atque ita *Animal* aliquid à quo afficitur, mediante hoc nervorum & Spirituum motu sentit.

348. *Pulchra quidem hæc sunt, sed ut verum fatear, difficilia. Quare uberius de hisce erudiri cupio?*

Immodò *Δύσκολα τὰ καλὰ*, *Difficilia quæ pulchra*. Ut autem voto tuo satisfiat, omnem de *sensibus* doctrinam, quatenus nimirum omni *Animali*, etiam *Bruto* hic inest, solertius expendemus, de sensu *Hominis* suo loco, quæ necessaria erunt, addituri.

349. *Videamus ergo ante omnia, quid sit Brutum. Brutum?*

*Brutum* vulgo definitur; *Animal irrationale*. Plenius verò ita describitur; *Brutum est Machina Dei artificiosa, vario atque mirifico Organorum apparatu instructa, in se principium materiale vitæ, motus, sensusque habens.*

350. Ni-

350. *Nihilne ergo in Brutis est, nisi quod sit Materiale?*

Nihil certè. In hoc enim *Bruta* ab *Hominibus* differunt, quod hic *substantiam immaterialem*, seu *intellectualem* materiæ junctam habeat. *Illa* non item.

351. *Non-ne verò Bruta habent Animam quæ immaterialis est?*

Neutiquam. Habent quidem *Animam*, sed talem, quæ nihil aliud est, quam sanguinis subtilior & defæcator portio, adeo ut *vita*, *motus* & *sensus*, ab illa sola dependeat. Hinc pereunte *Bruto*, perit & ejus *Anima*, in tenuēs auras dissipata.

352. *Quod si Bruta nullam aliam Animam habent, anne possunt aliquid accuratè loquendo cognoscere vel velle?*

Non possunt, quum *volitio cognitionem*, & *cognitio conscientiam immediatam perceptionis* includat, quæ *conscientia* in Corpore utut *subtile* illud sit, dari nequit. Nec enim *subtilitas* à Corpore tollit *extensionem*, nec *extensum* aliter agit nisi *movendo*, inter *motum* autem & *conscientiam*, quæ quæso est *affinitas* vel *similitudo*? Et cur S. S. *Bruta* vocaret ζῷα ἀλογα ἢ ἰνventia ratione desti-



*fiuta*, si conscientiam, intellectum & vo-<sup>2 Pet. 2.</sup>  
luntatem haberent? Cur item illis tribu-<sup>12.</sup>  
eret וְלֹא יָדְעוּ *non intelligere* vel animadver-  
tere Psal. xxxi i. v. 9. si cognoscerent &  
vellent? Cur denique homo *ἀσύνετον* cor  
habens, cum Brutis frequenter compararetur.  
Vide Psal. 49, 21, 73, 22, 92, 7. Rectis-  
sime *Seneca* Lib. i. de Ira, cap. 3. p. 7.  
*Nulli nisi homini concessa providentia est, di-*  
*ligentia, cogitatio.*

353. *Sed alibi Scriptura S. Brutis cogni-*  
*tionem tribuere videtur, ut Jer. 1. 3.*  
*Jer. 8. 7.*

Imò *videtur*; Non verò statim quæ vi-  
dentur talia sunt. Προσφέρει τοῖς ἀνθρώποις *Quest. 52.*  
ἡ θεὰ γραφὴ διαλέγεται. καὶ ὡς ἀκύνει δύνανται *in Gen.*  
μεταχεματίζει τὸς λόγους, ut præclare *Theo-* p. 42.  
*doretus* loquitur. Scriptura dextrè explican-  
da est, ne frontibus adversis sententiæ illi-  
us concurrant. In locis designatis hæc aliud  
quid docere non voluit, quàm *Judeos* non  
id obsequium præstare Deo, quod Bruta  
*naturali instinctu* suis possessoribus, nec il-  
los tempora gratiosæ visitationis suæ obser-  
vare, quum tamen *Ciconia, Hirundo & Grus,*  
tempora accessus & discessus in regionem  
aliquam non transmittant, *sine omni pro-*  
*prio consilio, solo Creatoris nutui obsequentes.*

354. *At ob stare videtur, quod Bruta similiter rationi operentur, quodque hunc agendi modum non planè assequi possimus?*

Fateor hæc nos tantum non cogere, ad cognitionem Brutis tribuendam. Sed si paulo penitius rem inspiciamus, patebit ea talia non esse ut cognitionem Brutorum ἀναμφιλέκτως evincant.

Cum enim Opus Naturæ sit Opus sapientissimi Conditoris, necesse est, effecta naturæ etiam ab illius sapientia dependere, & eum agendi modum referre, qui ex rationis directione fit, adeò ut cognitio qua aguntur bestię, non ipsarum sit, sed ipsius Naturæ Authoris, qui eas suo nutu torquet.

Rursum, cùm Dei sapientia nostram infinitis parasangis superet, certum est multa esse *Naturæ effecta*, quæ nostrum captum superant. Vide Jobi cap. 38. 39.

Ut nunc taceam multa *humana industria* fieri posse, quorum constitutionem ne sagacissimus quidem, ni illorum ratio ab Artifice, operis Authore, ipsi detegatur, assequi potest: multa quinetiam in nobis ipsis

sis esse non minus *stupenda*, quàm Brutorum quorundam actiones, quæ tamen sine omni nostro consilio fiunt, ut in *Generatione* patet.

Quis fodes, non obstupefcit, & quam hinc inde animum suum volutavit, ex inquisitione fatigatus, suam fatetur ignorantiam, dum legit vel audit, *Architum* Terentium columbam ligneam alis instruxisse, quibus aerem secando hinc inde volitaverit; *Albertum M.* statuam homini simillimam efformasse, quæ composito incesferit gradu, & voces homine dignas articulate protulerit; Quem *Athanasius Kircherus*, non vano conatu æmulari voluit: *Noribergensem* quemdam Aquilam fecisse, quæ Cæsari Maximiliano in occursum volitans, in capite ipsius alis librata, eum in Urbem redeundo sit comitata.

355. *Quod si itaque Bruta omni cognitione destituantur, quomodo sentiunt, & appetunt? Aut sensus & appetitus possuntne dari sine cognitione?*

*Sentiunt & appetunt Bruta, sed quod & quid sentiant, vel appetant, non intelligunt, vel cognoscunt. Hominis hoc est*

περισσόν, hæc ipsius præstantia est, quâ Bruta superat.

*Sensus  
Brutorum.*

356. *Quomodo ergo Bruta sentiunt?*

Ut *sensum Brutorum* rectè assequaris, compara cum illo *sensum hominis*, in quo tres gradus distinguendi veniunt. *Primus* est motus *Organi Corporei*, nervorum & Spirituum animalium ab Objecto inchoatus, (saltem in sensibus externis) & in glandula pineali, quæ à Spiritibus variè inclinatur, terminatus; Et figuræ ac situs mutatio ex illo motu procedens.

*Secundus*, & hanc glandulæ pinealis inclinationem subsequens, *perceptio Mentis*, objectorum varietatem, ex motus varietate, dignoscentis.

Denique *Tertius* gradus continet illa *Judicia* quæ perceptionem mentis excipiunt.

In *Brutis* ex his gradibus solum *primus* deprehenditur, *binis* reliqui ad hominis *περτεία* spectant, de quibus post modum.

357. *In Brutorum ergo sensu nihil præter Motum Organi Corporei, nervorum & Spirituum est?*

Nihil quicquam. Tum Bruta *sentire* dicuntur.

cuntur, quando *Organa*, sensibus à Naturæ Authore dicata, ab *objecto* sive *causa* quadam ab illis diversa, commoventur; & *Spiritus Animales*, pro commotionis varietate, in diversa motus *Organa* influunt, à quo *influxu* omnes *Brutorum operationes*, tanquam à *Principio* quodam *Mechanico*, dependent.

358. *Quot ergò ad sensum Materialem, qui in Brutis est requiruntur?* *Requiritur ad sensum.*

Tria requiruntur. 1. *Organum*. 2. *Objectum*. 3.  *Applicatio Organi Objecti ad Organum*, & hinc subsequens *Commotio*, seu *Glandula pinealis inclinatio*:

359. *Quid vocas Organum?* *Organum.*

*Organum* voco illam Corporis partem, quæ impulsam ab *objecto* recipit: sive, illud instrumentum naturale, quo mediante Animal aliquid sentit.

360. *Unumne an plura sunt Organa?*

*Plura* sunt, quæ communiter in *Externa* & *Interna* distinguuntur.

361. *Quæ vocas Organa externa, quæ item Organa Interna?*

*Externa* dicuntur quæ in Exteriore Corporis

poris parte patent; ut *Oculus, Nares, Aures & Nervi* iis annexi. *Interna* vero, quæ in *Interioribus Corporis* partibus latent, ut *Cerebrum, Spiritus, Glandula pinealis*. Hinc etiam *sensus* in *Externum & Internum* distinguitur, quorum ille externo Organo, hic Interno perficitur.

362. *Quot numerantur sensus Externi?*

Vulgò quinque. *Visus, Auditus, Olfactus, Gustus & Tactus*, qui differunt Objectis, organis & modis, quibus afficiuntur; ut videbimus postea.

363. *Quot numerantur sensus Interni?*

Communiter tres, *sensus Communis, Phantasia & Memoria*, de quibus plenius suo loco.

364. *Ad hosce sensus movendos quid requiritur?*

Objectum.

Objectum.

365. *Quid Objectum illud est?*

*Objectum* sensus est res materialis, quæ Organum, sive sensorium movet.

366. *Unumne an multiplex hoc est?*

*Multiplex*, pro sensuum & rerum varie-

riectate. Aliud enim *Visus*, aliud *Auditus*, aliud *Olfactus* est Objectum, atque ita porro *proprium* hoc Objectum vocatur, quia unum sensum afficit, à quo *Commune* distinguitur, quod simul pluribus sensibus percipitur ut *Figura*, *Situs*, &c. Visu & Tactu simul.

367. Sed anne sufficit Objectum ad Organum movendum ut *Animal sentiat*? *Applicatio Objecti ad Organum.*

Non sufficit, verum tertio requiritur *Applicatio Objecti ad Organum*, ut hoc ab illo moveatur; Quæ applicatio ut recte fiat, sequentia requiruntur. 1. Ut inter *sensile* & *sensorium* justa sit proportio, nec illud exiguum nimis sit. 2. Ut *sensile* conveniente sit positum loco. 3. Ut intercedat aliqua *mora*, nec momento opponatur sensui, & altero statim removeatur. 4. Ut *Objectum* sensum non nimio impetu lædat.

368. *Applicatio illa immediata-ne semper est?*

Non; sed vel *Mediata*, vel *Immediata*, pro ratione sensus. E.G. in *visu* justa Objecti ab Organo requiritur distantia; In *Tactu* autem immediata est Corporis tangentis & tacti conjunctio.

H 4.

369. Tam

369. *Tam mediata quam immediata applicatio, an aliter sunt, quam Contactu?*

Non. Neque enim Corporis Organum à Corpore alio moveri potest, nisi *tangatur*. Hinc rectè *Aristoteles* lib. 3. de Anima. cap. 13. p. m. 68. ait Ἄνευ τῆς ἀφ' ἧς ἐδέξιαν ἄλλαν ἐδέχεται ἀιθροῖν εἶναι, *sine contactu nullum alium sensum haberi posse.*

*De Tactu.*

370. *Cur ergo Tactus in numero sensuum Externorum peculiarem facit Classem?*

Inde hoc est, quia licet nec *Visus*, nec *Auditus*, nec *Olfactus*, nec *Gustus* sine contactu dari possint, datur tamen *Tactus*, qui *Visus*, *Auditus*, *Olfactus*, vel *Gustus* non est.

371. *Quid Tactus est, quatenus ab aliis sensibus distinguitur?*

*Tactus* est sensus externus, maxime communis & necessarius, quo Animal, ex nervorum commotione, qualitates *Tactiles* percipit.

372. *Omnisne Tactus est externus?*

Non; quum non omnis *Externo Organo*, verum quidam etiam *Interno* peragatur. Ut si inte-



si interiores Corporis partes concutiantur  
& vellicentur.

373. *Cur ergo Tactum vocas sensum externum, si non omnis talis sit?*

Ideo *sensum externum* hunc vocavi, quia *Tactum* describere volui, quatenus ex ordine quinque sensuum externorum esse dicitur.

374. *Sed cur addidisti, illum esse maxime communem & necessarium?*

*Maxime communem* idè dixi; quia omni Animali hic inest, & alii sensus nihil aliud sunt, quàm quædam Tactus species: quia etiam per totum Corpus diffunditur.

Addidi, *Tactum maxime quoque necessarium* esse, quia ad vitam tuendam siue hoc fiat utilium prosecutione, siue noxiorum depulsione, nullus reliquorum sensuum æquè necessarius Animali est. Id quod agnovit *Aristoteles*, quondo lib. de sensu cap. 1. p. m. 2. ita scribit Ἀνευ τῆ ἀφ᾽ ἑᾶς ἀδύνατον εἶναι τὸ ζῶον, τὰς μὲν ἄλλας αἰσθήσεις ἔχει τὸ ζῶον, ὅς τῃ εἶναι ἀλλὰ τῷ εἶναι, ταῦτῃ δ᾽ ἀναγκὴν ἔχειν τὰ ζῶα. *Sine Tactu impossibile est, ut Animal sit. Ceteros quidem sensus non habet ut sit, sed*

*ut ei bene sit ; hunc autem ut habeant Animalia necesse plane est.*

*Organum  
Tactus.*

375. *Quodnam est Organum Tactus ?*

*Organum Tactus non caro, nec membrana, nec cutis, sed nervi & nervuli, eorumque sunt filamenta per totum Corpus diffusa.*

376. *Quomodo Tactus mediante hoc Organo peragitur ?*

*Tactus nervorum, nervulorum & filamentorum ab illis protensorum ope tum peragitur, quando illa solito vehementius in Corpore agitata, confestim cerebri quasdam partes concutiunt, non secus ac in fune vel chorda tensis, una extremitate illarum concussa, statim altera quoque commovetur.*

377. *Simile hoc dissimile mihi esse videtur, quum nervi non sint, ut chorda, tensi ?*

*Verum est nervos non ita tensos esse, nec tamen simile à chorda desumptum, alienum est, cum in simili non statim omnia eadem esse oporteat. Omne enim simile quoque dissimile est. In eo chorda & nervus exactè*

*con-*

conveniunt, quod sicuti unâ chordæ extremitate tactâ, altera statim concutitur; ita nervo in Corpore moto, protinus in *Cerebrum*, à quo omnes nervi derivantur, motus ille diffunditur.

378. *Sed quomodo hoc fieri potest, si Nervi non ita ut Chorda tensi sint?*

*Tensionem* compensat aptissima *nervorum* ad motus diffusionem momentaneam dispositio.

379. *quæ hæc nervorum dispositio est?*

*Dispositio nervorum* talis est. Primò nervi constant *medulla*, quæ se ad instar tenuium filamentorum, à cerebro, unde originem suam habet, usque ad membrorum extremitates, quibus hæc filamenta annectuntur, protendit.

Hanc medullam *deinde* cingunt *pellicula*, tubulorum instar filamenta nervorum involventes, illis quæ *Cerebrum* circumdant, connexæ.

*Denique* ut hæc filamenta in tubulis libera & facillime mobilia maneant, per tubulos à cerebro jugitur defluunt *Spiritus Animales*, qui illos inflant, sic ut filamenta undique hisce cincta, nec pelliculis annexa, vel levissimo motu concuti valeant.

Et

Et hæc filamentorum in Spiritu animali, tanquam subtilissimo quodam humore, positorum libera dispositio, *intensionem* compensat.

Objectum  
Tactus.

380. *Dic mihi tandem, quæ illa sint, quæ Tactu sentiuntur?*

Illa communi nomine vocantur *Qualitates Tactiles*, quales sunt *Caliditas, Frigiditas, Gravititas, Levitas, Asperitas & Levitas, Mollities & Durities*.

381. *Quenam harum Qualitatum Tactilium est ratio?*

Ratio illarum hæc est. Ubi exiguæ alicujus Corporis particulæ variè agitatæ celerius quàm nostri Corporis particulæ moventur, percipitur *Calor*; Ubi tardius, *Frigus*. Ubi Corpora efficacius deorsum tendunt, *Gravititas*; Ubi lenius descendunt, *Levitas* sentitur. Quæ habent superficiem inæqualem, mox eminentem, mox depressam, iis *Asperitas*; Quæ verò habent superficiem æqualem, iis *Levitas* tribuitur. Manui aliive membro nostro motitanti resistentia, *Dura*; iis verò aliquatenus cedia, *Mollia* appellantur.

382. *Voluptas & Dolor annon etiam ad Tactum referri debent?*

Certè debent, si *Voluptas & Dolor Ani-* *Voluptas & Dolor.*  
*malis* intelligantur, cum sine *Tactu* neu-  
 trum ex his duobus sentiatur.

383. *Quando sentitur Dolor, & quando Voluptas.*

Ubi exigua Nervorum filamenta tam validè trahuntur, ut vel difrumpantur, vel inde, ubi extremitatibus nexa fuerunt, evellantur, sentit Animal *Dolorem*, qui tantò major est, quantò validior *tractio*, vel nocentior *ruptio*, vel major cum cerebro *vicinitas*. Ubi verò non rumpuntur, nec valide intenduntur, sed blande, æquabili pulsu, moventur, *Voluptatem* quandam sentit, quam *Tuillationem* vocamus. Quæ Voluptas, continuato diutius Nervorum pulsu, tandem parit *fastidium*.

384. *In quo sensu est subtilissimus Tactus?*

In *Visu*, omnium sensuum *nobilissimo & subtilissimo*.

385. *Quid est Visus?*

*De Visu.*

*Visus* est sensus externus *nobilissimus & subtili-*

*subtilissimus*, quo Animal beneficio *Oculorum & Nervorum optidorum* inde ad cerebrum protensorum, *Lucem & Colorem* sentit.

386. *Cur Visum vocas sensum nobilissimum & subtilissimum?*

*Nobilissimum* voco, non solum quia præstantissimum & cœleste habet objectum, *Lucem* puta; verum etiam, quia Διαφορὰς πολλὰς, καὶ παντοδαπὰς εἰσαγγέλλει ἢ τὸ ὄψεως δυνάμεις, multas & varias differentias Corporum *Visio* nobis offert, ut *Aristoteles* loquitur Lib. de sensu cap. 1. Unde & *sensus inventionis* vocatur. *Subtilissimum* autem dico, quia nullus reliquorum sensuum tam subtili modo functiones suas exequitur.

*Organum  
Visus.*

387 *Quodnam nobilissimi & subtilissimi huius sensus est Organum?*

*Organum* exterius est *Oculus*, per cuius partes diaphanas, usque ad tunicam rectiformam, radii Lucis transcentes, atque ibi exigua capillamenta variè, pro Objectorum diversitate, moventes, Imaginem quandam Objecti describunt. Interius autem *Organum* sunt *Nervi optici*, inde à tunica

nica retina ad cerebrum usque protensi, concussione à tunica retina suscipientes, eamque ad communem sensuum sedem deferentes.

388 *Qui sit, quod cum duo Oculi nobis sint, Objectum tamen geminum non appareat.*

Inde hoc est, quia duæ *Impressiones* à duobus oculis venientes, in Cerebri medullæ iterum uniuntur.

389 *Impressiones illæ in Cerebro factæ, suntne Imagines, illis in fundo Oculi, vel Camera Optica depictis similes?*

Ita quidem statuunt Philosophi vulgares, qui de *Speciebus Visibilibus* multa disserunt. Jure tamen dissentiunt alii, qui solertius omnia dispiciunt; Nec enim *Lumen* in Cerebrum radios suos, ad talis figuræ descriptionem, transmittit; nec hujus imaginis ostendi potest *Subjectum*, quod illam sustinere queat. Quodcumque enim id esse dicatur, gravissima sunt incommoda, quæ sententiam premunt, omnemque ipsi probabilitatem demunt.

390. *Quod si ergo illæ Impressiones, Imagines*

gines Objectorum verè tales non sint,  
quid aliud sint edoceri cupio?

Nihil aliud *Impressiones* hæ sunt quàm varii partium Cerebri, & Spirituum Animalium, glandulam pinealem inclinantium motus, ad quos *Animus* in Homine attendens, Objecta visibilia dignoscit, licet hi motus Objectis illis similes non sint. Plane prout in *tenebris ambulans*, vel cui *Lumen* ademptum, intermedio *baculo* Objecta dignoscit, licet nec *baculus*, nec ejus motus illorum imaginem ferant. Vel prout *Voces*, sive scriptæ, sive ore prolatae rebus cognoscendis inferviunt, cum tamen rerum picturæ non sint.

Objectum  
Visus.

391. *Quanam sunt Objecta, quæ Visus hoc modo percipit?*

*Visus* percipit 1. Globulorum cœlestium rectilineam pressionem quæ *Lumen* est. 2. Varios illius pressionis, à terrestribus corporibus receptæ, aut repercussæ modos, qui *Colores* producant. Ideoque *Objectum* Visus sunt *Lux* & *Color*, quorum hic mediante Luce cernitur: Unde *Color secundarium*, *Lux* autem *primarium Objectum*, vocatur.

392. *Quum*



392. *Quum supra de Luce sufficienter actum sit, ne actum, quod aiunt, agas, missa Luce, de Coloribus, earum natura & origine me instruas rogo?*

Faciam hoc quàm clarissime & brevissime potero. Certum est *Primo* Colorem nullum esse ubi *Lux* non est. Corporibus aufert nox atra Colorem.

Certum porro est, Corpora, etiam pellucida, variis Coloribus insignita apparere, si Lumen in illa incidat, atque ad oculus videntis vario modo reflectatur; Ut in *globo vitreo* aquâ repleto, in *bullis* quibus ludunt pueruli, in *trigono vitreo*, in *Iride*, aliisque Corporibus hoc apparet.

Certum denique est, Corpora terrestria non omnia æqualem habere *superficiem*, vel similes *poros*, ac proin Globulos cœlestes in illa irruentes, vario modo refringi, & ad subtilissimum sensuum *Visum*, reflecti, qui hinc diversimode afficitur.

Ex his sequentia sponte fluunt, quæ *Colorum Naturam* & *Originem* pandunt: Nempe in *Corporib9* quæ *Colorata* videntur, non esse ipsos Colores qui videntur, sed  
eam

eam duntaxat *dispositionem*, quæ radios Luminis, vel obforbet, vel diversimode ad oculum reflectit, atque pro motus hujus varietate, subtilissima Visus Organa varie concutit, sicque Colorum sensum in nobis efficit; aded ut *Colores* prout Corporibus tribuuntur, nihil aliud sint, quàm *varii modi*, quibus Corpora radios Lucis recipiunt, & vel absorbent, vel ad oculos, insigni diversitate, remittunt.

Et quando Corpus radios Luminis absorbet, & quali suffocat, *Nigrum*; Quando verò eos, eodem quo illos recepit, ordine, ad oculos copiose reflectit, *Album* hoc appellatur.

*Ceteri Colores* à diversa Globulorum in radiis reflexis *rotatione*, Originem suam habent, quatenus hæc *rotatio* globulorum circa centrum, vel *celerior* & *validior* est, ut in colore *rubro*; vel *tardior* & *debilior*, ut in *flavo*, *purpureo*, *viridi*, aliisque coloribus.

Omnem colorum varietatem ex dicta luminis reflectione, globulorumque varia rotatione oriri, præ aliis evidentissime docent, pulcherrimæ *pictura*, quæ in charta vel tabula alba, naturæ penicillo depinguntur. Si Lumen per angustum foramen, cui  
lens

lens vitria inserta est, in Cameram obscuram immitatur.

393. *Visum quis excipit sensus?*

*Auditus.*

*De auditu.*

394. *Quid est Auditus?*

*Auditus* est sensus externus, *Visui* dignitate proximus, quo Animal beneficio *Auris* & nervorum in illis Cavernis latentium, sonum percipit.

395. *Cur Auditum Visui dignitate proximum esse dicis?*

Ideo hoc assero, quia ut *Visus* ita *Auditus*, ea quæ distant nobis offert; maxime verò, quia in percipiendis humanis *Vocibus*, quæ cogitationum sunt indices, eximium usum, ad *scientiæ* & *fidei* comparationem, nobis præstat. Unde *sensus disciplinæ* appellatur.

396. *Quodnam huius sensus est Organum?*

*Organum* Auditus est *Auris*, in qua primo occurrit *Aricula exterior* ad modum infundibuli excavata, & lata fatis ad sonos excipiendos & colligendos. Succedit *meatus angustus* & *rotundus*, diversis anfractibus *tortuosus*, ut sonus certius retineatur, &

& variis repercussionibus augeatur. In fine flexuosi & sinuosi hujus antri, est *membrana* tenuissima & siccissima, instar pellis in tympano tensa, unde nomen quoque *tympani* obtinuit. Pone tympanum est novus ductus tortuosus, à figura *Cochlea* dictus, in quo tria ossicula, *Malleus*, *Incus* & *Stapes*, cum *musculo*, tympano connexa sunt, quique aëre repletus est. Tandem sequuntur *nervi auditorii*, qui tremulos & vibratos aëris motus, tympanum & partes annexas concutientes, recipiunt, eosque ad Cerebrum diffundentes, *sonum* in Animali excitant.

*Objectum  
Auditus.*

397. *Quid est Sonus, qui auditus est*  
*Objectum?*

*Sonus* est tremulus & vibratus Aëris motus. Vel, ut *Aristoteles* Lib. 2. de Anima scribit; Ἀέρος κίνησις ἐστὶν ὁ ψῆχος, *sonus est aeris commotio.*

398. *Omnisne Aëris motus est Sonus?*

Non: sed *tremulus* & *vibratus*, quo Aëris quædam portio, in certos quosdam Circulos efformata, celerrime ultrò citraque impellitur.

399. *Quo*

399. *Quomodo circuli hi in Aëre efformantur?*

Efformantur hi *circuli* à causa aërem concutiente; v. gr. *Campanâ, Chordâ, Linguâ*, non secus ac in aquis lapillo injecto, *Circulos* fieri cernimus, primum minores, mox majores, unâ aquæ parte impulsâ aliam impellente. Prout autem hi *Circuli* magis versus eam partem protrahuntur, qua flumen progreditur; Ita etiam *Ventus* defert sonum versus eam partem qua Aërem impellit. Immo quoties *Ventus* in Cursu suo, à Corpore aliquo solidiore impeditus, eundo ac redeundo Circulum facere cogitur, rursus ut aqua, quæ à recto progressu deturbata vorticem facit, toties *Sonus* ejus auditur, cujus generatio ab illa, qua *Echo* formatur, non multum diverſa est.

400. *Quomodo formatur Echo?*

*Echo* formatur, quando *Sonus* à Corpore duro, solido, concavo, reciproca Aëris Vibratione, repercutitur; quæ repercussio, si denuo in alio Corpore similiter disposita fiat, *Echo iteratur & multiplicatur*.

401. *Sed*

401. *Sed unde tandem est, quod v. gr. in Tormento bellico disploso, qui remotiores sunt, prius flammam erumpentem, quàm Sonitum omnia concutientem observent, quum tamen proxime astantes flammam & crepitum nullo temporis intervallo distinguant?*

Inde hoc est, quod *Lumen* pressione Globulorum cœlestium solidissimorum, in puncto se, sine intercedente hiatu, tangentium propagetur: Cùm contra sonus varia aëris *undulatione*, quæ parte una aliam premente, *successiva* est, diffundatur.

*De Olfactu* 402. *Auditum qui sensus sequuntur?*

*Olfactus & Gustus*, animali ciborum feligendorum ergò potissimum concessi.

403. *Quid est Olfactus?*

*Olfactus* est sensus externus, quo Animal *narium & processuum mamillarium*, quibus tenuissimæ quædam *fibræ* annexæ sunt, beneficio, *Odores* percipit.

*Organum Olfactus.*

404. *Quodnam ergo Olfactus est Organum?*

In *Olfactu* primò est odorum Collectio, cujus instrumentum gemina *Narium* est *Cavitas*: Dein *Odoris* collecti *sensatio*, quæ  
incho-

*inchoatur*, in processibus mamillaribus, propagatur per tenuissimas fibras, à base Cerebri ad nervos propagatis, *terminatur* tandem à Nervorum & Spirituum Animalium agitatione in Conario.

405. Sufficitne ut nares sint apertæ ad inspirationem?

Non: Sed præterea requiritur *Inspiratio*.

Ὁ μὲν γὰρ ἄνθρωπος καὶ τῶν πεζῶν, ὅσα ἀναπνεύει ἀδυνατοῖ ὁσμάδες μὴ ἀναπνεύουσα. Etenim impossibile est ut homo, & ex animalibus terrestribus quæ respirant, sine inspiratione odorentur; recte inquit *Aristoteles* Lib. 2. de Anima. Hinc non modo nares manu comprimendo, sed etiam Spiritum cohibendo, fœtorem effugere licet.

406. Sed quid si Res Odoriferæ in narium Cavitatem infarcirentur, annon etiam sine Inspiratione fieret odoris sensus?

Tantum abest, ut hoc fieret, ut potius hac intrusione Odoris sensus penitus suffocetur. ὅταν γὰρ ἐπ' αὐτῷ τις ἐπιτιθῇ τὸ αἰσθητικόν τὸ ὄζον, οὐδεμίαν αἰσθῆσιν ποιήσει. Si enim quis ipsi sensorio rem olentem imposuerint, nullum sensum illius efficiet, verissimum *Aristoteles* Lib. 2. cap. 7. de

de Anima, est effatum. Res Odorifera à naribus aliquantulum distare debet, ut particulæ Odoris per Aërem diffundi & à se mutuo separari possint, ad Odoratum excitandum.

407. *Unde verò est, quod quandoque Odores non sentiamus, etiamsi illos per aërem diffusos inspiratione attrahamus, ut in Coryza laborantibus tale quid evenire experimur?*

Inde hoc est, quod in *Coryza* laborantibus, abundans humor poros processuum mamillarum occupat, nec halitum odoratum ad nervulos agitandos, admittit. *Similium similis est ratio.*

Obiectum  
Olfactus.

408. *Odor, qui est Olfactus Obiectum, in quo consistit?*

Illud *Corpus odoratum* est, quod habet particulas terrestres, subtiles, diversimode figuratas, & à Calore agitatae, quæ nervos olfactorios, vel grato modo *tirillare*, vel ingrato modo *lancinare* possunt. Unde *Odor* alius *Gratus*, *Ingratus* alius est.

409. *Quid tandem est Gustus?*

*Gustus* est sensus externus, quo Animal beneficio *linguæ* & *palati*, cum quibus *nervi gustatorii* coherent, *sapores* percipit.

410. *Quod-*



410. *Quodnam ergò Gustus est Organum?* Organum  
Gustus.

*Organum* Gustus primò est *Lingua*, quæ carne sua molli & spongiosa ad sapores humore quodam vectos, imbibendos, ut spongia ad liquorem recipiendum, aptissima est: Dein est *superior Gula pars*, sive *spongiosus palati tractus*, quem alii *Gurgulionem* appellant. Potissimum denique sunt *nervi gustatorii*, qui ex tertia, ut Anatomici loquuntur, conjugatione, è cerebro in palatum derivantur. Qui cum in *Linguae cuspide* coeant, hinc illæ linguæ pars *Gustu* quam maxime pollet.

411. *Quid gustat Lingua?*

*Objectum  
Gustus.*

*Sapores* gustat, qui ab *Odore* in eo potissimum differunt, quod *Odor* in partibus *siccis & tenuibus*, sapor autem in *crassioribus & humidioribus* præcipue consistat, *ἡ δὲ ὁ ἄρτος ὁ ἄρτος ὁ ἄρτος*, Sapor est *humidi*, ut *Odor* est *sicci*, verissima *Aristotelis* est assertio. Libr. 2. de Anima cap. 9. Unde etiam fit, ut si *Corpus sapidum*, quod *actu humidum* non est, linguæ admoveatur, sapor ejus percipi nequeat, nisi *Saliva* humectetur. Hinc etiam est, ut *Lingua arida* res siccas quidem tangat, I  
sed

sed non gustet; Οὐδὲν ποιεῖ αἰσθῆσιν χυμὸς ἀνευ ὕγρωτης, μήτε καλῶς οὐδὲ αἴγλῶσα αἰσθάνεται. *Nihil sapidum sentitur sine humore, nec lingua arida gustat, ut præclare denuo Aristoteles Lib. 2. de Anima cap. 10. docet:*

412. *Cur ergo humor ad saporis sensum tam necessarius est?*

Necessarius est *humor*, ad partes fapidas Corporis macerandas, resolvendas, explicandas & in fungosam Linguae & palati carnem deferendas, quo nervulos ibi delitescentes, pro figuræ varietate variè afficere, sicque varium Saporis sensum efficere queant.

413. *Omnisne humor tale Gustus est medium?*

Non omnis, sed ille duntaxat, qui *aquens*, & per se *insipidus* est. Quod si *humor* Linguae aliquo sapore sit infectus, Ciborum Sapor non potest dignosci. Id quod in *Ictericis* patet, quibus dulcia videntur amara, quia flava bile linguae saliva est infecta. Qui in eo non falluntur, quod amarum gustare se judicant, sed in illo, quod illam amaritiem cibi esse existimant, non humoris bile vitiati.

414. *Præ-*

414. *Præter externus sensus qui porro dantur sensus Interni?* *Sensus interni.*

Tres: *Sensus Communis, Phantasia & Memoria.*

415. *Quid est Sensus Communis?* *Sensus Communis.*

*Sensus Communis* est sensus Internus, per quem omnia sensuum externorum Objecta, in Cerebri medio, tanquam communi omnium impressionum Centro, attinguntur & uniuntur. *Sive*, nihil aliud est, quàm omnium motuum, ab Objectis, in nervis factorum in *Conario* (h. e. in intima Cerebri parte, in qua *Glandula pinealis* pendula est) concursus eo ipso tempore factus, quo Objecta sensus movent.

416. *Phantasia quid est?* *Phantasia.*

*Phantasia* est sensus internus per quem sensuum externorum objecta, etiam *absentia*, ex olim facto impressionis *vestigio*, præsentia quasi sistuntur.

417. *Vestigia illa Impressionum, qualia sunt?*

In eo hæc *Vestigia* consistunt, quod Cerebri pori, per quos, propter Objecti allicijus præsentiam, Spiritus à *Glandula*

pineali determinati, cursitarunt ea ratione dilatati, recipiendis iisdem Spiritibus alio tempore recurrentibus, facti sint aptiores.

*Memoria.*

418. *Quid tandem est Memoria, & quomodo hæc à Phantasia differt?*

*Hæc à Phantasia non aliter differt, quàm quod hæc ex vestigiis Cerebro firmitus impressis, ea quæ olim Phantasie fuerunt objecta, denuo præsentia sistat.*

*De appetitu sensitivo.*

419. *Quid sensum, tam Internum, quàm Externum, in Animalibus sequitur?*

*Appetitus Sensitivus, quo Animal in ea, quæ nutritioni & speciei propagationi inserviunt, naturali quodam instinctu, fertur.*

420. *Quotuplex est hic appetitus?*

*Triplex est. Appetitus Cibi, Potus & Veneris.*

*Appetitus Cibi.*

421. *Quid est Appetitus Cibi?*

*Appetitus Cibi est, quo Animal in Cibum naturæ suæ convenientem fertur. Vulgo Fames dicitur.*

422. *Un-*

422. Unde existit in Animali Fames?

Inde existit *Fames*, quod Animalis stomachus vacuus, ab humore quodam acri ex arteriis in stomachum defluente, cibis diluendis, macerendis & fermentandis destinato, vellicetur, sicque nervi inde ad Cerebrum protensi concutiantur, ad *Cibi* necessitatem Animali significandam.

423. Quid est *Appetitus Potus*?

*Appetitus Potus.*

*Appetitus Potus* est, quo Animal ad *Potum* naturæ suæ convenientem fertur. *Sitis* hic vocatur.

424 Unde *Sitis* Originem habet in Animal?

*Sitis* in Animali oritur, quando in faucibus, palato, vel lingua ipsius ab ardore Ventriculi, & vapore quodam calidiore, ex inferioribus Corporis partibus exfudante, à *Cibis* item *salsis* & *amaris*, similibusque causis, excitatur quædam *ariditas*, à qua nervuli aliquo modo corrugantur, ad *potus* necessitatem Animali ostendendam.

425. Quid denique *Appetitus Veneris* est?

*Appetitus Veneris.*

*Appetitus Veneris* est quo Animal in conjunctionem cum simili ad speciei propagationem

gationem, vehementi quodam *impetu* fertur.

426. *Unde hic Impetus est ?*

*Impetus* hic Animalium inde existit, quod iusta illorum ætate, *semen* in vasis generationi & receptioni illius dicatis, auctum, accedente quodam ex *spirituum* affluxu calore, *libidinem* proritet, quæ in Masculis ex Fœminæ, & contra in Fœminis ex Masculorum præsentia, multum agitatæ Spiritibus animalibus, Animalia in mutam conjunctionem *furore* quodam impellit, quo non aliter æstuant, ac clausis rapidus fornacibus Ignis. Hinc calore & juvenili fermento deficiente *Masculus*

*Frigidus in Venerem segnior frustra que laborem*

*Ingratum trahit : Et si quando ad prælia ventum est,*

*Ut quondam in Stipulis magnus sine viribus Ignis,*

*In cassum furit. Virg. 3 Georg.*

427. *Ergone hic Impetus mox intensus, mox remissus, mox nullus est ?*

Imò verò, pro *Ætatis* diversitate, *Caloris* vel incremento vel Decremento, denique  
Ob-

*Objectorum* ad libidinem excitantium qualitate; Quæ plenius explicare nihil nunc attinet.

428. *Idemne quid in Sensibus observatur?*

Certè. Etenim hi pro *ætatis*, *constitutionis*, *alimenti* & similium diversitate, vel magis vel minus vigore suo pollent. Et in eodem homine, in eadem ætate, perpetua quadam *vigilie* & *somni* vicissitudine, modo vigent, modo torpent.

429. *Quid est Vigilia?* *Vigilia.*

*Vigilia* est liberum sensuum, quâ internorum, quâ externorum, exercitium, ab non impedito Spirituum in organa inflexu dependens. Hinc quæ *Spiritus animales* augent, aut fortius agitant, *Vigilias* inducunt.

430. *Quid contra est Somnus?* *Somnus.*

*Somnus* est sensuum quædam ligatio, ex defectu Spirituum originem trahens. Unde quæ *spirituum* copiam imminuunt, vel motum eorum retardant, *Somnum* conciliant.

431. *Nonne vero somnus Spiritus Animales restaurat?*

Certè eos *restaurat*, quatenus in Animalibus

dormiente, ex ciborum concoctione novi surgunt, qui quiescente Animali non facile dissipantur. Unde *Animalia* somno fota vigorem suum recipiunt. Præclare *Tertullianus* Lib. de Anima: *Somnus est re-creator Corporum, redintegrator virium, probator valetudinum, medicus laborum.*

432. *Quod si in somno spiritus instaurantur, qui somnus ex defectu spirituum potest oriri?*

Deficientibus Spiritibus *Somnus* obrepit, & tamdiu durat, donec Spiritus denuò collecti, in Organa sensuum prono quasi alveo, se rursus diffundant, & torporem Animali excutiant.

*Insomnium.*

434. *Somnus quomodo differt ab insomnio?*

In eo differunt, quod *Insomnium* sit quædam in somno diversorum Objectorum facta representio.

434. *Unde est Varietas Insomniorum?*

*Varietas insomniorum* oritur à diversitate  
1 *Vestigiorum Cerebro impressorum.* Sic pleraque quæ sensu volvuntur vota diurna, pectore sopito reddit amica quies. 2 *Temper-*



peramenti, Ciborum item & Potus, quibus Spiritus aliter atque aliter figurantur vel moventur. Sic *Biliofi* de rixis, pugnis, incendiis; *Phlegmatici* de eluvionibus aquarum, navigationibus, submersione, &c. somniant. 3 *Consuetudinis*, quæ cum altera natura quasi sit, nec in somno expelli potest, sed sui vestigia etiam cæca relinquit. Qua de re pulchre cecinit *Claudianus*.

*Venator defessa thoro cum membra reponit,  
Mens tamen ad sylvas & sua lustra redit,*

*Judicibus lites, auriga somnia currus,  
Variæ nocturnis meta cavetur equis.  
Me quoque Musarum studium sub nocte fienti*

*Artibus assiduus sollicitare solet.*

435. *In quo vero Animalium hæc omnia, De He-  
qua de Sensibus, Appetitu & conne- mine.  
xis dicta sunt, præcellentissimo modo re-  
periuntur?*

In *Homine*, quod sanctius cæteris omnibus est Animal, mentisque capacius altæ.

436. *Quid est Homo?*

*Homo est Animal rationale; seu plenius,*

*Homo est substantia composita ex Mente finita & Corpore Organico.*

437. *Estne ergo in homine substantia quædam à Corpore Organico diversa?*

Est; Et in hoc à *Brutis* distinguitur, in quibus præter *Corpus*, ex vario Organorum majorum & minorum, internorum & externorum apparatu constans, *Spiritusque materialis* totus infusus per artus, nulla alia Substantia datur.

*Mens  
humana.*

438. *Quanam hæc substantia à Corpore diversa est, quæ in Homine Corpori Organico jungitur?*

Substantia hæc *Mens humana* sive *Animus Hominis* est.

439. *Quid est Mens humana & quomodo à Corpore differt?*

*Mens humana* est substantia quædam cogitans, finita, Corpori Organico mutuo quasi fœdere juncta. Hæc in eo à Corpore differt, quod hoc extensum & divisibile sit, illa non item.

440. *Cur vocatur Substantia cogitans, & quidem Finita?*

*Cogitans* substantia vocatur, quia actus illius

illius vitalis & essentialis, adeoque ab ea inseparabilis, est *cogitare*, h. e. intelligere, velle, ratiocinari. *Finita* autem dicitur, quia licet semper cogitet, non tamen de omnibus cogitat: Nec de quibus cogitat, ea statim penetrat; multa quinetiam vult, quæ non assequitur; quæ omnia *Imperfectionis* sunt argumenta, à quibus *Mens infinita*, quæ Deus O. M. est, libera planè est.

441. *Quomodo Mens finita in homine* *Mentis*  
*Corpori juncta est?* *cum corpore*

*Mens Corpori juncta* est certo quodam *Unio.*  
*fœdere*, in Conditoris O. M. bene-placito fundato, qui hanc partibus dixit legem, ut *Mens Corpore* decenter utatur, *Corpus* contra membrorum & spirituum suorum motu, varias cogitandi occasiones animo obiciat, quas evitare *stante hoc fœdere* non potest.

442. *Quamdiu stat hoc fœdus?*

Tamdiu *stat*, quamdiu *Corpus* commodum *Mentis* domicilium, & idoneum illius, in præcipuis quibusdam functionibus homine dignis, esse potest *Organum*. Hisce in Corpore cessantibus solvitur *fœdus*, non *Mentis* sed *Corporis* culpâ, sicque *Homo* moritur.

443. *Ex*

443. *Ex hoc Mentis & Corporis fœdere, quæ in Homine proveniunt Affectiones & Operationes?*

Illæ hinc proveniunt *Affectiones & Operationes*, quæ nec soli Menti nec soli Corpori, sed toti composito competunt, & *Humana* vocantur, quales sunt, v.gr. *sensus humani, affectus item animi*.

*Sensus  
humanas.*

444. *In Sensu humano aliudne quid occurrat præter ea, de quibus ante, in generali sensuum descriptione actum?*

Imo, & quidem hoc, quod in *Homine* sit *Mens*, ad Motus Organorum attendens, eosque dijudicans, quæ in *Brutis* non est. Hinc solent acuratiores Philosophi in sensu certos distinguere gradus.

445. *Quot Gradus in sensu numerant?*

Tres. *Primus* est *Motus Organi Corporei*, ab Objecto, in sensu externo inchoatus, & in Medio Cerebro terminatus. Et hunc gradum Homo cum *Brutis* habet communem, *Secundus* est *perceptio mentis*, ad motum illius attendentis; Quem excipit *Tertius* qui est *Judicium de perceptione*, an clara vel obscura hæc fuerit, itemque de *re percepta*, qualis illa sit. Et hos duos gra-

gradus Homo privato jure sibi vindicat, ut supra quoque monuimus.

446. *Ex his Gradibus potestne unus sine alio in homine quandoque esse?*

Potest, non quidem si à *tertio* incipias, & ad *secundum primumque* progrediaris. Nam, ut in numero ternarius binarium, & hic unitatem includit; sic etiam in his gradibus *Judicium* nequit esse sine *perceptione*, & hæc non sine *Organorum Motu*. Verum si contrariam viam teneas, *primus* sine *secundo*, & hi juncti sine *tertio* esse possunt. Sic qui dormiunt more leporino, à Luce candelæ accensæ, oculi eorum commoventur, nec tamen animus Luminis præsentiam animadvertit. Similis ratio eorum est, qui vigilantes, fatalis motisque sensuum organis stupent. Et qui motum organorum percipiunt, non statim judicare tenentur, verum *Judicium* pro lubitu suo suspendere possunt, donec ex sollicita omnium peruestigatione, omnis erroris metus profligatus fuerit.

447. *Ubi Mens humana motum Organorum sentit, an immediate in Organo motu, v. gr. in Oculo, aure, an alio in Loco?* *Mens sentit in Cerebro.*

Ibi Mens omnia sentit, ubi omnes in cor-

corpore humano excitati motus coeunt ; Quod cum in *Cerebri meditullio* fiat, in quo omnium nervorum est concursus, Mens ibi tanquam in *Acropoli* residens, quæ in Corpore accidunt, observat. Itaque cum v. gr. *Lumen* videmus vel *sonum* audimus, non putandum est, Mentem in *oculo*, vel *aure* suo sentiendi actu immediatè defungi, sed potius cogitandum eam ope nervorum, ab istis membris ad Cerebrum extensorum, in *sede* sua talia sentire. Quod si enim in *Oculo* videret, in *aure* audiret, cum geminum utrumque sit Organum, fieri non posset ut non gemina esset unius Objecti eodem tempore sensio. Contrarium autem cum evidenter pateat, manifestum quoque est hinc, Mentem in ea Corporis parte sentire, in qua duæ impressiones, per duplicia sensuum Organa, ab unico objecto venientes rursus in unum coeunt, antequam Mentem afficiant, quæ nulla alia est à media Cerebri parte, Medicis *Conarion* dicta.

448. *Suntne alia Argumenta hoc ipsum comprobantia ?*

Sunt plura alia. Insigne id est quod à *Vertigine* defumtum, in qua omnia externa

na circulariter moveri videntur, quum tamen neque in Objectis, neque in sensibus externis Circularis motus sit, idque hac sola ex causa, quòd Spiritus in Cerebro cum in modum agitati, mentem immediate afficiant, quæ præcipiti iudicio motum illum Objectis tribuit.

His adde, quod *Cerebro obstructo*, vel *leso*, sensus cesset, ut in *Apoplecticis* patet; Quod *Imaginatione* turbata, omnes sensus turbentur, id quod in *Phreneticis* cernimus; quod denique nonnunquam eveniat, ut *dolor* sentiatur, veluti in membro aliquo, in quo tamen nulla est doloris causa, sed in aliis per quæ nervi transeunt, qui inde ad Cerebrum protenduntur. Sic refert sagacissimus Philosophus *Cartesius*, se puellam novisse, cui ob gangrænam brachium depascentem, brachium fuerit resectum, ne pars sincera trahatur, quæ etiam manca de doloribus digitorum acutissimis, inscia illius, quod ipsi accidit, fuerit conquesta. Similia Exempla & ipse observavi. Ex his omnibus fati patet, Mentem non in Organis sensuum externorum, vel in corporis partibus quibuscunque, sed in *Cerebro* sentire; id quod dictorum ignarum, vel ipse *Somnus* qui Cerebrum

brum

queat. Sic ut non fatis mirari possim hanc *Sperlingii* Assertionem: *Æque intellectus est in pedibus, parte vilissima, ac in Capite, arce sapientiæ; Æque voluntas est in ventriculo, ac in Oculo, æque in abdomine ac facie.* Quo an quid brutum magis asserere posset, dubito. Certe *Sperlingio* non *Mavors* ventosa in Lingua, pedibusque fugacibus, sed intellectus hæsit, quod sinistrum Omen nemo sibi cupiat.

*Affectus seu  
passiones  
Animi.*

449. *Acquiesco in hisce, quæ de sensu humano protulisti, utque quæ Affectuum Animi sit ratio, subnectas flagito?*

Faciam & simul Doctrinæ de naturalibus rebus, quam *Physicam* vocant, finem imponam, confusus me desiderium tuum si non explēsse, saltem aliquo modo famem sciendi compressisse.

450. *Quid vocas Affectus Animi?*

*Affectus Animi* voco eas Animi commotiones, quæ per Spirituum Animalium motum, Cordis alterationem subsequente, in Anima ita producuntur, conservantur & corroborantur, ut non Corpori vel Objectis excitantibus, sed Menti passio ascribatur. Tales sunt *Amor, Odium, Letitia, Tristitia, &c.*

451. *Cur*



451. *Cur Affectus vocas Animi commotiones?*

*Animi Commotiones* eos voco, quia nullæ aliæ in animo occurrunt cogitationes, quæ illum æquè afficiant, atque frequenter perturbent. Unde etiam *Passiones Animi* κατ' ἐξοχὴν vocantur, quæ hominis mentem, ni eis imperet, easque frenis & catenis quasi compescat, abripiunt;

*Non aliter, quam qui adverso vix flumine  
lambunt*

*Remigiis subigit, si brachia fortè remisit, Virg. l.*  
*Atque illum in præceps prono rapit alveus Georg.*  
*amne.*

452. *Unde verò Animus tanto cum impetu commovetur?*

*Commovetur* Animus usque ad eò à peculiari motu *Spirituum*, qui *Cordis alterationem* sequitur, & per *nervulos* à præcordiis in *Cerebrum* ascendentibus, ad *Animi* sedem diffunditur, eumque valide concutit. Unde triplex in *Affectibus* *Animi* observandus est *gradus*, triplici *gradu* sensuum respondens.

453. *Qui hi Affectuum sunt Gradus?*

*Primus est, Cordis, sanguinis & Spirituum*  
*Com-*

*Commotio*, five *Alteratio*. Consequens inde *Mentis perceptio* est secundus; Accedens denique *Animi perturbatio*, quatenus est præceps quædam iudicii aut voluntatis inclinatio aut aversio, *tertius* est in Affectibus gradus.

454. Cordis alteratio, quæ passionem Animi in Homine efficit, unde est?

Non unicam, sed variam hæc habet Originem. Quandoque enim ipsa *Mens* in cogitatione quadam vel grata, vel molesta defixa, Cordis statum immutat: Quandoque Corporis nostri *temperamentum* peculiare, motum Cordis temperat; Quandoque *Objectum* sensum movens, Cor in consensum trahit. Ipsa quinetiam *vestigia* in Cerebro expressa non exiguum Cordis inclinationi addere possunt pondus.

455. Unde vero est, quod Animus Passiones sentiat, non tanquam in Corde, sed tanquam in se ipso existentes?

Inde hoc est, quia sapientissimo Conditori placuit etiam in perceptionibus animi *varietas*, ad πολυποίκιλον σοφίαν plenius demonstrandam. Hæc varietas *triplex* est. Aliquando percipit enim Mens aliquid tanquam *extra hominem* positum, ut si videt equum,

quum, canem &c. Aliquando percipit quid, ut in *Corpore* cui juncta est existens; ut si dolorem in pede, calorem in manu sentit. Aliquando vero percipit aliquid, ut in *se ipsa* positum; ut si gaudio vel mœrore afficitur &c. Quæ omnia cum plenissime in Aureolo D. Cartesii de *Passionibus Animi* explicata sint, verbum non addam, hicque pedem figam.

---

FINIS.

---

# I N D E X.

Numerus paragraphos sive quaestiones norat.

|                             |                        |     |                               |     |
|-----------------------------|------------------------|-----|-------------------------------|-----|
| <b>A</b>                    | <b>Er</b>              |     | eius objectum                 | 397 |
|                             |                        | 245 | & organum                     | 396 |
|                             | eius agitatio cessare  |     | Aurum                         | 313 |
|                             | non potest             | 248 |                               |     |
|                             | tres regiones          | 252 | <b>B</b>                      |     |
|                             | differt ab Atmosphaera | 254 | Bitumen cur accensum etiam in |     |
|                             | Meteora                | 291 | aqua ardeat                   | 308 |
| <b>Æs</b>                   |                        | 314 | Brutum                        | 349 |
| <b>Affectus animi</b>       |                        | 449 | nihil in eo nisi materiale    | 350 |
| <b>Anima vegetativa</b>     |                        | 317 |                               |     |
| <b>Animales spiritus</b>    |                        | 344 | <b>C</b>                      |     |
| <b>Animalia</b>             |                        | 333 | Capra saltans                 | 289 |
| eorum vita in quo consistat |                        |     | Cartesii Elementa             | 147 |
|                             |                        | 334 | Cælum                         | 156 |
| <b>Animata corpora</b>      |                        | 316 | quid sit                      | 157 |
| <b>Antipodes</b>            |                        | 229 | cur vastissimum, pellucidum   |     |
| <b>Appetitus sensitivus</b> |                        | 419 | & fluidum dicatur             | 158 |
| <b>Cibi</b>                 |                        | 421 | movetur                       | 160 |
| <b>Potus</b>                |                        | 423 | eius vortices                 | 162 |
| <b>Veneris</b>              |                        | 425 | Colorum natura & origo        | 392 |
| <b>Aqua</b>                 |                        | 231 | Columna pyramidalis           | 289 |
| est insipida                |                        | 239 | Cometa                        | 190 |
| eius meteora                |                        | 295 | est perennis                  | 193 |
| <b>Arbor</b>                |                        | 332 | eorum generatio               | 217 |
| <b>Argentum</b>             |                        | 313 | Corpus naturale               | 12  |
| <b>Argilla</b>              |                        | 310 | eius essentia                 | 20  |
| <b>Aristotelis Elementa</b> |                        | 219 | rarefactio & condensatio      | 22  |
| <b>Atom</b>                 |                        | 21  | principia                     | 23  |
| <b>Auditus</b>              |                        | 393 | efficiens                     | 29  |
|                             |                        |     | finis                         |     |

# I N D E X.

|  |     |                                   |            |
|--|-----|-----------------------------------|------------|
| <i>Enis</i>                            | 33  | <i>Figura</i>                     | 63         |
| <i>forma</i>                           | 41  | <i>Fixa Stella</i>                | 175        |
| <i>natura</i>                          | 50  | <i>Fontium origo</i>              | 240        |
| <i>affectiones</i>                     | 57  | <i>ascensus ad montes</i>         | 242        |
| <i>species</i>                         | 138 | <i>Forma</i>                      | 41         |
| <i>generalissima differentia</i>       | 120 | <i>ejus origo</i>                 | 47         |
| <i>Corpore perfecte mixta</i>          | 299 | <i>Frutex</i>                     | 332        |
| <i>imperfecte mixta</i>                | 285 | <i>Fulgur</i>                     | 290        |
| <i>animata</i>                         | 316 | <i>Fulmen</i>                     | 290        |
| <i>inanimata</i>                       | 301 | <i>Fumus</i>                      | 277        |
| <i>Creta</i>                           | 310 |                                   |            |
| <i>Cuprum</i>                          | 314 | <b>G</b>                          |            |
|  |     | <i>Gallaxia</i>                   | 183        |
|  |     | <i>Generalis physica</i>          | 19         |
|  |     | <i>Generatio</i>                  | 318        |
| <b>D</b>                               |     | <i>Grando</i>                     | 295        |
| <i>Determinatio motus .</i>            | 102 | <i>Gustus</i>                     | 409        |
| <i>Divisibilitas</i>                   | 62  | <i>ejus organum</i>               | 410        |
| <i>Dolor</i>                           | 382 | <i>objectum</i>                   | 411        |
| <i>quomodo sentiatur</i>               | 383 |                                   |            |
| <i>Draco volans</i>                    | 289 | <b>H</b>                          |            |
| <b>E</b>                               |     | <i>Herba</i>                      | 332        |
| <i>Echo</i>                            | 400 | <i>Homo</i>                       | 435        |
| <i>Eclipsis Lunæ</i>                   | 204 | <b>I</b>                          |            |
| <i>Solis</i>                           | 205 | <i>Ignis</i>                      | 259        |
| <i>tempore passionis dominicæ sin-</i> |     | <i>subterraneus</i>               | 265        |
| <i>gulare quid</i>                     | 208 | <i>ejus origo</i>                 | 266        |
| <i>Elementum in genere quid sit</i>    |     | <i>subita accensio</i>            | 267        |
|  | 142 | <i>supraterreneus</i>             | 269        |
| <i>an plura sunt elementa</i>          | 144 | <i>ejus accensio</i>              | 269: 275   |
| <i>elementorum Aristot. &amp; Car-</i> |     | <i>ignis fatuus</i>               | 289        |
| <i>tes. inter se invicem concili-</i>  |     | <i>ignis sub concavo lunæ non</i> |            |
| <i>atio</i>                            | 146 | <i>datur</i>                      | 282        |
| <i>Erratica stella</i>                 | 185 | <i>ignis diversa effecta</i>      | 278        |
| <b>F</b>                               |     | <i>meteora</i>                    | 288        |
| <i>Ferrum</i>                          | 314 | <i>Impenetrabilitas corporis</i>  | 62         |
|  |     |                                   | <i>In.</i> |

# I N D E X.

|                                    |     |  |     |
|------------------------------------|-----|--|-----|
| <i>Inanimata corpora</i>           | 301 | <i>Motus</i>                           | 68  |
| <i>Insomnia</i>                    | 433 | <i>in eo circulus</i>                  | 73  |
| <i>idee eorum varietas</i>         | 434 | <i>omnis fit per impulsum</i>          | 74  |
| <i>Iris</i>                        | 298 | <i>nullus ex fuga vaeni</i>            | 77  |
| <b>L</b>                           |     | <i>motus accretionis, alterationis</i> |     |
| <i>Lapides</i>                     | 311 | <i>&amp; diminutionis</i>              | 79  |
| <i>Lemnia terra</i>                | 310 | <i>motus auctor</i>                    | 80  |
| <i>Locus five situs</i>            | 109 | <i>communicatio</i>                    | 82  |
| <i>externus &amp; internus</i>     | 113 | <i>determinatio</i>                    | 102 |
| <i>non est Spatium incorporeum</i> | 114 | <i>naturalis &amp; violentus</i>       | 91  |
| <i>nes immensitas divina</i>       | 115 | <i>motus quantitas</i>                 | 85  |
| <i>Lumen</i>                       | 167 | <i>motus projectorum</i>               | 106 |
| <i>differt a luce</i>              | 169 | <i>Mundus</i>                          | 126 |
| <i>Luna</i>                        | 197 | <i>unicus est</i>                      | 127 |
| <i>ejus Eclipsis</i>               | 204 | <i>indefinitus</i>                     | 131 |
| <b>M</b>                           |     | <i>non tamen infinitus</i>             | 132 |
| <i>Magnes</i>                      | 76  | <i>extramundana spatia non dan-</i>    |     |
| <i>Maris aestus</i>                | 244 | <i>tur</i>                             | 133 |
| <i>Materia prima</i>               | 37  | <i>ante mundum non fuit tempus</i>     | 134 |
| <i>Materia inflammabilis</i>       | 271 | <i>citius creari potuisset</i>         | 136 |
| <i>Memoria</i>                     | 412 | <i>mundi aternitas impossibilis</i>    | 137 |
| <i>Mens humana</i>                 | 438 | <b>N</b>                               |     |
| <i>ejus cum corpore unio</i>       | 441 | <i>Naphtha</i>                         | 308 |
| <i>sensit in cerebro</i>           | 447 | <i>Natura</i>                          | 50  |
| <i>Mensurabilitas corporis</i>     | 62  | <i>inter Principia corporis nume-</i>  |     |
| <i>Metalla</i>                     | 312 | <i>ratur</i>                           | 50  |
| <i>Meteora 285 quid sint</i>       | 286 | <i>Nebula</i>                          | 295 |
| <i>quotuplicia</i>                 | 287 | <i>Nix</i>                             | 295 |
| <i>aerea</i>                       | 291 | <i>Nubes</i>                           | 295 |
| <i>apparentia</i>                  | 297 | <b>O</b>                               |     |
| <i>aquea</i>                       | 295 | <i>Ochra</i>                           | 310 |
| <i>ignea</i>                       | 288 | <i>Olei concretio</i>                  | 238 |
| <i>Mineralia</i>                   | 302 | <i>Olfactus</i>                        | 402 |
|                                    |     | <i>ejus</i>                            |     |

# I N D E X.

|      |   |     |                                  |     |
|------|---|-----|----------------------------------|-----|
| 68   | eius objectum                               | 408 | Privatio                         | 49  |
| 73   | organum                                     | 404 | Profeſtorum motus                | 106 |
| 74   | Organum                                     | 359 | Pruina                           | 295 |
| 77   |   |     | Pulsus cordis                    | 339 |
| nis  |   | 298 | Pulvis pyrius                    | 294 |
| 79   | Paraseleno                                  | 298 |                                  |     |
| 80   | Parelius                                    | 298 |                                  |     |
| 82   | Passiones animi                             | 449 |                                  |     |
| 82   | Pbantasia                                   | 416 | Quantitas                        | 59  |
| 82   | Philosophia                                 | 1   | Quies                            | 95  |
| 91   | theoretica                                  | 3   | non est privatio motus           | 96  |
| 85   | practica                                    | 4   |                                  |     |
| 85   |   |     | R                                |     |
| 06   | Phyſica                                     | 7   | Rarefactio                       | 22  |
| 26   | quid ſit                                    | 8   | Reſiſtendi & agendi vis          | 106 |
| 27   | cur dicatur ſcientia                        | 9   | Ros                              | 295 |
| 31   | cur ſcientia corporis naturalis             |     | S                                |     |
| 32   |   | 10  | Sal                              | 306 |
| an-  | cur addatur quatenus tale                   | 11  | Samia                            | 310 |
| 33   |   |     | Semen prolificum                 | 320 |
| 33   | eius diſiſio in generalem & ſenſus communis |     | Sensus communis                  | 415 |
| 34   | ſpeſtalem                                   | 18  | humanus                          | 446 |
| 36   | Planeta                                     | 184 | brutorum                         | 356 |
| 36   | quid ſint                                   | 185 | Sidus                            | 166 |
| 37   | cur ita appellentur                         | 186 | eorum identitas qualis           | 171 |
| 38   | quot numerentur                             | 188 | Sinus ſeu locus                  | 109 |
| 50   | an differant a comas                        | 191 | eius efficacia                   | 116 |
| 50   | eorum generatio                             | 217 | Sol                              | 175 |
| me-  | Plantæ                                      | 323 | non eſt corpus ſolidum ignitum   |     |
| 50   | eorum nutritio                              | 324 |                                  | 178 |
| 295  | ſpecies                                     | 331 | eius eclipſis                    | 205 |
| 295  | Plumbura                                    | 314 | macule unde                      | 210 |
| 310  | Pluvia                                      | 295 | Somnus                           | 430 |
| 238  | Principia corporis                          | 22  | Spasium                          | 15  |
| 402  | interna                                     | 34  | Species corporum ad certas revo- |     |
| ejus | externa                                     | 27  | cari poſſunt claſſes             | 140 |
|      |   |     | Spe-                             |     |

# I N D E X.

|                             |                             |                         |     |
|-----------------------------|-----------------------------|-------------------------|-----|
| alis Physica                | 122                         | armena seu bolus armena | 310 |
| us animales & vitales       | Terræ motus                 |                         | 293 |
|                             | 344 Tonitru                 |                         | 290 |
|                             | 166 Trabs                   |                         | 289 |
| erratica                    | 185                         |                         |     |
| fixa                        | 175                         | V                       |     |
| cur ita appellantur         | 179 Vacuum                  |                         | 17  |
| de novo oriuntur            | 213 Vegetativa anima        |                         | 317 |
| quando & quomodo oriuntur   | Ventus                      |                         | 292 |
|                             | 214 Vigilia                 |                         | 429 |
| quomodo evanescent          | 215 Vini concretio          |                         | 237 |
| ucci concreti               | 304 Virga                   |                         | 298 |
| ulphur                      | 307 Vis agendi & resistendi |                         | 106 |
|                             | Visus                       |                         | 385 |
| actus                       | 370 ejus objectum           |                         | 391 |
| ejus objectum               | 380 organum                 |                         | 387 |
| organum                     | 375 Vitales spiritus        |                         | 344 |
| eripus                      | 117 Vitri conflatio         |                         | 280 |
| non fuit ante mun lum       | 134 Voluptas                |                         | 382 |
| ensens, præteritum, futurum | Vortices                    |                         | 162 |
|                             | 119 Vorticum origo          |                         | 164 |
| est globus                  | 221 pluralitas              |                         | 165 |
| terrea mineralis            | 309 constantia & distinctio |                         | 170 |

F I N I S.



